


LYR
HEIL
FT
ER
AR
CK
D

1556

AB
154037





Hi 6618

1. Flaccii / Matth. Ellii / von der
 I. Seynigt, an der Casp.
 Schwensfeld, 1554.

Hi 6618

2. von dem für
 unserer pünktl. in Schwent,
 seldischer Seynigt,
 1554.


00

4. fünfzig große Juchener
 verpönt seldischer s. Diet
 Schwensfeld: / Seynigt,
 Jena, 1554

an 79 4700

3. Agricola / Theoph. / antwort
 auf Flaccii Büchlein an der
 Schwentfeld, Jena, 1556.





1.
Von der H. Schrift
und ihrer Wirkung/wider Caspar
Schwenckfeld/Durch Matthiam,
Slacium Illyricum.

Mit einer Vermanung Nicolai Galli/das ampt Göttliche
worts in ehren zuhaben.

Rom. v.

Der Glaube kompt auß dem gehör durchs wort
Gottes/haben sie es nicht gehört. 2c.

Der fürnehmste streytt mit Schwenckfeld ist von diesem
Spruch/Er zeühet ihn auffß inwendige gehör des Geysts/
wir verstehen in vom außwendigen gehör der rechten Pre-
diger. Dañ weyl der heylig Paulus allda von der eüsserlichen
Predig redet / so muß er auch notwendig vom eüsserlichen
gehör handeln / dañ er spricht/wie sollen sie hören ohn Pre-
dig 2c. Item/wie lieblich seind die füsse deren/so den Friden
verkündigen 2c. Item/haben sie es nicht gehört/Zwar es ist
jr schall in alle land/vnd jr wort in die gantze Welt außgan-
gen/Iha Paulus setzt allda nach einander ein gantze reyge
causarum et effectuum/als Gottes sendung / der Prediger
predigen / das hören/glauben/anruffen/selig werden. Gott
der güttige vatter schicket rechte Prediger/die Prediger pre-
digen Gottes wort / die leüt hörens / die hörenden glauben/
die gleichigen ruffen Gott an/die Anruffer werdē selig/Ist
nün der Prediger vnd sein predig ein leylich vnnnd
eüsserlich ding/so muß auch gewißlich
das hören ein leylich auß-
wendig ding
sein.

M. D. LIIII.



[Faint, illegible text, likely bleed-through from the reverse side of the page]

L 3437



Der leydige Teüfel/ weyl er ein
 abgesagter feyndt ist/ Gottes / seins worts
 vnd seiner kirchē / hat sich wol sehr offte auff
 mancherley weyse versücht vnd vnderstan-
 den/ware erkantnuß Gottes vund reyne lehr züuerdun-
 ckeln oder zünerfelschē/hats doch bisher vast stucksweyß
 gethon/ jetz die Gottheit/ jetz die menschheyt Christi an-
 gegriffen/ jetz das ampt Christi/ jetz die Sacrament/ ic.

Nun aber gedencet ers meines bedunckens / durch den
 Schwencckfeldt auff ein mal gar außzumachen/ vnd dem
 faß den boden außzustoßen. Dann durch den greiffet er
 die heylig Schrifft gewaltig an/ vund gedencet sie kurtz
 vmb/vnderm schein vund decket ~~das~~ offer heyligkēyt vund
 geystlichkēyt/ den leuten gar auß den augē hinweg zureif-
 sen vnd züuernichtigen/auff das / Wan solches liecht der
 warheyt erlösche od vnder die banck gesteckt wurde/er im
 finstern regieren vñ seiner Schwermherz mit hellischē
 Teüflischen gespansten vnd mancherley irrthumben er-
 füllen/vnd die selbige darnach durch ihren mundt in die
 Kirche außspeyen möchte.

Dan Schwencckfelds irrthumb/ vnd verfürische / Ke-
 zerische vnd Gottslesterische lehren (die er nach der län-
 ge versichert) seind dise/ Das die heylig schrifft kein Got-
 tes wort sey / das sie endelich sampt ihren sprüchen nicht
 bestehe/ das der glaub nicht auß dem gehörs/ oder auß der
 schrifft kome/wachse nicht durch sie/ hange auch nicht an
 ihr / ja (das noch mehr ist) er sagt frey durtz her auß / der
 ware vnd lebendige glaube richtet sich nicht nach der Hey

Der Teüfel
 gedencet
 durch den
 Schwencck-
 feldt der Re-
 ligion auff
 ein mal gar
 außzumach-
 en.

Schwencck-
 felds Keze-
 rische lehre
 vnd irthüm-

A ij ligen



Vorred.

ligen Schrift/Sondern die H. schrift müsse sich stracks nach dem glauben richten/Dann die Christen haben (wie er dichtet) ein andere lebendige heylige schrift im hertzē/welche Gott selbst in ihr hertz geschriben / nach deren richten sie sich/die selbige sey das richtig/vnnd lauter gebott Gottes/so David im 119. Psalmen rhümet/vnd nicht die geschribene H. schrift / welche nur ein todter büchstab sey/Keyne krafft noch safft in sich habe / vnd sich hin vnnd her lencken vnd dānen lasse/vnd vergewisse das hertz nit/bestehe auch im Kampff endelich nit/ 1c. Die Aposteln haben nicht auß der H. schrift gepredigt / sondern auß der Creatur oder Schöpffung büch/ 1c. Das alles seind seine wort. Solche vñ dergleichen grobe/greüwliche vñ greiffliche lügen/irthumb/Abgrunden vnd quellen aller irrtumb/welcher seine schwermereische Bücher gar voll sein/will ich hernach mit Gottes hilff widlegen / jetzt will ich nur alle Gottsförchtige hertzen vermanet/ vñ fleissig gebetten haben/ sie wolten doch bedencken/vnnd es ein wenig zū hertzen führen / welche grosse greüwliche vnnd erschrockliche finsternuß/beyde in der gangē Kirchen / vnd jedes Menschen hertzen erfolgen solten / so man mit solchen dicken wolcken das liecht der Warheyt oder heylig Schrift verfinsterte / darvon doch S. Peter sagt/ das man der Schrift also sol nachfolgen/ als einem liecht im finsternuß / welches auch David bezeüget/ sprechend/ HERR dein Wort ist ein liecht für meinen füßen.

Was die gā
ze h. schrift
fürnemlich
l. bre.

Vnd zwar was lehret / schreyet/vnnd helt vns anders für/die ganze H. Schrift/Sonderlich aber Christus vñ die Aposteln/ dan dz mā der verheysung Gottes glaubē soll/

soll. Wer da glaubet d' Lehre / Wort vñ verheyssung Gottes Abraham / Gen. xv. Rom. iij. der zusage Gottes getrauwet / vñnd Selig worden ist / der würt gleicher weyse auch Gerecht vñd selig werden.

Was will doch sage ich / Gott mit so vil verheyssungen anzeygen / welche vns so offte auff mancherley weyse vñnd wege werden fürgehalten / was will er mit souil vberaus freündliche süßenholdt seligen lockungen / hin vñ wider in der Schrifft / anderst zünerstehen geben / dann das er durch die selbige vns bekere / Gleübig vñd Selig machen will: Wie dann auch Christus für die bittet / so durch der Apostel wort oder eüsserliche Predig gleübig wordē / het te Gott solchs nicht dardurch wöllen aufrichten / so het te er wol geschwygē / will doch ein mensch haben das man seinem wort glauben soll.

Ich weysß zwar nach meinem geringen verstandt den handel nicht anders zünerstehen / dann gleich wie man einem ein süßen geschmack machet / wañ man im honig ins maul streichet. Also wann man im wort od' verheyssung Gottes / oder auch sonst eines glaubwürdigen menschen fürhelt / würt dardurch auch in seinem hertzen erweckt ein glauwe / vertrauwen / oder zünersicht auff solche verheyssung / außgenomē / dz wir in sachen / Gottes verheyssung / vñ vnserer seligkeyt berreffend / nach dē fall on hilff des heyligen Geysts / d' vnserer hertze dazü eröffnen müß / solch wort Gottes nit so leicht verstehē noch glaubē könnē / als ande ding / so vnserer vernüfft nit gemäß seind.

So wir nun nach dises Schwermers lehre nit mehr in der Schrifft süchen werden dan glauben / vñnd des glau-

Durch die verheyssungē vñd das freündlich zü sprechen d' B. Schrifft will vns Gott selig machen

Der H. Geyst eröffnet vnserer hertzen das wir Gottes verheyssung glauben.

Vorred.

Was für
vnrath wer
de folgen
wa man die
h. Schrift
al. o laßt ver
fallen.

Widerteüf-
fer rühmen
vnd schreyē.

bens sterckung/vns solchs liecht der heyligē Schrift nie
mehr darzu lassen fürleuchten / sondern vnsers eygenen
herzens glauben oder gutduncken vnd Geyst nachfolgē/
vnd also gedenccken/wir haben im schrein vnsers herzens
(wie der Antichrist auch von sich rhümet) ein heylige
Schrift / deren wir folgen sollen / hilff lieber Gott / wie
mit dicken finsternussen der vnwissenheyt Gottes/wer/
den wir vberschüttert/vnd mit seltsamen vnd mancherley
tröumen vnd gespensten des leydigen Teüfels geplaget
werden/ihā wir werden wie die arme schaff/ die on hirtten
vnd weyde seind / vmb lauffen vnd verschmachten/wie
Christus selbst durch solche gleichnuß disen jamer bey dē
verlust des gepredigten worts Gottes abmalet vnd
erkläret.

Was werden auch hierüber mehr die Schwermer für
schwermerey anrychten? Ein jeglicher würt frölich seinē
Glaubē vnd seinē Geyst vnd innerliche heylige Schrift
rhümen/vñ schreyen (wie schon jezundt die Widerteüffer
thün) Geyst / Geyst / Geyst / das eüsserliche wort oder
Schrift / müsse sich kurgumb nach dem Glauben vnd
Geyst richten/vnd in keinen wege der Glaubenach der
heyligen Schrift / zc. Das sucht gewyßlich der Teüfel/
vnd damit geht er vmb/ das er durch den Schwencsfeldt
also auffein mal die ganze Religion/vnd alle Gottselig/
keyt zu grund vnd boden stosse/vertilge/vnd ein gantz
Heydnischen glauben vnd Barbarey anrichte.

Es gibt aber Schwencsfeld vns schuld / als lehretē wir
die leüt/alles bey vnd in vnserer predig/vnd lehre der hey
ligen Schrift suchen/vnd nicht bey Gott/raubeten also
Gott

Gott seine ehre/ geben sie einer Creatur vnnnd vns selbs/
welches jha erstuncken vnd erlogen ist / Dann wir sagen/
bekennen vnnnd wissens jha auch noch wol/ auß heyliger
Göttlicher Schrifft/ das alles gut obē herab / von Gott
dem Vatter aller barmhertzigkēyt Kommet / Aber gleich
wol wil Gott nicht also mit vns handeln/ als mit vnuer/
nünfftigen thieren / oder holz vnd stein / sondern durch
lehre vnd erkantnuß. Vnd weytter / weyl wir solche Crea/
turen Gottes seind / die nicht on leib / wie die Engel ge/
schaffen seind / sondern einen leib haben / so will der liebe
Gott mit vns durch solche lehre vñ erkantnuß handeln/
so durch vnser leipliche Dren vnd Augen zum hertzen ein/
gehet / Vñ darzū hat er (er sag ich / nit wir) verordnet die
heylige Schrifft / so er selbst geredt vnd gegeben hat / wel/
che darumb auch billich sein Wort heyst / deßgleichen
auch durch die Sacrament / die selbige beyde Sacra/
ment vnnnd Schrifft zūhandlen in der gemeyne Gottes/
hat Christus / die Apostel vnd andere Lehrer oder Predi/
ger verordnet.

Solches alles ist jha war / auß heyliger Schrifft be/
kant vnd menigklich wol bewiße / vnnnd ist jha keine rau/
bung / schmälērung noch verkleynerung Göttlicher ehr/
wie das alles darnach weiter mit Gottes hilff klärlich
vñ deütlich soll erwysen werden / Summa alle vnserē pre/
digen vnd lehren ist gänglich nichts anders / dann der fin/
ger Johannis / So nit auff sich / sonder auff Christum
weyset / vnd gleich wol durch solche finger zeygung / vnnnd
nicht ohn sie / werden die leütte zū Christo gebracht vnnnd
gefūret.

Schwencckfeld beschuldiget vns mit der vnwarheyt. Gott handelt mit vns nit als mit vnuerunfftigen thieren / sonder durch lehre vnd erkantnuß.

Die S. Schrifft ist Gottes wort.

All vnser predigen vñ lehren ist nichts anders / dann der finger Johannis.

Aber

Woxed.

Schwenck-
feldt leüger
S. Luther
an.

Euangelium
heißet
Schwenck-
feldt Christi
selbs.

Christus vñ
sein Euan-
gelium zwey
vnder scheyd-
ne ding.

Schwenck-
feldts Esel.

Aber so jemand will erkennen/nicht allein wie greüw-
lich vnd gröblich Schwenckfeldt irret/ sondern auch wie
vnuerschampt er vnseren Kirchen Lehrer/ vnd sonderlich
D. Martinum Lutherum schmähet vnd anleüget/ der
mercke solchs auß jetztfolgenden einzigen vñ kleinē stück-
lin. Er schilt vnd schmähet D. Martinum in beyden ge-
drucktē büchern/so neüwlich außgangē/vber auß hefftig/
das er Roma. j. in dem spruch / Das Euangelium ist ein
Krafft Gottes zur Seligkēyt allen gläubigen/durch das
wort EVANGELIUM verstanden vnd außgelegt
hat/die lehre vom Ampt/Leyden/Sterben / vñ wolthat
Christi/ Er sagt es sey vnd heisse das wort Euangelium/
nichts anders dann Christus selbst etc. Vnd das wir der-
halben auß der heyligen Schrift einen Abgott machen.

Es richte aber allhie / wer da richte kan/oder wer nur
ein füncklin rechtes verstandts hat / dann Paulus sagt
also/ Ich schäme mich des Euangelij Christi nicht / dann
es ist ein Krafft Gottes zur seligkēyt / allen gläubigen/ da
gibts vnwidersprechlich der hälle vnd klare text/dz Pau-
lus ein anders meiner mit dem wörtlin Euangelium/vñ
ein anders mit dem wörtlin Christus. Dann er sagt / ich
schäme mich nit des Euangelij Christi/oder des Euange-
lij des Herren Christi/ Es müssen freilich zwey vnder schy-
dene ding sein/Christus vnd sein Euangelium.

Wann ich sagte Asinus Schuuenckfeldi comedit palmites,
Schwenckfeldts Esel isset Käben / meynt ich nit das
Schwenckfeld selbst der Esel sey/ oder das er selbst Käbē
fresse/Sondern mein meynung were/ das Schwenckfeld
vnd sein Esel zwey vnder schidliche thier sein/vnd das der
Esel

Esel im weingarten Raben esse/ Schwencckfeld aber vil
leicht daheim wider Gottes wort schwerme / das ist/
meyne ich/ ye ein grobe greiffliche vnnnd sichtliche gleich-
nuß/ Also hat Paulus auch kurz zünoz gesagt/ Gott ha-
be vorlangst durch die Propheten/ in 8 heyligen Schrifft
verkündiget das Euangelium von Christo. Allhie müs-
sen ye auch zwey vnder schidene ding sein / Euangelium
vnd Christus.

In disem stuck kan man allein sehr deütlich sehen/ das
Schwencckfeld/ mütwilliglich/ wissenlich / fräuenlich vñ
schändtlich schwermet/ vnnnd die heylige Schrifft verfels-
chet/ weyl er sich beflisset die armen Christen züüberre-
den/ das im obgedachten text (Ich schäme mich nicht
des Euangelij des Herren Christi / dann es ist ein
Krafft Gottes zür Seligkēyt allen gläubigen/ 2c.) Das
heylig Euangelium vnd Christus ein ding sein / weyl es
aber zwey vnder schidene wörter seind / vnnnd das eine als
ein Herr/ das ander als ein knecht gesetzt/ so müssen sie ja
auch zwey vnder schidene ding bedeüten.

Was darff aber der heylose Schwermer also wider dz
heylige Euangelium oder lehre von Christo schwermen/
lestern / vnd derselbigen gepredigten lehr/ alle ehr/ krafft
vnnnd würckung nehmen. Sagt doch der heylige Geyst
außtrücklich vnd klar 1. Cor. 1. Das / weyl die welt durch
weyßheyt / Gott in seiner weyßheyt nit erkante/ es Gott
wol hab gefallen/ DV RCH THORECHTE PRE
DIGE Selig zümachen / die / so daran glauben. Gefelt
es nün Gott / vnd ist sein Väterlicher wille / die gläubt-
gen durch ein thorechte predige Selig zümachen/ Kan es
b dann

Der spruch
Pauli Ro.
1. cap. Ich
beschäme
mich nit des
Euangelij
Christi/ 2c.
Durch
Schwencck-
feld verfels-
chet.

Gott will
durch die
thorechte
predige des
Euange-
liums/ selig
machen

Von der H. Schrifft

Dann Schwencckfeld wehren: Kan er es auch jergēt bewey
sen/dz die thorechte predige / nit die lehre / od̄ Euangeliū
von Christo bedeütte / sonder Christum selbst: Kan er
auch verneinen/das/ weyl Gott dardurch die gleübigen
Selig machen will/es nicht sey ein Krafft Gottes zur Se-
ligkeyt:

Iha Paulus sagt selbst Kurtz zūvor / da er von seiner
predige redet / das das wort oder lehre vom creütz Christi
(dz ist / von seinem leydē / todt vñ verdienst) sey ein Krafft
Gottes / denen / so Selig werden. Item / ij. Cor. v. spricht
er / Das die Waaffen seiner Ritter schaffe mechtig vñnd
Krefftig seind für Gott / zūuerstözen die befestigung / vñnd
das er damit verstöre die anschlāge vñnd alle hoheyt / die
sich erhebt wider das erkennuß Gottes / vñnd nemen ge-
fangen alle vernunfft vñder den gehorsam Christi / vñnd
sey bereyt zurechen allen vñgehorsam / zc. Allhie redet er
freylich auch von seinem dienst / Ampt vñnd Predige / das
es ein Krafft Gottes sey.

Also rhümet er sich / lehret / vñnd sagt weyter. ij. Cor. v.
vñ viij. Christus habe im grosse gewalt / Krafft od̄ macht
gegeben / zū erbawung vñnd pflanzung der Christen. An
welchē ort freylich die gepredigte lehre / oder dz gepredigte
mündliche vñ eüsserlich Euangelium von Christo / muß
verstanden werden.

Auß disem allem ist klar vñnd offenbar / das eben die ge-
predigte vñnd geschribene lehre oder Euangelium von
Christi menschwerdung / Leyden / vñnd Sterben für vns /
von seinem verdienst vñ ampt / sey die macht oder Krafft
Gottes / dardurch Gott alle gleübige Selig macht / vñnd
das

dz Schwencckfeld nit allein fürseziglich den text der hey-
 ligen Schrifft verfelschet / sondern auch gröblich vnnnd
 schändlich irret / in dem / das er die krafft vnd werckzeüg
 Gottes / dardurch er die arme sündler Seligmacht / nem-
 lich / das gepredigte wort oder lehre / von Gott also schmä-
 lich verkleinert / vnnnd als vntüchtig / wie ein Lotter-
 büß / außholheypelt / vnd ganz vnd gar verwirfft / Itē /
 das er mitwilliglich D. Mar. Luth. vnd anderer recht
 schaffener vnd Gottsförchtiger Lehrer wort vnnnd lehre
 verkeret / sie anleüget / vnd inen fälschlich schuld gibt / das
 sie auß 8 heyligen Schrifft einen Abgott gemacht habē.
 Sumā die alte Schlange gedencet dz Göttliche liecht
 der heyligen Schrifft in verachtung zubringen / vnd in
 eine Tarrenschellen anzuhengen / damit sie auß der Kir-
 chen eine Türckische / Tartarische / vnnnd Heydnische Ab-
 götterey vnd Barbarey mache vnnnd anrichte / wie dann
 die welt darzu sehr geneygt ist.

Schwencck-
 feld beschul-
 digt vns
 felschlich dz
 wir auß
 der 8.
 Schrifft ein
 Abgott ma-
 chen.

Bette derhalben wer nur betten kan / vnd noch ein we-
 nig Gott fürchtet / vñ rüste sich mit dem liecht der War-
 heyt / vnd Waaffen der Gerechtigkeit / auß den Prophe-
 ten vnd Apostolen / wider dise grobe / dicke / vnd greüwli-
 che nebel vnd finsternuß des leydigen Satans / die
 er jetzt durch Schwencckfeldes mundt in die
 Kirche Christi ausspeyer / schmeyset /
 vnnnd mit giftigen lehren ein-
 dringen will / Aber
 zur sa-
 che.

Mit dem
 gebett vnd
 de waaffen /
 auß den
 Propheten
 vnnnd Apo-
 steln soll mā
 sich wehren
 widere
 Schwencck-
 felds ir-
 thumb.

b ij Was

Von der H. Schrift
Was Gottes wort sey / oder / das die
heylige Schrift Gottes
wort sey.

Schwenck-
feld leig-
ner das die
h. geschrifte
Gottes
wort sey.

Alspar Schwencckfeldt vnderste-
her sich in seiner Lesterschrift zuuerneynen/
das die heylige Schrift nit Gottes wort sey/
Er sagt / Gottes wort sey allein das selbstän-
dige wort Gottes / das ist / Christus der Sin Gottes / vñ
will solchen seinen falschen vnd schädlichen grundt / auch
auß der heyligen Schrift beweysen / wie solchs in seinem
letsten büch / Folio xxvii. vñd lxii. zusehen / auff welchen
seinen verfürischen grundt er darnach auch vil vnzälliche
schädliche irrthumb mehr (von welchen hernach) bawet /
derhalben will ich solchen seinen Teüfelischen vngrundt
mit Gottes hilff auß der heyligen Schrift entdecken /
vmbstossen / vnd widerlegen.

Was eygē-
lich auff He-
braisch /
D A-
V A R
heysse.

Ich aber solchs anfang / ist fleißig zumercken / das
das Hebraisch wörtlin D A V A R, LOGOS, VER-
B V M, V V O R T, beyde im Alten vñd Neüwen Te-
stament / vñd sonst bey den Juden vñd Griechen nicht
ein eyntzig wort bedeüte / wie es in der Lateinischen vñd
Teütschen spraach lauter / sondern eine ganze vollkom-
mene rede / wie im Lateinischen Sermo, vñd auch bey den
Teütschen / wann man sagt / die haben das wort gefüret /
der hat das wort gefüret / &c. Da man nicht ein eyntzig
wort meynet / sonder die ganze rede / sermon oder predig /
welches bey denen / so der spraachen kündig vñd erfaren /
also

also ganz vnd gar vnleügbar ist/dz es keiner beweyfung bedarff. Aber zum handel.

Es ist wol war/dz die andere person in der Gottheyt/ der Sun Gottes vnser lieber Herz Jesus Christus/ an etlichen sehr wenig ortern der Schrifft das VVORT genennet würt/ als Joh. j. j. Joh. j. Aber die heylige Schrifft heysst sehr offft/ jha schier unzählig mal Gottes wort/ eben die sprüche/meynung/lehre/ Sententias (od wie mans immer außreden kan) die Gott selbst zu den Propheten/ vñ durch sie zu seinem Volck geredt hat/ vñ den nachkömnen zugüt in Bücher hat verzeichnen oder verfassen lassen/ welche man jetzt die heylige Schrifft oder die Bibel nennet.

An etliche orten würt Christus Gottes wort genant aber an wenigen.

Durch Gottes wort würt am meysten theil die Schrifft verstanden.

Moyses sagt Deut. iij. Das Gott/ da er die Zehen gebott dem volck hat geben wollen/ jm befolhen habe/ er solle das volck versamen / auff das sie SEIN VVORT hören/dan also stehet geschryben / Der Herr hat zu mir gesagt/ versamle mir das volck/dz sie MEINE VVORT HOREN/vñnd lernen mich fürchten alle jhr lebenlang auff erden/vñnd lehren jre Kinder. Vnd jr tratten herzu/vñnd stünden vñden am berge/ der berg brante aber biß mitten an den himmel / vñ war da finsternuß/ wolckē/vñ dunkel/vñ der Herz redet mit eüch mittē auß dē feür/die STIM SEINER VVORT hören jhr / aber kein gleichnuß sahen jhr außser der stim / vñ verkündiget eüch SEINEN BVNDT/den er eüch gebote zu thun/ Nämlich/die ZEHEN VVORT vñd SCHRIBE SIE auff zwei steinern Tafeln / vñnd der Herz gebott mir zur selbigen zeyt/das ich eüch lehren soll/rc.

Zei gnuff dz die Schrifft Gottes wort heysse.

b iij

Dart

Von der H. Schrifft

Darnach im anfang des fünfften capitelis sage er/ Der Herr vnser Gott hat einen bundt mit vns gemacht zu Horeb/2c. Er hat vñ angficht mit vns auß dem feür auff dem berge geredt/2c. Vnd er sprach/ Ich bin d Herz dein Gott/2c. Erzölet die Zehen gebott/ Nach welchen er endtlich also sagt/ Dz seind DIE VVORT/die der HERR REDET zu eüwerer ganzen gemeine/ auff dem berge auß dem feür/vnd der Wolcken vnd Tunckel/mit grosser STIM/vnd thet nichts darzu/ vnd SCHREIB sie auffzwo steinern tafeln/vnd gab sie mir.

Was können nün allhie die ZEHEN VVORT GOTTES (so Gott selbs durch seine gewaltige stimme also geredt hat/ vñ mit seiner handt auffzwo steinern tafeln geschriben/das sie nit allein die Gottlosen vnder den Israelitern gehört vnd gesehen haben/ sonder auch die Gottlosen Heyden hetten können hören oder lesen) anders deüten/ heysen oder sein/ dann eben die Zehen gebott/oder Zehen sprüche/ oder Zehen meynung/so noch heütiges tages in der heyligen Schrifft geschriben stehen?

Iha ich glaube nicht/ wann gleich alle Schwencckel/ de/ alle Schwermer auff einen hauffen kämen/ iha alle Teüfel auß der Hellen auff einen klumpen zusammen geschmelzet weren/ das sie einen eynigē vernünfftigen menschen solten vberreden (so er anders nit mitwilligklich irren wolte) das allda durch die zehen VVORT Gottes/ nicht das theyl der heyligen Schrifft/ so man die Zehen Gebott oder Gesetz nennet/ bedeütet werde/ sondern der Sün Gottes Jesus Christus vnser lieber Herz / besihe
Exo. xx. xxxiiij. Deu. iij. v. vnd x. Deut.

Deut. ij. befilhet Gott durch Mosen den Israelitern/
sie sollen SEINE VVORT in ihr hertz fassen / vnd sie
auff IRE HENDE zum ZEICHEN BINDEN/
das sie ein DENCKMAL wurden für ihren augen / Sie
sollens auch fleißig vnd sehr oft ire Kinder lehren / Item
sie sollens auff ihre thür vnd pfosten schreyben / auff das
sie lange leben. /c.

1. Samue. i. ij. stehet geschryben / das Gott durch Sa-
muel zu Saul gesagt habe / er sol hingehen / vnd Amalech
gantz vñ gar vertilgē. Da es aber Saul nit ebē also außge-
richt / wie es im Gott befolhen / spricht Gott / Saul habe
sein VVORT verworffen / Wz k̄ allhie Gottes wort an-
ders sein vñ heysen / dan eben das gebott Gottes od̄ be-
felch / so ihm Gott durch Samuel geben hatte / Wie Sa-
muel selbs deutet vnd spricht / Du hast nicht gehorchet &
STIM GOTTES / darwider sagt Saul / Ich habe der
STIM Gottes gehorchet / Item / Gott spricht / Saul hat
MEINE VVORT nit erfüllet. Vnd gleichwol darff
der lose verrückte Schwermer sich noch vnderstehen / auß
disem ort zubeweysen / das Gottes wort den Sün Got-
tes bedeüte.

Wie oft stehet wol in der Bibel / dz Gottes VVORT
zu disem oder ihenem Propheten geschehen sey : diser soll
dis / der ander das thun / oder den Israelitern anzeygen /
das es Gott geredet vnd geheysen habe : da muß freylich
durch Gottes wort / eben das eynige verstanden werden /
das Gott redet / vñnd gebeüt. Dann es stehet gemeynig-
lich also geschryben / vnd es geschach DAS VVORT
GOTTES zu Elia / auff dise meynung / stehe auff vñnd
gehe

Gottes
wort ist zu
dē Prophetē
geschehen .

Von der H. Schrift

gehe Achab entgegen/ vnd sage/ So spricht der Herr/ &c.
Was nun Gott spricht/ das würt gewyßlich sein wort all
da genennet. Vnd dises Arguments willich kürzlich
nur den Leser erinnert haben/ Dannes an jm selbst hält
vnd klar gnüg ist.

Inhalt des
cxix. Psalm.

In dem langen Psalmen 119. würt sehr oft gedacht
Gottes worts vnd reden/ darauß leicht ist abzunehmen/
das dem heyligen Geyst Gottes VVORT eben so vil
ist/ als Gottes GESETZ, ZE VGNVS/ vnd Gottes
VVEGE, RECHTE, BEFELCH, GEBOTT/ &c.
Welcher wörter der heylige Geyst allda on vnder scheyd
gebraucht/ vnder einander menget/ vnd sehr oft wider/
holet/ also das in allen denen 176. verschen/ des selbigen
Psalmens keiner ist/ der nit eines/ auß obgedachten wör
tern hett/ Es ist auch vnleügbar/ das der selbige Psalm
Gottes lehre predigt/ vnder weysung lobet/ preysset/ vnd
die selbige mit allen jetzt gedachten reden eygentlich mei
net.

Esai. xj. cap.
Vñ Jerusa
lê ist die rech
te ware Res
ligion in die
welt kômen

Esai. ij. vnd Micha. iij. stehet/ das in den letzten ta
gen/ der Berg/ da Gottes Tempel stehet (das ist Sion)
werde sehr herrlich werden/ vñ die Heyden darzu lauffen
vnd sagen/ Kommet/ laßt vns auff den Berg des Herren
gehen/ vnd zum hause Gottes Jacob/ das er vns LEH
RE seine VVEGE/ vnd dz wir auff seinen STEIGEN
wandeln/ dann von Sion würt das GESETZ auffge
hen/ vnd des Herren VVORT von Jerusale/ woz tan
allda Gottes wort ands heysen/ dan eben das Gesetz vñ
lehre von seinen wegen/ wie zu vor stehet/ das ER vns
LEHRE/ &c. Dan von Jerusalem her/ ist kommen Got
tes

Vnd ißrer würckung.

ix

tes wort/od die rechte ware lehre od Religio/ in alle Län-
der/vnnd das dem also sey / gibe vnd beweyfers der klare
teyxt/alle Doctores/vnd die sach selbst/Vnd auff dise mey-
nung braucht Esaias das wort Gottes auch am 40. vñ
55. Cap.

Esai 59. spricht Gott zu Esaiä/mein GEIST/so auff
dir ist/vnnd mein VVORT/so ich in deinen M V N D T
gelegt habe/ 2c. Allhie vnderseydet Gott klärlich seine
innerliche offenbarung / oder das selbständige Wort
von dem wort / so er den Propheten in den munde leget/
auff das sie es lehren oder predigen seinem Volcke/wie die
Schrift auch 2. Samuel. 14. redet. Auß welchem capitel
klärlich verstandē würt/dz einem die wort in den munde
legē/beyde im altē Testamēt/ vñ in der Hebraischē spraa-
che/eben so vil sey/als einen vnderweyßen/was vnd wie er
reden oder lehren soll. Derhalben ist offenbar / dz an dem
ort Esaiä die wörter Gottes / so er den Propheten in den
munde leget/nichts anders seind/dann eben die Rede/
Predige oder lehre/ so er dem volck Gottes auß Göttli-
chem befelch vortragen/sagen oder lehren solt.

Gott sagt Jere. 23. Wer tröume hat/der rede tröume/
vnd wer mein Wort hat/d rede mein Wort/was hat stro-
mit weizen zuschaffen/vñ bald darnach spricht der Herr
Ir stälet meine Wort/ Item/ jr verkeret die wort des le-
bendigen Gottes. Da muß freylich Gottes wort nit den
Sün Gottes bedeüten / sondern die rede oder lehre / wel-
che er haben will / das man sie von der menschen tröume
absondere/vnd nit in einander menge / wie die Papisten
gethon haben.

Einem die
wort in den
mund le-
gen/ist eben
so vil als ei-
nen vnder-
weyßen w3
vnnd wie er
reden oder
lehren solt.

c Sumo

Von der H. Schrifft

Gottes
wort im al-
ten Testa-
ment zum
mehrern
theil heysset
die Sprüche
gebott oder
verheissung
so Gott den
Propheten
geredet hat.

Im neuen
Testament /
heysset Got-
tes wort die
ware lehre
von Gott.

Summa / es seind unzählich vil sprüche im alten Testa-
ment / da Gottes wort / vnd Gottes wörter eygentlich nie
anders heysen können / dann eben die sprüche / gebott
oder verheissung / so Gott erst zu den Propheten geredet
hat / vnd darnach weytter durch die Propheten seine volck
hat lassen fürpredigen / welche ich jetzt beyde umb der Kür-
ze will / vñ dz sie sunst allenthalben leichtlich in den Pro-
pheten zu finden vnd zuuerstehen seind / nit erzölen will.

Es seind auch dergleichen unzählich vil sprüche im neu-
wen Testament / da Gottes wort vnd wörter heysen / die
ware lehre vñ Gott / so jetzt in heyliger schrifft gefasset ist.

Christus spricht Joh. 17. zum Vatter / die VVORT /
so du mir GEGEBEN hast / habe ich ihnen (das ist / den
Aposteln) GEGEBEN. Item / Sie haben dein
VVORT BEHALTEN. Was sein nun allda die
wort / so der Vatter Christo / vnd Christus den Aposteln
gegeben hat / ist das selbständige wort (wie Schwenc-
feld redet) nemlich Jesus Christus: hat dan Gott Christo
Christum gegeben / vñ Christus sich selbst den Aposteln /
vnd die Apostel haben ihnen bewaret / das er nit hinweg
lieffe: Es kan ye fürwar nicht anders dardurch verstan-
den werden / dan die ware / reyne vñ hälle lehre von Gott /
von Christo / vnd von menschlicher erlösung.

Auff diseweise sagt auch der Herr zu den Juden / Jo-
hannis am 8. Was ich von dem Vatter GEHORT ha-
be / das REDE ich. Item / was ich bey meinem Vatter
GESEHEN habe / das rede ich. Item / Johan. xv. Was
ich bey meinem Vatter GESEHEN habe / das VER-
KUNDIGE ich euch. Johan. iij. Was wir VVIS-
SEN

vnd ihrer Wirkung.

F

SE NDAS REDEN wir / vnd was wir GESEHEN haben / das BEZEUGEN wir / vnd ihr nemet vnser ZEUGNIS nicht an. Johan. viii. Die VVORT / so ich zu euch REDE / die REDE ich nicht von mir selbst zc. Vnd das Wort / das ihr HORET / ist nicht mein / sondern des Vatters / der mich gesandt hat. An welchen Orten der Herr Christus freylich seine lehre oder predige meinet / die auch die Gottlosen gehöret haben.

Item / Johan. viij. spricht er zu denen / so seiner lehre glaubten / So ihr in meiner REDE bleybet / so seyt jr meine rechte Jünger / zu den Ungleübigen aber sagt er / weyl ich euch die VVARHEIT SAGE / glaubet ihr mir doch nicht / Was heyst allhie die warheyt sagen anders / dan die ware lehre von Gott predigen. Folget fluck's darnach / So ich euch aber die VVARHEIT SAGE / warum glaubet ihr mir nicht? Wer von Gott ist der höret GOTTES VVORT / darumb höret jr nicht / dann ihr seyt nit von Gott. Wa von streitet doch (lieber Gott) Christus mit den Juden anderst / dann das sie die ware lehre / od wort Gottes / so Gott zu Christo geredt / vnd im zu Predigen befolhen hat / nit wolten von im hören oder annemen: die Apostel aber vñ andere gleübige Christen namens an / vnd behielten auch mit freüdigem hertzen.

Die warheyt sagen

Christi streit mit den Juden.

Für das ihenige / das der Herr Johan. xvij. sagt / die Wort vnd Gebott er sunst anderßwa / das wort GEBOTT / als Johan. v. Solche gebott habe ich von meinem Vatter empfangen. Item / Joha. xv. Dann ich habe nichts von mir selbst geredt / sondern der Vatter / d mich gesandt hat / d hat mir

Wort vnd Gebott braucht Christus für eins.

c ij ein

Von der H. Schrifft

ein GEBOTT gegeben/wz ich SAGEN vñ REDEN soll. Item/ Johan. viii. Wie mir der Vatter gebotten hat/also/2c. Das also Christo gänglich ein ding ist/ Gebott/Wort oder rede Gottes/so er vom Vatter entpfangen/vñnd den zühörern von gepredigt vñnd von gesagt hat/welche auch die Apostolen vñd andere rechtgleübige entpfangen/vñ behalten haben. Die vngleübigen Judē aber habens nicht annemmen / noch erkennen wöllen.

Gottes
wort k̄n mā
wol hören
vñd im dan
nocht nit
glauben.

Also stehet auch Johannis xij. Jesus aber ruff vñnd sprach/wer an mich glaubet/der glaubet nicht an mich/sondern an den/der mich gesandt hat. Vñnd wer mich sihet/der sihet den/8 mich gesandt hat/ Ich bin kommen in die welt/ein licht/auff das/wer an mich glaubet/nit im finsternuß bleybe / vñnd wer meyne VVORT höret/vñd glaubet NICHT (mercke es wol / das einer Gottes wort k̄n wol hören/vñd im dannocht nit glauben) den werde ICH NICHT richten/dann ICH bin nit kommen / das ich die welt richte / sondern das ich die welt SELIG mache/wer mich verachtet/vñd nimpt MEIN VVORT nicht auff/der hat schon/der jr richtet. Das VVORT/welchs ICH GEREDT habe / das würt in RICHTEN am Jüngsten tage. Dann ich habe nicht von mir selbst geredt / sondern der Vatter / der mich gesandt hat/ 8 hat mir EIN GEBOTT GEGEBEN, was ich thun vñd reden soll / vñnd ich weyß/das sein Gebott ist das ewige leben / Darumb / das ich REDE / das REDE ich also/wie mir der Vatter GESAGT hat.

Allhie hören wir ja klar vñnd deutlich gnüg/das sich Christus vñdscheydet vō seinem wort oder lehre/Er sagt nicht

nicht Ich/sondern dz wort (nemlich Gottes wort) würt
eüch richten/es müssen allda jha zwey vnder schidene ker/
le sein/Christus vnd dz wort/darnach zeyget er auch an/
das eben dasselbige wort der Vatter zu ihm geredt habe/
welchs er dem volck geprediget hat. Das muß ohn zwey/
fel Gottes wort sein/vnnd dannoch ein ander ding sein/
als Christus.

Unser lieber Herz Jesus Christus zeyget deütlich ge/
nüg an/in der parabel von dem samē des worts Gottes/
so auff mancherley örter oder äcker fallet vnnd gesäyet
würt. Matth. viij. Mar. iij. Luc. viij. Das er eben von
der waren lehre/so Gott zu den menschen durch die Pa/
triarcken/Prophten/Christum vnnd Apostolen geredt
hat/rede/Dann er sagt/das es von dreyerley vnrechten
zuhörern/od heüchlern gehört würt/welches von dem
selbständigen wort nit kan geredt noch verstanden wer/
den/das es die Gottlosen im hertzen hören.

Die Para-
bel vom sa-
men des
worts Got-
tes.

Item/er sagt/das es die ersten zuhörere wol entpfa/
hen/aber doch nicht verstehen. Nun ist's vnmöglich/das
einer dz selbständige wort (wie es Schwencckfeld reüffet)
oder Christum entpfahet vnd nit versteher. Dann das in-
nerliche selbständige wort ist freylich ein sülen vnnd ver/
stehen/vn das entpfäncknuß solches worts ist ein grosser
verstand. Item/das ein eüßerlich außwendig wort/rede
vnd predige dardurch verstanden würt/ist auß dem klar
vnd offenbar/das Christus/da er die gleichnuß vom sa-
men erklären will/spricht/vil Prophten vnnd Heyligen
haben begeret ZV SEHEN was jhr SEHET/vnnd
HOREN was jhr HORET/welche freylich inwendig

Von der H. Schrifft

ge offenbarung genüg gehabt. Item / für das / so Lucas in der selbigen parabel Gottes wort nennet. Setzt Mattheus schlecht das wort vom Reich / Wann jemand das wort vom Reich höret vnd nicht VERSTEHET / als dann Kompt der Böse / zc. Was mag wol das wort vom Reich anderst bedeütten / dann die lehre vom himmelreich.

Darauf nun aller ding klar / das Gottes wort / Christo vnd den Euangelisten nicht anders sein noch heysen / dann eben die ware / von Gott geredte vnd geoffenbarte lehre.

Maria sitzt
zu de füßen
Christi vnd
höret sein
wort.

Luce x. steht klärlich geschryben / Maria seye Christo zu den füßen gesessen / vñ sein wort gehöret / was kan nun an disem ort / Christi VVORT anders bedeüten / dann seine lehre oder predige / dauon er auch sonst anderswa sagt / Seelig seind die Gottes VVORT HOREN vñ dasselbige BEVVAREN. Item / die seind meine mütter / brüder / vnd schwester / so Gottes VVORT HOREN vnd darnach thun. Maria hette wol (nach Schwencckfeldes Schwermerey) hundert meyl weg von Christo sein können / vnd dennoch sein wort hören / jha sie hette gang vnd gar nit dörfte / zu seinen füßen sitze od ligen.

¶ ij. Corinth. ij. iij. Wir verfälschen nicht Gottes VVORT. Jere. xvij. Ihr verfälschet das wort des lebendigē Gottes. Wz heyst da anders Gottes wort / dan die ware lehre von Gott / welche er selbst geredt / vnd der welt offenbaret hat / wer kan das selbständige wort oder den Sinn Gottes verfälschen? Also ist auch Act. vj. Gottes wort nam zu. Item / Col. j. Ich muß erfüllen das wort Gottes. Act.

vnd ihret würckung.

xiij

Act. vi. Es ist nicht feyn/das wir Gottes VVORT verlassen/vnnd dienen zütisch/das ist/es ist nit feyn/das wir ablassen vom lehren od predigen/die lehre von Gott. An disem ort kan vnnd soll man in keinen wege außlegen oder interpretieren/das Gottes wort Gottes Sün bedeüte. Dann den verlast man damit freylich nit/wann man wercke der liebe den armen Christen beweyset. Item/ Act. viij. die ganze statt Anthiocha ist zusamen kommen/das sie Gottes VVORT HORET. Allhie kan man freylich auch nichts anders verstehen noch deüten/durch GOTTES VVORT/dann die reyne ware lehre/von Gott geredt/vnnd dazumal zu Antiocha von Paulo gepredigt.

Act. vi. cap. Gottes wort verlassen vnnd zütisch dienen.

Christus sagt oft/wer MEIN VVORT Horet. Item Paulus spricht/dz VVORT CHRISTI/ic. Da auch ein and ding Christus/vñ ein ands sein wort sein muß. Item/es stehet oft geschryben/wer Gottes VVORT THVT/da muß gewyslich VVORT die lehre vñ gebott Gottes bedeüte/vñ nit den Sün Gottes selbst. Dañ wer kan dē Sün Gottes thun? ¶ Auß dem alle ist nun klar vñ offenbar/dz Gottes wort in 8 heyligē Schrifft sey/vñ heysse eben die ware lehre/so Gott selbst durch die Prophetē vñ Aposteln zum menschlichē gschlecht geredet/vñ im offenbarer hat. Es ist auch war/dz solch Gottes wort sein wort bleybet/es sey gleich in steynine Tafel/Papyr/Pergamēt/od menschliche gedächtnuß verzeychnet/verfasset od geschrybē/oder durch menschliche stim außgesprochē/vnd gleich wie die Zehen gebott von der heyligē Schrifft Gottes wort genennet werden/auch nach dem sie in steynine

Gottes wort ihñ/vnd Gottes Sün seind zwey ding.

nine

Von der H. Schrift

Die H. geschribne tafeln geschriben oder gehauwen seind / also hats
schrifftbleibt auch / was sonst Gott / der heylige Geyst / oder Christus ge
Gottes wort sie sey redt / nit auffgehört Gottes wort zu sein / ob es gleich jetzt
gleich in stein in Pergament / jetzt auff Papyr / mit dinten geschriben
nine tafeln / oder gedruckt ist.
papyr / pergament etc.
verzeichnet.

Widerlegung der Argument Schwenckfeldts.

Hie muß ich auch kürzlich die nichtige Sophisterey
widerlegen / so der Schwärmer seinen Irrthumb / nemlich /
das die heylige Schrift nicht Gottes wort sey / zubewey-
sen vnd zubeschönen herfür bringet.

Es können aber vast alle Schwänckfeldische Argu-
ment diese proposition belangend / kürzlich vnd eygentlich
in zwey stück gefasset werden / Vnder welchen das erst ist /
das er sagt / fol. 62. Christus würd geneñet das wort Got-
tes / Apocal. xix. Derhalben ist kein ander Gottes wort.
Welchs argument ob es auch eine folge habe oder nicht /
die schwänckfeldische argument mögen alle in zwey stück gefasset werden.
Kan wol ein blinder an der wandt fühlen oder sehen. Dann
es folget eben also / als wann ich sagte / Christus ist der
Sün Gottes / darumb ist ganz vnd gar kein ander Got-
tes Sün mehr / vñ die gläubigen seind in keinen weg Got-
tes Kinder / was dunckt dich lieber Christ vmb Schwänck-
feldts geyst vnd weyßheyt.

Das ander Argument Schwänckfeldts /
auß vilen zusammen geschmelzten
in eins gezogen.

Das

Vnd ihrer Wirkung.

riij

Das wort Gottes oder lehre/so Gott täglich im Alten Testament den Propheten offenbaret/vnd sie dem volck anzeygen/darüber mit den Schriftegelehrten vnd hohen Priestern stritten/war nicht eben das theyl der heyligen Schrifft/das schon geschryben war/oder das Gesetz Moysi. (Mercke hie wol die erste folge) Derhalben so muß die heylige Schrifft vil ein ander ding sein/dann dz wort Gottes. Weyter/ Ist Gottes wort nicht die heylige Schrifft/Ergo (mercke die ander folge) so muß es Gottes Sün selbst sein.

Dz erst Christus
suis wäre
genant Got
tes Sün.
Dz ander d
Propheten
lehr war
nie geschry
ben/Ergo
sie ist nit die
h. geschrifte

Wer ist aber so vnuerständig/ der die folge dises Arguments nachgeben wolt: Die Prophetische vnd Apostolische predige oder Schrifft/so hernach Gott zu den Propheten geredt / sie dem volck gepredigt/vnd darob mit den hohen Priestern vnd Schriftegelehrten streitten müsten/ (welche doch Moysi schüler sein wolten / waren nit eben das theyl der heyligen Schrifft/so schon geschryben war/oder das Gesetz Moysi / darumb seind sie keine heylige Schrifft/Dann es ist ein Argument wie das ander.

Dis Argument ist der kern/vn Summa viler Schwencfeldischer Argument/welche er im ersten theyl folio xxvij. xxviii. xxix. vnd xxx. erzölet/Auff welche ich jetzt nach einander / mit Gottes gnaden antworten will.

Schwencfelds Argument der mensch lebt nit allein vō brotze. Ergo so ist die h. Schrifft ein ander ding/ dan dz wort Gottes.

Zum ersten gibt er für/ Es stehe geschryben. Deut. viij. Das der mensch nit allein vom brot lebe / sondern von einem jeglichen VVORT / das auß dem munde Gottes gehet/weittr/spricht er/sagt Christus/ das das leben nicht auß der Schrifft komme/ Joha. v. Darumb ist das wort ein ander ding dann die heylige Schrifft/vn muß derhal

d ben

Von der H. Schrifft

ben dz wort Gottes & Sün Gottes selbst sein vñ heysen.

Es ist aber nicht war / dz Christus solte verneynen / dz das leben nicht auß der Schrifft komme. Dazü so rede auch Moyses nicht Deut. viij. vom Sün Gottes / sondern durch die Wort / was auß Gottes munde her auß gehet / meynet er auch das Manna / wie auß dem text klar zu sehen vñ zubeweysen / vnd wadurch vns Gott sonst nehren oder helffen will / Ja es ist dazü das wörtlin VVORT im Mose allda nicht / Sondern es lauet eygentlich also / Der mensch lebet nicht allein vom Brot / sondern von einem jeglichen ding / das auß Gottes munde gehet / dz ist / Gott kan einen menschen beim leben erhalten / nicht allein durchs Brot / sondern auch durch andere mittel / vñ wadurch er nur wille / wie er die Juden mit dem Manna genehret vnd gespeiset hat. Das aber Mattheus zü dem spruch das wörtlin VVORT hinzü gesetzt hat / ist das die ursache / das solchs wörtlin nach Hebraischer sprach offte eben so vil bedeytet / als Ens, Res, Ein ding was es sey / &c.

Verstande
der wort der
mensch lebt
nie allein vñ
Brot / &c.

Der spruch
Samuel. j.
cap. iij. des
Herre wort
war theür
&c.

Wie Gottes
wort zur zeit
Samuelis
theür gewe
sen sey.

Züm andern zeucht er an den spruch j. Sam. iij. Des Herren VVORT war theür zür selbigen zeyt / da sagt der Schwermere / müsse Gottes wort nicht das geschrybene Gesetz heysen / dann das hatte man wol feyl / sondern das selbständige wort / das ist / der Sün Gottes / der sich im hertzen offenbaret.

Darauff ist das die gegründte vnd warhafftige antwort. Die Juden haben vast stäts Propheten gehabt / durch welche Gott redete / vnd sein volck jertz von disem / jertz von ihenem ding erinnerte oder ermanete / wie dann
der selb

Der selbige text sich selbst erkläret. Für selbigen zeyt war Gottes wort theür/vnd waren nit vil GESICHTE od weiffagungen/wie es Luch. verteürschet / solche vermanung Gottes/ so täglich durch die Propheten geschehen/ waren dem volck Gottes auch ein theyl / der waren lehre von Gott oder der Bibel.

Zu dem so ward auch sonst die ware lehre von Gott/ sehr verdunckelt/verfinstert vñ versaumet/ durch vnfließ vnd Gottloses wesen der Hohen Priester / der Sün Eli/ wie auch im Papstumb geschehen/da man die Bibel wol gehabt/vñ danoch nit gehabt/vñ ist ein theürer vnd selzamer schatz gewesen/rechter verstand vñ brauch heyliger Schrifft. Dann man hat jr nit vil geachtet/sie ist vnder der Banck gelegen/vñ schier niemands gewesen/der sich doch ein wenig bemühet hette/ das er sie recht verstehen oder recht außlegen köndte/ Vnd wann sich gleich jemandt darumb bemühet hat/so ist's jm doch ein verschlossen büch vnd verborgener schatz gewesen.

Die Bibel vnder dem Papstumb / ist vnder dē banck gelegen vnd ein verschlossen büch gewesen.

Schwenckfeld will auch mit folgenden worten seine falsche deütung des texts bestätigen/als nēlich Samuel KENNETE den Herren noch nicht/ vñnd des Herren VVORT war jm noch NICHT offenbaret/ Aber eben mit dem selbigen hauwet er sich selbst in die backen. Dañ es ist ye vnleügbar/das Samuel lang züvor Gott im hertzen erkant/vñ den heyligen Geyst entpfangen hatte/welches nit allein auß seinē Gottseligen VVANDEL leichtlich zubeweysen / sondern auch auß der klaren Schrifft/ welche von ihm im vorgehenden capitel sagt. Vñnd der Knab Samuel wuchs MIT GOTTE. Item / der Knab

d ij Sat

Von der H. Schrifft

Samuel hat
den H. Geist
ehe er dem
Herren ken-
net.

Samuel
hat den H.
Geist im her-
zen gehabt
auch ehe er
des Herren
wort fandt
hat.

Die innerli-
che Offenba-
rung ist alle
Kindern Got-
tes gemeyn.

Wz dz für
ein wort ge-
wesen sey dz
Gott dem
Samuel of-
fenbart hat

Samuel gieng vnd nam zu / vnd ward ANGENEM
BEY dem Herren / vnd bey den menschen / Darauß nür
offentlich zusehen / das Samuel lang zu vor / Gott vn sein
selbständig wort recht im herzen erkant / vnd den heylig-
en Geyst im herzen gehabt hat.

Item / es ist auch auß dem text sehr leicht abzunehmen /
das die Schrifft nit von der innerlichen Offenbarung / so
allen Kindern Gottes gemeyn / redet / sondern von einer
eüsserlichen durch eine himelische stim geschehen / welcher
weise mit Gott zu handeln / war Samuel noch nit ge-
wont / sondern meynete / Ely bette im gerüffen / derhalbē
stünd er wol drey mal vom schlaff auff / vnd lieff zu Ely /
welcher letztlich der sachen innen ward / vnd vnderweysete
Samuel / wie er sich halten vnd dem Herren antwor-
ten solte.

Es ist weyter auch leicht auß dem text zubeweysen / wz
das für ein wort sey / das Gott dem Samuel durch eine
hörliche / oder (so zureden) leipliche stim offenbaret hat /
nemlich dz er das haus Ely greüwlich straffen wolt / wel-
che meynung freylich Gottes Sün in keinen wege nicht
sein kan / Darumb auch Samuel dem Ely / da er ihn
fragte / Lieber Sün / sage mir / was ist das wort / das
Gott zu dir geredt hat : nichts vom Sün Gottes oder
selbständigem wort (wie in Schwentfeldt nennet) son-
dern von der greüwlichen bedrawung Gottes antwor-
tet. Dasselbige wort Gottes ward im offenbaret / vnd
von solcher Prophetischen Offenbarung / die auch der
Gottlose Balaam gehabt / redet die Schrifft am ende des
selbigen capitels.

Darumb

Darumb wer nur ein wenig den text zusammen helt vñ nachdencket/der würt gewißlich sehr klärlich sehen vñnd finden/dz Gottes wort allda nichts anders ist/ dan eben die meynung oder rede/so Gott durch disen oder ihenen Propheten/vō diser od ihener sach seinem volck anzeygt/ vñd würt darneben auch kōnen mercken das 8 Schwer/ mer dem text gewalt vñd vñrecht thū/ vñd in wider sein eygē gewissen mütwilligklich auff das selbständige wort ziehe/da doch augenscheinlich ist/das eben diser text be/ zeüget/das Gottes wort das ihenige sey/ w3 Gott zū den Propheten geredt/vñd sie den leüten hat heysen fürpre/ digen oder fürschreyben.

Gottes
wort heysse
dz ihenige
w3 Gott zū
den Prophe
ten redet.

Zum drittē/ Sophisticiert er vber den spruch i. Sam. xv. Da Samuel zū Saul sagte. Du hast des Herren VVORT verworffen/ Allhie spricht Schwencsfeldt/das des Herren wort nicht die heylige Schrift bedeüte/Dan Saul hatte die selbige nit verworffen/ sondern den be/ felch Gottes/dz er alle Amalakitier mit aller ihrer haabe vñd güter solt vertilgen.

Auß disem eynigen Sophisma ist leichtlich abzunem/ men/das diser Versürer wissentlich/mütwilligklich vñd fräuenlich die heylige Schrift verkeret/ verfälschet vñd mißbraucht. Dann für das erste/so ist so klar/als die lie be Soñe am hällen mittag/das Samuel allda den Saul nicht darumb straffet/ das er das selbständige wort (wie ers außleget) oder Gottes Sün verworffen/ sondern das er dem gebott Gottes nicht gehorchet hat.

Schwencs
feldtsophis
ma vñ müt
willige ver
kerung der
Schrift.

Darzu so war nit allein das Gottes wort oder lehre/ so schon dazumal in der heyligen Schrift war gefasset/

d iij als

Von der H. Schrifft

NOTA
im alten Te
stament w3
man für
Gottes
wort gehal
ten hab
Gottes
wort höret
darumb nit
auff Gottes
wort zu sein
das es auff
papyr gschri
ben ist.

Psal. lxxiiij.

als die fünffbücher Mose / Josue vnd der Richter büch /
sondern auch was Gott dazumal noch täglich durch sei
ne Propheten / hernach durch Christum vnd die Aposteln
geredet hat / welches alles darnach in die heylige Schrifft
verzeychnet worden ist / vnd freylich wie es von anfang
Gottes wort gewesen / da es Samuel / Esaias / oder Jere
mias geredet hat / also hats nit auffgehört Gottes wort
zu sein / darumb das es auff Papyr geschryben wordē ist.
Es saget Samuel nit / dz Saul alle wort Gottes hab ver
worffen gehabt / sondern nur dis stuck Gottes worts / di
sen eynigen befelch oder gebott.

Lieber Leser / was wer doch wol das für ein Argumēt?
Paulus spricht / die Jude verwerffen seine Epistel / Nun
verwerffen die Juden die heylige Schrifft nit / Darumb
so seind die Episteln Pauli keine heylige Schrifft. Eben
also Argumentiert auch diser Schwermer. Ist aber das
nit eine offentliche mütwillige verfälschung der heyligen
Schrifft / so weyß ich bey dem lieben Gott nit / w3 doch ein
verfälschung sein möchte.

Zum vierdtē / citiert er einen vers auß dem lxxiiij. Psal.
da Gott sagt / Er will das Wort geben mit grosser scha
ren der Euangelisten / welches nit für in / sondern stracks
wider in ist. Dann es ist die meynung / das Gott vil Euan
gelisten geben will / die sein wort predigen sollen / welches
nach Christi himelfart erfüllet ist. Also seind auch zuuer
stehen die folgende sprüche auß den Psalmen. Dann
Gott heylet freylich durch sein wort / vnd machet leben
dig / vñ wir sollen auff seine verheysung hoffen / wie Chri
stus beweyset / da er mit einē wort die Todtē aufferwecket.

Von

Von dem spruch Esa. am ij. ist oben gesagt.

Zum fünfften vñ letstē/ beweyset er auß mehr capiteln Jeremie/ das Jere. (der doch ein diener Gottes worts gewesen ist) grossen streit od̄ kampff gehabt habe / mit den Hohen Priestern/ welche das stuck der Bibel/ so dazumal vorhanden gewesen/ nicht veracht haben/ darumb will er weyter beweysen/ das Gottes wort vil ein ander ding sey/ dann die heylige Schrifft.

Aber es ist auß den gegenwertigen streitten/ mit den Papisten/ leichtlich auß dis̄ Sophisma zuantworten. Dann unsere Papisten haben freylich auch die Bibel/ vñ die vier Euangelisten / sie lesen vñd singen sie in ih̄ren Messen. Vnd dannoch geben wir ihnen mit warheit schulde/ das sie des heyligen Euangelij seynde/ vñd verfolger seind. Dann die ware meynung der Euangelisten/ wollen vñd können sie in keinen wege leyden / Darzu so predigte Jeremias nit allein die stuck von der heyligen Schrifft/ so schon vorhanden gewesen / sondern auch die rede vñd wort Gottes/ so im Gott täglich mehr befolhen/ welche die Hohen Priester mit nichten leyden kondtē/ jetzt aber seind sie auch ein theil d̄ Schrifft wordē/ Ja wir streiten noch heütiges tages mit den Juden/ welche die heylige Schrifft nit ganz verwerffen / wir auch nit/ wie Kompts dann / ist darumb das neüwe Testament kein heylige Schrifft nit/ weyles die Jüdische Schrifftgelehrten verwerffen.

Der Euangeli-
gelisten
streit mit
den Papiste

Hier auß ist nün greifflich/ Got sey lob/ das der Dmchtige Schwerm̄er sich vnderstehet mit groben/ losen/ vñd öffentlichen Sophistereyen vñd lügen/ solche grosse ding zuber

Von der H. Schrifft

Der armen
leüth ver-
blendung
die sich des
Schwenck-
felds lämen
vñ losen got-
ten verfürē
lassen.

Gott hat
die H.
Schrift ge-
redt/ Ergo
so ist sie auch
vnd heysset
billich Got-
tes wort.

zubeweysen/das nemlich die heylige Schrifft mit Gottes wort sey/darauf dan darnach vnzällich vil irthumben folgen/vnd folgen müssen/ Vnd das mag fürwar ein sonderliche straff von Gott/vñ verblendung der armen verstockten leüte sein/das sie sich mit solchen losen/faulen vñnd lämen zöclen vñ bößlin/von der klaren/hällen/ofsentlichen/ja Göttlichen warheyt ableyten/zum Teüfel führen/vnd willigklich reissen lassen.

Ich möchte gern von dem tollen Schwermer hören/wer doch die heylige Schrifft geredt hette: Hat sie Marcolphus / Eulenspiegel / der Pfaff vom Kalenberg / Schwenckfeldt od Aesopus geredt: Ich halte gewißlich/er wurde mir etwas nit vil besser noch bescheydener antworten. Wir arme Christen aber/so nit solche hohe offenbarung haben/als Schwenckfeldt/lesen hin vnd wider in der Schrifft/vñ glaubens auch vestigklich (nach vnserm geringen glauben) das sie Gott der Allmechtige Schöpfer Himmels vnd erden geredt habe. Als das ist jha gewiß/das Gott die Zehen gebott zu Mose vnd den Juden geredt hat. Item/das Gott der Propheten Bücher oder Predige/vnd Christus die predigen/so von den Euangelisten beschryben seind/geredt hat. Item/das die andere stuck der heyligen Schrifft/von dem heyligen Geyste geredt vñnd geschryben worden seind. Hat nun Gott selbst die Schrifft geredt vnd gesprochen/wie es dann Esaias zum offtermal widerholet. Der mundt des Herren hat es geredt/So muß notwendig folgen/das sie setne rede oder wort sey/vnd heysen soll.

Ich kan mich warlich nicht erinnern/was doch immer

mer deutlicher unsere Meynung zubestärigen/ vnd den
 Schwermer zuüberzeygen/ oder zuüberweyßen geredt od
 nur erdacht möge werden/ dann das unzählich mal in der
 heyligen Schrift stehet geschryben/ von den sprüchen vñ
 predigē/ so darein gefasset seind. So spricht der Herr/ So
 sagt der Herr/ das ist Gottes wort/ Höret Gottes wort/
 Höret die stim des Herren/ vnd es geschach das wort des
 Herren/ zu dem oder ihenem Propheten/ auff dise mey-
 nung/ zc. Item/ der munde des Herren hats geredt. Sol-
 che vnd dergleichen vil unzähliche reden/ solten schier
 einen stein vberreden vnd vberwinden/ das die heylige
 Schrift Gottes wort sey/ vnd soll dafür von allen men-
 schen billich gehalten werden. Wer aber gegen solchen
 klaren vñ hällen zeugnissen der heyligen Schrift/ die oh-
 ren hat zugestopffet/ der mag Schwencfeld vnd sein-
 nem lügenhafftigen Geyst vnd tröumen ins Teüfels
 namen folgen.

Beweisung
 das die S.
 Schrifft
 Gottes
 wort sey.

Bissher habe ich durch Gottes gnade mit vilen gewis-
 sen/ gewaltigen/ hällen/ vñ klaren sprüchen/ der heyligen
 Schrift/ bewyßen/ das eben die lehre od heylige Schrift/
 so in der Bibel verfaßt ist/ seye ein rechtes vnd wares
 wort Gottes/ vnd also genennet/ vnd von yederman ge-
 halten müsse werden/ Nun will ich mit Christi hilff/
 auch von der Wirkung vnd krafft Gottes
 worts vnd lehre/ so man jetzt die H.

Schrift nennet/ sagen/ So vil
 Gott würt gnade
 verleyhen.

e

Von

Von der Wirkung Gottes worts / oder
 das Gott durch die heylige Schrifft vnd
 Sacrament / mit den menschen han-
 dele / vnd in ihnen freffrig-
 lich wircke.

Dann Schwencckfeldt verkleinert
 weyter / vnd nichtiget sehr / die macht vñ krafft
 des worts Gottes / oder der heyligen Schrifft
 vnd Sacrament / Er lehret / das Gott durch

Schwencck-
 feldts leste-
 rung wider
 die macht
 vñ krafft d
 S. Schrifft
 vñ Sacra-
 ment.

kein mittel mit vns handele / den Glauben vnd Gottese-
 ligkeyt in vns zuwürcken. Item / das der glaube nit kom-
 me auß Gottes wort od d heyligē schrifft / noch dardurch
 wachse / od daran hangen soll. Item / welches noch greüw-
 licher ist / das sich der glaub nicht richten sollenach der
 Schrifft / sondern die Schrifft soll vnd müsse sich richten
 nach dem glauben / die Schrifft bestehe endlich nicht / wie
 Lutherischen haben einen Abgott auß der Schrifft ge-
 macht / zc. vñ dergleichen lesterung / vnzählich mehr / speyer
 er vnuerschampt auß / darauff ich im ein wenig jetzt will
 antworten.

Gott hand-
 let mit dem
 menschen
 als mit ei-
 ner leypli-
 chen Crea-
 tur.

Es ist yewar vnd vnleüghar / das Gott also den men-
 schen auch vor der sünde geschaffen habe / dz er ohrē / augē
 vnd ande sīne gehabt / die selbige freylich zugebrauchē / zū
 allem güten / sonderlich zūm erkantnuß Gottes seines
 HERREN / war istts auch / vnd vnleüghar / das Gott mit
 den menschen also gehandelt hab / als mit einer leypli-
 chen Creatur / die Ohren / Augen / zc. hat / vnd nicht als
 mit einem Engel / d keinen Leib / Ohren oder Augen hat.

Item / das ist auch gewislich war / das nit allein der
 mensch /

mensch/wie er jetzt ist / sondern auch vor dem fall / durch Augen vnd Ohren / Geystlichen verstande oder meynung ge gefast habe / so zur Geystlichen vnuerderbten Seelen hinein kommen seind / als Adam hat durch den sinn der leiplichen Augen dise Göttliche meynung gefast / da er erst alle thier / vnd darnach Euam gesehen / das nemlich kein thier darzu nütze / dz sich mit im hielte / Aber Euā erkante er durch die augen das sie sein fleysch vnd beyr war / vnd darzu von Gott geschaffen / das sie seine gesellin vnd mithelfferin sein solte / Gott zu dienen / vnd im zu gehorsamen.

Schaffung
des ersten
menschen.

Es zeyget auch die Schrifft gnügsam an / das Gott mit einer eüsserliche stim befolhe habe Adam / er solle von dem Baum des erkantnis böses vnd güts nicht essen / das er also freylich auch durch Hören / vnd Augen / Gottes willen vnd befelch hat erkant / vnd ist kein zwey fel daran / das Gott dem menschen nit weniger sein zungen vnd munde geschaffen habe / in dardurch zu loben / als das er nur damit güte bitten essen solte. Item / Ohren vnd Augen / Gottes willen vñ gebott / vnd auch seine leypliche obiecta zu hören vnd zusehen / dann das er jergent nur einen lustigen gesang hören solte.

Warumb
Gott dem
Adam vera
botten von
dem baum
des erkant
nis böses
vnd gütes
zu essen

Wie nun Gott erst den menschen geschaffen hat / das er Ohren / Augen / vnd Zungen habe / vnd dardurch auch Geystlichen verstande fasse vñ handle / auch durch die selbige sinn seinen willen vnd meynung verneime / Also hat er es auch noch nach dem fahl gethō / vñ mit im durch sein eüsserlich Wort vnd Sacrament (welche Augustinus sichtliche wort Gottes neinet) gehandelt / in zubekeren / vñ

Sacramēto
sichtbarlich
de wort
Gottes.

e ij auß

Von Wirkung

auff im einen gleübigen vnnnd Gottseeligen menschen zu schaffen.

Wort vnd
Sacrament
zwey orden-
liche mittel
den Gottlo-
sen Gottse-
lig zu mache

Das also dise zwey die ordenliche mittel sein (nemlich/
das eüsserlich Wort vnnnd Sacrament/ so mit ohren ge-
hört/vnd mit augen gesehen werden) dardurch Gott erst
auff Vngleübigen vnd Gottlosen/ Gleübige vñ Gottsee-
lige leüthe macht/ Also das doch der heylige Geyst da sein
müß/ der vnserne steinerne hertzen erweyhet / auff das sol-
che Gottes werckzeüge in vns krefftig sein mögen/ Dann
ohn in ist alles predigen vnd lehren vmb sonst.

Beweisung
das Gott
durchs
wort vñ Sa-
crament
würcke

Vnd das solchs war sey/ das Gott durch das hörliche
vnd schriftliche Wort/ vnd sichtige Sacrament/ mit den
menschen handelt / in ihnen erst den glauben / vnnnd alle
Gottseeligkeit würcket vñ anrichtet / ist leichtlich auß d
klaren vnd hällen Schrift zubeweysen. j. Cor. j. Diweyl
die welt durch ihre Weysheit / Gott in seiner Weysheit
nit erkante / gefiel es Gott wol / DV RCH die THO-
RECHTE PREDIGE Seelig zumachen/ die so da-
ran glauben/ welches eben das ist/ das sonst Paulus Ro.
j. sagt/ Das Euangelium sey ein krafft Gottes zur See-
ligkeit / 2c. Was ist aber allhie Paulo die thorechte
PREDIGE anderst / dann eben das gepredigte wort
Gottes / oder die gepredigte lehre von Gott/ so in heyli-
ger Schrift verfasset ist:

Wz Paulus
heysse
die thorech-
te Predig

Item/ so ist es war / das Christus eben darumb die A-
postel in die welt gesandt habe/ zu Predigen vnd zu Teüf-
fen/ auff das er durch solche werckzeüge/ auß dem Gottlo-
sen hauffen/ im ein gleübiges vnd Gottseeliges volck zu
bereyte / Matth. v. xxviii. Mar. vj. xvj. Luc. ix. v. xv.
Act.

Gottes Wort.

Act. j. Derhalben sagt auch Paulus j. Corinth. iiij. Das er durch das Euangelium die Corinthen in Christo Jesu gezeüget habe. Nennet sich auch ihren vatter / vnd sie seien Kinder vñ werck. Item / züm Philemon sagt er / er habe seinen Sün Onesimum in seinen banden gezeüget.

Auß welchem allem klar ist / das die Christen gezeüget oder geboren werden / durchs mündliche / hörliche / vñ schriftliche wort Gottes / vñ durch die Sacrament. Dañ S. Paulus vñ andere diener Christi / können freylich den heyligen Geyst den menschen selbst nicht geben / sondern was sie thun / das thun vñ würcken sie / durch die reyne Predige vñ Sacrament / wie dann auch Paulus sagt / das sein ampt eygentlich sey Euangelizein / predigen das Euangelium.

Aber wir wöllē noch mehr sprüch der heyligē Schrifte herbringen / damit zubeweysen wider den Schwärmer / das der rechte Glaube / vñ die rechte Gottseligkeyt / würt in den menschen gewürcket / eben durch das eüsserliche wort Gottes vñ Sacrament. Paulus sagt / Ephe. v. Das Christus gereyniget habe die Kirche durch das Wasserbad im wort / auß das er sie jm darstelle eine gemeyne / &c. Da hören wir ja klar / das Christus würcket / vñ die Christen reyniget durch die Tauff vñ Wort.

Vnd (auß das ich allhie etwas darneben in der Kürze anzeyge) auß disem spruch kanstu lieber Leser schier fülen / vñ es seyn deütlich sehen / wie grob / frech / vñ vnverschamt Crautwaldt / des Schwencsfeldts Mitschwärmer / schwärmer / vñ weydlich anlauft in seinem büchlin / in welchem er den spruch Johan. iiij. also erbärmlich

e iij verker

xix

Warzū Christus die Apostel in die welt auß gesandt habe.

Christē werden gezeüget durchs mündliche wort vñ Sacrament.

Crautwaldts Schwärmererey

Von Wirkung

verkeret vnd zerstücket / So jemandt nit geboren würt/
aus Wasser vnd Geyst / der kan nit in das reich Gottes
gehen / Das das Wasser allda Christum bedeüten vñ heys-
sen muß. Dañ Schwēckfeld will sonst habē / dz VVORT
bedeüte auch Christum. Es setzt aber Paulus in diesem
spruch die drey wort / CHRISTVM / VVASSER
BAD / vnd VVORT / als drey vñschidene ding / durch
welche die Christen widergeboren vñ gereyniget werden.
Also siehestu nün lieber Christ / wie greüwlich der Teüfel
wütet vnd tobet / vnd die heylige Schrifft vnd ware Reli-
gion Christi mütwilligklich durch seine Schwerner ver-
keret / vnd vns arme geringe Christen / mit seinen giffteigē
VVALDKREVTERN / mit dem ewigē todt zu töd-
ten / züm hefftigsten sich bemühet. Item. Pan. sagt klar /
Rom. v. Der glaube komme auß dem gehör oder predige
(dañ gehör bedeüet oft in der Schrifft die predige) wel-
ches gehör oder predige komme her vom Prediger / Also
spricht er auch Gal. iij. Das die Galater den heyligen
Geyst entpfangen haben / durch das gehör des glaubēs /
das ist / durch die predige.

Der glaub
kompt auß
dem gehör.

Schwēck-
feld verke-
ret dē spruch
Galla. iij.
schändlich.

Disen letzten spruch Gal. iij. (wie dann auch den vorzi-
rigen) verkeret Schwēckfeld schändlich / vnd legt in al-
so auß / das *Auditus fidei*, Das gehör des glaubens sey das
inēliche anhauchen des H. Geysts / aber den rechten ver-
standt des spruchs / kan man klärlich auß dem vorigen
spruch Rom. v. nemen / da klar stehet d̄ glaube komme auß
dem gehör oder predige der gesandten prediger / vñnd
auß einem solchen gehör / das auch die Gottlosen / die
es nicht glauben / hören / oder vernemen / welchs freylich
leyp?

leyplich sein muß. Aber von disen beyden sprüchen her-
nach.

Item/Acto. v. Hat man ein öffentlich exempel / das 8
heylige Geyst durchs gehör/oder predige Gottes worts
komme/Dann da Petrus dem Cornelio vñ seinem hauß
predigt/das alle Propheten bezeügen/das wir vergebüß
der sünden durch Christum habē/da fiel der heylige Geyst
sichtbarlich auff die zühörer solcher predige / damit anzu-
zeygen/das er stāts/wann man Gottes wort predigt/ et-
lichen vn sichtbarlich gegeben werde.

Wann Got-
tes wort
würdt gepre-
diget/ würdt
allein d. S.
Geyst etli-
chen vn sichte-
barlich gebe-

Also kompt auch der heylige Geyst sichtbarlich auff
Christum / in der heyligen Tauffe / anzuzeygen / das er
auch (wiewol vn sichtbarlich) auff die / so getaufft werdē /
pflege zukommen. Darumb ist auch in der ersten kirchen /
der heylige Geyst / oft sichtbarlich durch aufflegung der
hände der Aposteln / gegeben worden / anzuzeygen das
durch der Apostel dienst oder predige / vñ anderer Predi-
ger Christi ampt / der heylige Geyst gegeben werde / ob
gleich vn sichtbarlich / vñ on solche predige Gottes worts
oder reyne lehre gar nit gegeben werde. Daher der Hans
Worst / Simon Magus meynete / die Aposteln hetten der
massen die macht / den heyligen Geyst zugeben / das sie in
auch verkauffen oder verschencken kōndten / wem sie nur
wolten / wie auch jetzt sein schüler der Papst mit den sei-
nen meynet.

Der S.
Geyst ist
durch die
aufflegung
der händ
auch sichte-
barlich gebe-
worden.

Hierzu gehört auch / das die schriftt oft sagt / wir wer-
den wider geboren durch die Tauffe / Johan. iij. Es sey
dann das yemande geboren werde / auß dem Wasser vnd
Geyst / so kan er nit in das reich Gottes kōmen. Ephe. v.
Titum.

Von Wirkung

Cornelius
vnd Paulus
ob sie
wol himmelsche
offenbarung
gehabt haben
seind sie gleich
wol zu dem
mündlichen
wort
gewysen
worden

Titum. iij. Vnd was soll man vil sagen / hat doch Gott selbst zu den zweyen seinen mitteln oder werckzeügen / der Gottseeligkelt / nemlich dem gepredigten Wort vnd Sacrament / auch die jhenige geweyset / mit denē er von himmel herab persönlich geredt hat / als Cornelium / Centurionem. Act. v. vnd den heyligen Paulum selbst / der doch bis in den dritten himmel erhaben gewesen. Act. ix. Gott sagt zu beyden / Der Apostel oder Prediger würt dir anzeygen / was du thun oder lassen solt. Vñ der arme forcht same vnd blöde Ananias spricht zu Paulo / Saul lieber brüder / 8 Herz der dir auff dē wege erschienen ist / hat mich zu dir gesandt / auff das du den heyligē Geyst entpfahest / vnd Teuffet in dar auff / da er on zweyfel den heyligē Geyst entpfangen hatt.

Schwenckfeldts
argument
Gott
gibt den
Geyst
on
mittel

Da möchte wol Schwenckfeld / der grosse hocheleuchte Prophet / zu Anania sagen / Ey lieber Anania / Kan dan Gott Paulo on dich / ja on alle mittel den heyligen Geyst nit geben. Es muß zumal ein schwacher Gott sein / der in solchen wichtigen sachen deiner darff. Packe dich hinweg du Lutherischer Ketzer / mit solchē jrrthumb / Gott gib den heyligen Geyst / vnd waren glauben / ohn alle mittel der Prediger / oder jergent einer Creatur.

Aber Gott hat gewyslich damit anzeygen wöllen / er wölle die arme sündler / durch die selbige seine / vnd von jm verordnete mittel Gleübig vnd Seelig machen.

Vnd das der Dmechtige Schwärmer vil plaudert / von der inwendigen predig des heyligen Geysts / sagt / der Geyst / der Geyst / lehre den geystlichen menschen inwendig alles / vnd bedörff keiner Schrift / jnen Gleübig vnd

See

Seelig zumachen / gibet er damit an den tag / beyde seine
 vnwissenheit / vnnnd seinen schwermerischen Geyst. Dann
 Christus sagt ja klar gnüg vō des heyligē Geysts ampt /
 das er die Christen erinnern werde / seiner rede oder pre-
 digen / die seind iha die heylige Schrifft. Item / Lucas
 spricht / Der Herr habe gedöffnet das verständnuß den
 Aposteln / das sie die heylige Schrifft verstanden haben /
 welchs er freylich innerlich durch den heyligen Geyst ge-
 thon hat / das also des heyligen Geysts wares ampt ist /
 die leüth lehren / durch erklärang der Schrifft / vnd nicht
 etwann durch eygne Speculationes / vñ tröume / wie die
 Schwermer meynen.

Des H.
 Geysts
 ampt.

Derhalben beschreybet auch der heylige Geyst Psal. j.
 einen rechten Christen also / das er im Gesetz Gottes tag
 vnd nacht dichte / vnnnd alle seine lust / wonne vnnnd freüde
 darinnen hat / wie auch David von sich / vnd einem jegkli-
 chen rechtē Christen / nach der länge schreibet / Psal. cxix.
 Ja tägliche erfahrung gibet / Wa ein rechter Christ ist / d
 studiert fleißig in der Schrifft / er thū es mit hören / oder
 lesen. Vnnnd wie solt vns der heylige Geyst / nicht eben in
 die Schrifft / als sein eygen büch vnnnd lehre weysen / vnnnd
 dardurch vns lehre / alles wz zu wissen von nöten ist / so er
 sie doch selbst gemacht / vnd den Patriarchen / Prophetē /
 vnd Aposteln darumb gegeben hat / das sie ein Gottseli-
 ge lehre den menschen damit fürlegten / iha das er selbst
 durch ihren munde die menschen also lehrete.

Des H.
 Geysts ey-
 gen büch.

Solte aber der heylige Geyst die rechte Christen nicht
 auff sein eygen büch oder lehre weisen / sondern auff ein
 anders / oder solt er einem jeglichē Christen eine eygene

Die Christē
 habē ein ge-
 meyne Bü-
 bel.

f ganze

Von Wirkung

ganze Bibel machen: Wolt er das thun/so hette er nicht
dörffen allen Christen eine gemeyne Bibel machen/ vnd
hette der mühe zum theyl wol können sparen.

Ab was darff der heylose Schwermer also die Schrifft
verachten/ vnd sagen/ der Geyst/ der Geyst lehret inwen-
dig alles/ allein on mittel / Sage doch d heylige Petrus/
das auch die lieben Engel (die freylich gnüg innerliche of-
fenbarung haben) von hertzen begeren zuschawen/ in die
gepredigte lehre von Christo/ die doch keine außwendige
menschen haben.

Womit der
Teüfel umb-
gange.

Summa / es ist dem Teüfel nur darumb zuthun / das
er vns von der heyligen Schrifft hinweg/ auff vnser güte/
duncken/ vnser Kopffs tröume/ ja auff seine eygne gespen-
ste füre vnd leyte/ Der liebe Gott wehre vnd steüwe jm.

Die S.
Schrifft ist
ds Geystli-
chschwerdt

Ja/ es würt dem mündlichen vnd schriftlichen wort
Gottes in der Bibel zugemessen/ das nit allein Gott dar-
durch gegen vns handele/ vnd in vns krefftig sey/ sondern
das sie selbs auch ein Geystlich schwerdt sey / damit man
wider den Teüfel streitten soll/ Eph. vj. vnd das allda sol-
ches nit eygentlich von Gottes Sün selbst geredt sey/ ist
klar auß dem streitt Christi mit dem Teüfel. Math. iij.
Da Christus nit streitter mit dem Teüfel/ durch seine Sub-
stantiam, Almechtige Gottheit / sondern schlecht ihn drey-
mal mit dem Geystlichen schwerdt Gottes worts/ oder d
heyligen Schrifft/ vnd jaget in eben damit hinweg.

Jacobs
Geystlicher
streit mit
Gott.

Item / der heylige Geyst gibt in der Bibel dem wort
Gottes / so in keinen wege der Sün Gottes ist/ das man
dardurch auch mit Gott handele / vnd in gleichsam be-
streite vnd bezwinge/ das er vns nach seiner verheyßung
helffe/

helffe als Jacob helt Gott für/ er habe in geheyssen/ er soll widerüb heymziehen/vñ hab im darneben zügesagt/ er wölle im allda vil güttes thun/ derhalben solte er seiner verheyssung nachkommen/ vñnd Jacob hat freylich mit dem schwerdt den streit gegen Gott gewonnen/welcher streit Gen. xxxij. geschriben stehet.

Also helt auch Moyses vñnd andere heylige Väter Gott sein wort für/das er das vñnd ihenes befolhen/vñnd verheyssen habe. Dem selbigen seinem wort solte er nachkommen/bittē in auch/erwolte eingedenck sein/des bundts vñnd deren verheyssungen/ so er jren Vätern/ Abraham/ Isaac vñnd Jacob gegeben hat.

Also helt David Gott für seine verheyssung/in seinem gebett. ij. Sam. vij. Gott/sagt er/vmb deines worts willen/nach deinem hertzen oder gefallen hastu alle dise grosse ding gethon/2c. Item/so kreffte nun Herz Gott das wort in ewigkeyt/das du vber deinen knecht/vñnd vber sein haus geredt hast/vñnd thue/wie du geredt hast.

Wan ein Christ jetzt also in seinem gebett Gott seine verheyssung fürhielte/vñnd sagte/lieber Gott/du hast gesagt zü allen menschen/kompt her zü mir alle/die jr müh/seelig vñnd beladen sind/2c. oder/ Ich habe nit lust an des sünders todt/2c. Derhalben bitte ich arme sünd dich/ du wöllest mir nach solcher deiner verheyssung gnädig sein/2c. Lieber/solte solche verheyssung od sprüch der Schrifft vñnütz sein? vñnd mir bey Gott nichts gelten/das glaube ich nit.

Wans Christen gebett

Iha/Gottes Sün hat klärlich gnüg angezeygt/das die eynzige sprüche der heyligen Schrifft/vberaus sehr
f ij kreff

Von Wirkung

Gott halt
sein wort
wann es
schon durch
arme sünd.
gesprochen
würt.

Christi wort
kan mā wol
hören vñ im
doch gleich
wol nicht
glauben.

Krefftig sein/da er so offte widerholet vnd sagt/ Er thū vñ leyde diß vñnd ihenes/nur auff das die Schrifft erfüllet werde. Dann Gott ist warhafftig/will kurzumb sein wort/es sey gleich durch arme sündler geschriben oder gesprochen/dise arme büchstaben/vnd armen arhem (wie der Schwermer Gottes wort schändlich lestert) halten vnd erfüllen.

Iha/ Christus erhebet also sein gepredigt Wort oder lehre/welches jetzt in der Bibel gefast ist/das dasselbige werde am Jüngsten tage die welt richten/ Johan. viij. Jesus rufft vnd sprach/wer mein VVORT HORET vñ GLAUBET nicht (Wercke es wol/das man Christi wort kan hören/vnd im dannoch nit glauben/das muß Iha ein leylich außwendig wort vnd hören sein/nemlich/das gepredigte vnd gehörte wort) den werde ich nit richten. Dann ich bin nit Kommen/das ich die welt richte/ sondern das ich die welt Seelig mache/wer mich verachtet vnd nimpt meine wort nit auff/der hat schon der in richtet/das wort/welches ich geredt habe/das würt in richten/am Jüngsten tage.

Also zeygt er auch Johan. v. an/das Moyses mit seinen schriften oder Büchern (welche der Schwermer so schändlich verhönlächelt) werde die welt richten.

Bis daher ist mit Gottes hilff gnügsam bewysen/das Gott durch sein geschryben vñnd gepredigt wort/oder durch die heylige Schrifft mit vns handelt/in vns den glauben/vnd die Gottseligkēyt würcket. Item/das wir dardurch mit dem Teüfel glückselig streitten/vnd letztlich auch Gott selbst/wann wir im seine veyheßung/in
der

der Schrift gefasset/ fürhalten/ vnd bitten/ er wölle sich nach der selbigen auch gegen vns armen sündern halten (also zureden) vberwinden vnd bezwingen/ das er vns helffe.

Vnd ist vnder andern beweyssungen fürnemlich zumercken/ das sich Paulus nennet einen Vatter der Corinthen/ vnd sagt/ er habe sie durch das gepredigte Euangelium gezeüget. Item/ er spricht/ die Corinthen sind sein werck. j. Corinth. ix. Vnd seine Kinder. Item/ er habe als ein weyser Bauweiser den rechten eckstein in jnen gelegt.

Paulus der
Corinther
vatter.

Ich möchte Schwentckfeld sagen (wie er dann auff diese meynunge sehr vil geysert) Gott ist der Christen Vatter/ er zeüget sie durch sein selbständig oder wesentlich wort/ on alle mittel/ er bedarff keiner Creatur hilff nicht/ welches wort Paulus freylich nit gebē kan/ wie ist's nun möglich das die Corinthen zween vätter haben?

Der heylige Paulus antwortet selbst auff solche einrede/ vnd zeygt seyn an den vnderscheidt/ wie Gott/ vñ wie er ein Vatter der Corinthen sey. j. Cor. iiij. Wer ist nun Paulus/ sagt er/ Wer ist Appollo/ diener sind sie/ durch welche jr sind gleübig worden/ Da hören wir/ das durch die Prediger/ oder das gepredigte wort Gottes die menschen gleübig werden/ oder Gott in ihnen den glauben würcket.

Durch das
gepredigte
wort würd
mā gleübig

Weyer spricht Paulus/ vnd dasselbige wie der Herr einem jeglichen gegeben hat/ Ich habe gepflanzt/ Apollo hat begossen/ aber Gott hat dz gedeyē gegeben/ Allhie hören wir abermal den vnderscheidt in einer klarc gleich

f iij nuss

Von Wirkung

On rechte
lehre vñ Sa-
cramēt will
Gott nies-
mandt see-
lig machen/
rutz Säck-
feld beweyß
das wider-
spil.

Schwenck-
felds Argu-
ment.

Werte/sein
widerlegüg

Gott gibt
zñ vnserer ar-
beyt sein Ge-
deyen.

Beschluß.

nuss/wie Gott od Paulus ein Vatter der Corinther sey. Dann wie Gott durch den Ackerman oder Weingärtner Korn vnd Wein schafft vnd wücket/vñ on in will er solches nit thun/also will er auch durch dē prediger od gepredigte od geschrybene wort Gottes/dē glaubē vñ Gottseeligkēy schaffē/wie er auch darnach sagt/wir sein Gottes gehilffen/ir seind Gottes ackerwerck/vñ gebeüw. Vñ ohn rechte Lehre vnd Sacrament will er niemand See-
lig machen.

Auß disem spruch Pauli ist auch sehr leicht zñ antworten auff die eynrede/die der Schwenckfeld so oft eynfüret/Er sagt er/wañ durch dz mündliche oder schriftliche wort Gottes/der ware glaube käme/so würden alle Schriftgelehrten/vnd alle/so Gottes wort hören oder lesen/rechtgleübig vnd Gottseelig.

Es folget nicht lieber Schwenckfeld / Dann ob gleych die frucht kommet auß dem samen/ist dannoch vil dran gelegen / ob der Ackerman einen güten oder bösen acker für sich habe. Item/ob er in recht oder vnrecht ackert / also auch mit der schrift/Einer verstehet/handelt oder erkläret sie recht/der ander verfälschet sie wissentlich / vnd müerwilliglich/wie Schwenckfeldt solchs oft thut.

Aber an dem ist freylich am meysten gelgen/ ob der liebe Gott will zñ vnserm ackern/Predigen/Schreiben/hören vnd lesen/gedeyen geben/den selbigen müß man fleißig vnd emb sig darumb bitten / gleichwol bleybt es war vnd vnleügbar/dz Gott durch dz pflügē / Säyen/Pflanzen/begießen/rc. seinen segē vnd gedeyen gibt.

Derhalben ist klar vnd offenbar / das der rechte glaub-
bekom-

bekomme/ durch dz mündeliche oder schriftliche wort od lehre Gottes/ od die heylige Schrift/ doch wann mans recht verstehet. Item/ es ist klar/ das nicht wider Gott noch sein ehr sey/ das er solche mittel/ jha auch gehilffen (wie sie Paulus nennet) gebrauchet.

Widerlegung der einrede Schwenckfeldts.

Hierwider setzet Schwenckfeld/ das Gott durch kein mittel mit den armen sündern handele/ vnnnd derhalben sey es aller ding erlogen vnd falsch/ das wir lehren/ Gott mache durch das wort vnd Sacrament auß den armen sündern gläubige Christen/ vnd würcke dardurch in jnen die Gottseeligkeyt.

Solchen seinen irthumb wider vns beweyset er gar nicht/ sondern treibets nur dermassen durch einander vnnnd widerholets so offte/ das sich ansehen laßt/ als duncke oder tröume jm/ das es keiner beweysung mehr bedörffe/ vnnnd sey an dem mehr dann genug/ wann nur Juncker Schwenckfeld schreybet/ sagt od lehret. Jedoch setzet er auch bisweylen züm schein hinczu etliche lose Sophismata.

Als erstlich/ sagt er/ sey es wider Gottes Ehre vnnnd seine Allnechtigkeyt/ so er mittel brauchet/ sein werck damit außzurichten/ Das ist aber nicht war/ vnnnd ist der grundt eben so falsch/ vnd nichts werde/ als das/ so er damit beweysen will. Dann Gott gebrauchet setzet mittel nach seinem wolgefallen/ nicht allein in natürlichen

wür?

Schwenckfeld sagt es sey erlogen das Gott durch mittel mit den leüthen handle.

Juncker Schwenckfeld schreybet/ Ergo es ist war. Widerlegung Schwenckfelds Argument/ durch mittel handlen ist Gottes ehre abbrüchlich/ Ergo/ vmo/ Gott handelt durch mittel seinen ehren vnabgebrochen.

Widerlegung der einrede

würckungen/ als wann er Menschē/ Viehe/ Holz/ Kraut schaffen will/ Dann durch menschen zeüget er menschen/ durch Viehe/ Viehe/ durch Sonne/ Kägen vnnnd Erden zeüget vnd gibt er mancherley gewächs/ zc. Sondern brauchet auch mittel in vnnatürlichen dingen/ wann er lautere vbernaturliche miracel thün will/ Als da er vor dem Pharaone so vil wunderwerck that/ gebrauchte er gleichwol des staves Moysi/ des puluers/ Wassers/ Windes/ zc. Jtc/ da Christus miracel that/ gebrauchte er gemeyniglich auch mittel/ als da er dē Blindē Kath auff die Augen streichet/ Vñ zum wenigsten gebrauchet er seines Worts oder Reden/ als da er die Teüfel austreybet/ die Todten erwecket/ das Meer stillt/ zc.

Miracel Gottes on mittel.

So es nun wider Gottes Ehr/ Macht vnnnd Gewalt were/ das er durch mittel handelte/ müste er fürnemlich extra ordinaria, nemlich die Miracel durch kein mittel thün. Dann sie werden nur eben darumb von ihm gethon/ auff das er seine Allmechtigkeyt darthue vñ beweyse. Ists aber nicht wider seine ehre/ Macht vnd Gewalt/ das er extra ordinaria, die Miracel durch mittel würcke/ so ist es vil weniger wider seine ehre vnd macht/ das er seine ordentliche würckung/ als da seind Physica, oder natürliche vnnnd Religions wercke/ durch mittel würcket/ Aber von disem Argument hernach mehr.

Miracel durch mittel

ii. Argumēt schwēckfelds/ Gott ist an keine Creatur gebunden/ Er go er bedarf se keines mitels.

Zum andern sagt er/ Gott sey an keine Creatur gebunden/ vnd bedörffe keines mitels. Es ist freylich war/ das Gott nit also an Man vnnnd Weib gebunden ist/ das er eben durch sie müste menschen schaffen/ vnd on sie keinen menschē schaffen köndte/ Es gefelle aber im also/ das er durch

durch diß mittel dz/durch ein anders ihenes würcket vnd schafft. Kan jm nün Schwenckfeld wehren/ so er will sagen. Ey hörstu Gott/du solst wed diß noch ihenes durch mittel thun/Dann auff die weyse achtet man darfür/als werestu an eine Creatur gebunden / vnnnd bedörffest irer hilffe: Ich halte wol Gott würt auff seiner alten weyse verharren / vnnnd von Schwenckfeldt vngemeistert sein wollen.

Zum dritten gibt er für/weyl Christus das haupt ist d Kirchen/vnnnd sie sein leib/ so müsse kein mittel zwischen dem haupt vñ gliedern sein/sondn die gnade müsse stracks on alle mittel von Christo in die Kirche fließen vnd kommen. Welches auch nur ein menschen sündlin od gedicht/ vnd kein wort Gottes ist/Aber man kans jm sein umbkre ren/Dann wiewol das haupt on mittel mit dem leybe zusammen gesetzt oder gefüget/doch hat es andere / vnd andere mittel/als adern/sehnen vnd dergleichen / dardurch es seine krafft in den leib vnnnd glider / als durch rennen/ außtheylet vnnnd außgeüßet/Dienet vns also auch solche gleichnuß des hauptes vnd des leybs/ mit Christo vnd seiner Kirchen/sehr wol wider Schwenckfeld.

Zum vierdten spricht er / das die mittel/so wir darfür halten (als Wort vñ Sacrament) nit fähig seind solcher Geystlicher krafft vnnnd würckung/ darauff ist diß vnser antwort. Es sey vns nit vil dran gelegen / sie seyen fähig oder nicht/Dan eben in dem zeygt Gott seine macht vnd krafft an/das er durch geringe/lächerliche/seltzame vnnnd nichtige mittel grosse herliche ding außrichtet / als das Christus durch kath den blinden sehend machet / oder

g durch

iii. Argu-
menschweck
feldts/20.
Christus ist
der Kirchē
haupte vnd
sie sein leib/
Ergo so ist
kein mittel
zwischen j n
vñ d Kirchē
imo/contra

iii. Argum-
Schwenck-
Wort vnnnd
Sacrament
seind nit fähig
Geystli-
cher krafft
vnd wür-
ckung Ergo

Widerlegung der einrede

Durch den staub oder puluer/so vil grosse miracel in Egypten thut.

Widlegung
Gott gefelt
durch die
thorechte pre-
dig die leiblich
seelig zuma-
chen.

Das aber die mittel/durch welche Gott mit vns in Religionen sachen handelt/bey der Klügē vernunft der Heyden vnd Ketzer/lächerlich vñ verächtlich seind/hat d' heilige Paulus auch sehr wol gewyßt vñnd gesehen/da er spricht. j. Cor. j. Weyl die welt durch ihre weyßheyt Gottes weyßheyt nit hat erkāt/hats Gott wolgefalle durch die thorechte predige Seeligzumachē die gleübigen. Die hören wir ja klar gnüg/das Gott durch die predige od gepredigte lehre/die gleübigen Seeligmacher/ob gleich solch mittel dem hochuerständigen Schwencsfeldt/sich für ein nãrrisch vnd thorechte mittel/das solcher grossen würckung/gang vnd gar nicht bequãm/anschen laßt.

Gott kan
bas mit einē
strohalmen
haben dan
Schwencsfeld
mit ein-
er art.

Ly lieber Schwencsfeldt/ob wol für deinen augen dis mittel gering/vñnd verachtet scheint/so ist doch der Meister so gewaltig vñnd kunstreich/das ihm kein mittel oder werckzeüg zugerung od schwach sein kan. Er kã besser mit einem strohalmen haben/dann du mit einer art. Er kan alles durch alles/vñnd durch nichts außrichten/versteyg dich nur nicht zu hoch in deiner kunst/lass in vngemeystert/vñnd würcken wa durch er will. Er ist ein alter haufuatter/bedarfß deines meisterens niergendts zu.

Gottes mit-
tel seind nit
vngeschickt
sonder gãtz
bequãm vñ
artig.

Aber in der warheyt/so ist es auch nicht ein vngeschickt noch vntüchtig mittel/sonder artig vnd bequãm/Dann wir haben oben gehöret/das Christus das Wort Gottes oder Lehre einen samen heysset/was kan nün für ein besser mittel zur frucht sein/dann der same? zu dem wie kan
Gott

Gott anders richtiger mit vns handeln / daß das er vns durch seine botten anzeygt / er habe eine kostliche herliche malzeyt zubereytet / vnd vns also zur selbigen malzeyt lade vnd bringe.

Wir seind ja verständige Creaturē Gottes / vnd seind nit steine / klözer / noch vnuernünfftige thiere / darzu hat vns Gott ohren vnd augen / auch vor dem fahl / gegeben oder geschaffen / auff das wir dardurch nicht allein vnseren genieß vnd leyplichen nutz suchen / sondern auch durch der selben mittel / Gottes gnädigen willen verstehen vnd vernemmen können vnd sollen / wie oben gnügsam angezeyget.

Darumb ist das ein rechts mittel / das Gott mit vns durch eine lehre / weyl wir eine vernünfftige Creatur seind / vnd nicht ohn alles vnser vorwissen / handelt / wie mit den vnuernünfftigen vnd stummen thieren.

Gott handelt mit vns wie mit vernünfftigen creaturen.

Item / weyl wir leypliche Creaturē seind / vnd nicht on leib / wie die Engel / geschaffen / vnd vns oren vnd augen gegeben seind von Gott / das wir dardurch lernen / hören / studieren / böß vnd güts zuerkennen / vnd von einander scheyden / auff das wir dem güten nachtrachten / vnd das böse fliehen / vnd meyden können / so ist es ye sehr gelegen / nutz oder bequām / das der liebe getreüwe Gott / mit vns durch eine solche lehre handele / die in vnser hertz / beyde durch ohren / das ist / die predige / vnd durch augen / das ist / die Sacrament eingehet / vnd würcket / vnd nichts desto weniger vnser steinern hertz durch den heyligē Geyst erweyhet / zubereyt / vnd also geschickt macht / das es solcher lehre / vnd samen fähig würt.

Warumb Gott dem menschen augen vnd oren erschaffen.

g ij Zum

W. dertegung der eintede

v. Argum.
E. d. w. d. c.
Das gepre-
d. die wort
köpft mit bis
zum heitge/
E. go.

Merck
Das wider
spil ist war.

Zum fünfften spricht er/dz mittel des gepredigte Wort
oder Lehre/reiche od kome nicht bis zum hertzen/sonder
bleib nur in den sinnen/welchs er doch nit beweyßt/Aber
das widerspil ist war/Dann wie wirs durch tägliche erfa-
rung sehen vnd hören/das / wann man einem geytzhals/
einem büler/oder dergleichen etwas sagt/das er nit gern
oder vngern höret / sein hertz sehr traurig oder frölich
würt. Also helt sich auch mit einem rechten Christen/
wann man im etwas sagt von Gottes zorn / wider seine
sünde oder barmhertzigkeyt des himmelischen Vatters/
würt sein hertz traurig vnd zaghafftig/oder freüdig vnd
lustig/wie Esaias spricht. Der Herr sehe an / den / eines
zerbrochenen Geysts ist/vnd sich fürchtet vor seinem wort.
Item/ Jeremias schreybt/der König vnd die Fürsten
seyen nit erschrocken/da man inen sein Büch hat fürgele-
sen/Dargegen aber erschrack der König Josias sehr/da
er höret lesen/das Gesetz büch / vnd die greüwliche eröu-
wungen Gottes/Darauff abermal abzunehmen/das es
freylich ein weg sey / das die gepredigte lehre/durch die oh-
ren ins hertze hinein gehet.

NOTA
Wann Gott
dz hertz ver-
stocket oder
öffnet/so ver-
stocket oder
öffnet er zu-
vor angē vñ
oren

Darumb spricht die Schrift offte/die Gottlosen stopf-
fen ire ohren zu. Item / Gott mache inen die ohren dicke/
vñ blende inen die augen/auff das sie nichts hören/sehen/
noch verstehen mögen/was zu irer Seelē seligkeyt dienst-
lich vnd nutz ist. Item. Jere. v. Sie haben ohren vñ hören
nit/augen haben sie vnd sehen nit / Dargegen aber wenn
Gott das hertz auffschüt/wie der Lidæ in den Geschich-
ten / der höret / sihet / vnd lernet mit fleiß Gottes wil-
len. Derhalben zeygt auch Christus an/ das der same des
gehör

gehörten worts Gottes/in der menschen hertzen fallet.

Summa / der heylose Schwärmer ist allhie in seiner grossen kunst doll vnd thorecht worden / nit allein in der Theologia/sonder Philosophia / jha auch in täglicher erfahrung. Dann es ist freylich ein weg oder strass / von den augen vnd ohren/biß zum hertzen/dardurch die außwendige objecta (das ist/gehörte oder gesehene ding) durch die augen vnd ohren gefasset/ bis ins hertz hinein reichen vnd kömen/ vnd ist gewiß vnd vnleügbar/das/wann die außwendigē objecta/erkantnuß vñ meynung/ nit durch die ohren vnd augen/biß zum hertzen reychen/es vergeblich/vnd vmb sonst were/dz man einen menschen mit jergendt etwas trösten oder erschrecken köndte oder wolte/welches auch an den vnuernünfftigen thieren zusehen/das es nicht war ist. Dann die selbige fassen auch ire objecta/so sie verstehen/durch die augen ins hertz/als wann ein Schaaß sein liebes Lämblin sihet/erkennet es bald/vñ würt fro im hertzen/Widerumb wann es eines Wolffs gewar würt/erkennets in auch bald als seinen feynd / vñ erschrickt von hertzen vor jm/zittert vnd bebet/vnd weyß nicht wa hinaus.

Synerley
strass von
den augen
vnd oren bis
zum hertzen

Zum sechste vnderstehet sich Schwenckfeld/den spruch Pauli.j. Cor. iij. Wir sein Gottes gehilffen od mitarbeyter/rc. züuerkennen/ vnd von dem rechtē verstandt auff seine irrige vnd verfürische meynung zubringen. Er sagt dz wort Synergoi mit gehilffe solle bedeütten / einen/der mit zugleich an einem werck arbeytet / ob er gleich ein ander theyl oder stück der arbeyt thut / vñ mit nichten heysen/ od souil sein/dz Gott durch die Apostel vñ ire predige/als

vj. Argum.
Schwenck.
Verkerung
des spruchs
j. Co. iij Wir
sein Gottes
gehilffen.

g iij ein

Widerlegung der einrede

ein mittel oder instrument/gearbeytet habe/sondern dz soll die rechte meynung sein/vñ verstande des spruchs/dz Gott mit den Aposteln/vñ die Apostel mit Gott arbeitē/ an der bekerung vnd Seeligmachung der armen sündler.

Siehe Schwencfelds grosse Kist / damit er Gottes ehr verthädiget/ eben damit vernunehret er Gott

Allhie soll man erstlich fleissig mercken/das/wa 8 Teüfel mit seinem versürē sich also stellet / als wolt er Gottes ehr verthädigen vnd mehren / eben damit verunehret er Gott/Dann Schwencfeldt sagt/es sey nit nachzugebē/das Gott durch mittel handele/auff das sein ehre nit verkürzet noch geschmälert werde. Nun gibt man jha den Aposteln vnd irer predige vil weniger oder geringer ehr/wann man sagt/das Gott durch sie / als seine diener vnd werckzeüge/bawet vnd arbeytet/dann wann man sagt/dz sie auch für sich arbeyter seind / vñnd jhr theyl arbeyt für sich außrichtē/Gott sein theyl auch für sich/vñ Gott also mit den Predigern/gleich als gesellē in einer arbeyt sitze/vnd sie mit im vergleiche.

Gottes ware ehre.

Freylich ist vil mehr/wann Schwencfeldt sagt/Gott vnd die Apostel arbeyten an einem acker/Gott an einem theyl / ende oder werck / die Aposteln an anderm/vñnd thū also eines dem andern mithilffe / dann wann man spricht/die arme Aposteln sein vntüchtig verworffen eyssen gewesen/Gott aber hat sie zū außserwölten werckzeügen gemacht/vñ würcket durch sie/als schäffel/haacken/bicken/karsten / zc. nach seinem vätterlichen Göttlichen wolgefallen. Man nimpt Gott vil mehr die ehr/wann man saget/Christus machet den Blinden sehend / mit einem stuck kach/vnd verstünde es also/als hette das kach ein stuck des heyls gewürcket od außgericht/vñ Christus auch

Siehe wie fein des teüfels schwerer als Schwencfeldt Gottes ehr verthädigē.

auch ein theyl/vñ dz also dz nach Christo gleich geholffen
hette/den blinden sehend zumachen/ dan wñ man sager
Christus hat allein dē blindē sehēd gemacht/ vñ dz durch
ein armes/nichtiges vñ verächtliches mittel/eines stuck
Kaths. Also siber man/wie feyn d' Teüfel vñ seine Schwer-
mer/als Schwenckfeld/ Gottes ehr verthädigen vñ for-
dern können.

Darnach ist's auch offentlich am tage/ das Paulus
eben allda anzeyget/ das er vñnd seine predige ein mittel
vñnd werckzeüg seind/ dadurch Gott krefftig ist vñnd wür-
cket/dan er sagt/wer ist nün Paulus: wer ist Apollo: die-
ner seind sie/ durch welche jr seind gleübig worden / vñnd
DAS SELBIGE VVIE der Herz einem jeglichen
GEGEBEN hat. Ich habe gepflanzt/Apollo hat be-
gossen/Aber Gott hat das gedeyen gegeben/ So ist nün
wed der da pfläzet noch begeüßet/ etwas/ sondern Gott
der das gedeyen gibt/ der aber pflanzt vñnd begeüßt/ ist
einer wie der ander.

Ein diener
ist seines
Herzen
werckzeüg.

Da hören wir klar/ das Paulus/Apollo/vñnd andere
Prediger diener seind des Herzen/ der einem so vil gnade
gibt/ diß oder ihenes zuwürckē/oder arbeyten/einem an-
dern souil.zc. Was richtet nün der Herz durch sie auß: Dz
die leüte gleübig werden. Also sagt er auch bald hernach
cap. iij. Dafür halte vns jederman/nemlich für Christus
diener/Nün ist's ye Kunde/dz die diener eines Herzen seine
werckzeüg seind/wie Aristo. primo polyticorum disputiert, dz
sie lebendige werckzeüge seind irer Herzē/ Also sagen auch
die Juristen. Quod quis per alium facit, per sese facere vi-
detur, was einer durch einen andern außricht/ ist souil/
als

Widerlegung der einrede

Explicatio
sententiae
Iuris.
Quod
quis per al-
lium facit
per se se face-
re uidetur.

Ackerleute
vnd wein-
gärtner
seind Got-
tes werck-
zeuge.

als thet ers selbs. Iha man redt auch also in gemeyner
spraach bey allē Völcern/der Keyser hat dises vñ shenes
gebotten/aufgericht/erobert/zc. durch wen: durch disen
oder shenen seinē Hauptman/oder diener/Vnd ist zu ster-
ckung voriges arguments / fleissig in acht zu haben / das
vil mehr des Keyfers ehre geschmälere würt / wann man
sagt / der Keyser hat sampt dem Könige den Türcken
geschlagen / Dann wann man sagte / der Keyser hat al-
lein den Türckē geschlagen / durch den oder shenen seinen
Hauptman.

Weytter so ist da die gleichnuß/so die ganze sache klar
macht. Es spricht Paulus/ Er habe gepflanzt/ Appol-
lo habe begossen/Gott aber habe dz gedeyē gegebē. Nun
ist Iha kein zweyfel daran/Gott lasse das liebe Korn vnd
Wein wachsen/durch die ordētliche mittel des pflanzēs/
sāyens/ackerens/zc. vnd dz die Ackerleute vnd Weingärt-
ner Gottes werckzeuge seind / dardurch er den menschen
Korn vnd wein gibt / vnd on sie will er ordentlich kein
Korn oder wein wachsen lassen / so ers doch vberaus sehr
wol thun köndte/vnd on alle mittel solchs / vnd was er
sonst wolte/wiste aufzurichten.

Letstlich sagt auch Paulus daselbst/ er habe nach der
gnade/ so im Gott verleyhē hat/ als ein weyser bauwmei-
ster den grūd Christū gelegt. wa hat er in dan hin gelegt?
Freyllich in der Corinther hertze/ wie er zūvor gesagt / Er
sey ein diener / dardurch die Corinther gleübig worden
seind. Item/hernach rhümet er sich einen Vatter der Co-
rinther / dann er habe sie durch die predig des heyligen
Euangelij gezeüget.

Iha

Schwenckfelds.

xxix

Ich möchte hie Schwenckfeld sagen / was thut dann
Gott darzu: Weyl Paulus Christum ins hertz den Co-
rinthern legt / vnd sie zeüget / vnd jr Vatter ist: Antwort/
Pauli vnd anderer lehrer ampt ist / Lehren / Predigen /
Säyen / Bawen vñ pflanzē / Gottes werck ist aber / durch
solch pflanzen säyen vnd bawen / gedeyen geben / vnd vil
fruchte schaffen oder würcken. Dann wann einer Wein-
raben oder Beüme pflanzet / vnd Gott nicht seinen se-
gen darzu gibt / so ist alle mühe / arbeyt / vnd vnkost verlo-
ren / derhalben sagt Paulus / Die da pflanzen vnd be-
giessen seind beyde nichts / aber Gott / so das gedeyen
gibt / ist alles.

Was des
S Pauli vñ
anderer leh-
rer ampt
sey.

Wz Gottes
werck sey
dabey.

Diß sey gnüg vom spruch Pauli. j. Cor. iij. Dann was
er vom wörtlin DVRECH allda tadlet / dz solches wörtlin
offt ebē souil bedeüte als MIT / ist für vns / vñ stracks wid-
jn. Dann das wörtlin MIT zeyget sehr oft an ein werck /
zeüß / als / er hat in geschlagen mit der Faust / Schwert /
Hammer. Item / er hat holz gehawen mit der Axt / Chri-
stus schreyb auff die erden mit dem finger.

Das wört-
lin MIT
zeyget offte
an ein
werckzeüß.

Zum sybenden / vnderstehet sich auch diser Schwer-
mer den spruch Rom. v. Der glaub ist auß dem gehör / dz
gehör aber durchs wort Gottes / von dem rechten vnd ein-
faltigen verstādt schändtlich züuerkeren. Er strafft Lu-
therum / das er das wort gehör verteütschet hat / Predi-
ge / Nun ist ye war / das dz wort Schemua, Akoy, Auditus,
Gehör / offte beyde im Alten vñ neüwen Testamēt / nichts
anders bedeütet / dann ein rede / predige / oder geschrey.
Psalm. cxij. stehet geschryben / Wer sich auff Gott ver-
lasset / würt sich nit fürchten für einem bösen gehör / das
h ist /

Schwenck-
feld straffe
Lutherum
das er das
wort gehör
verteütschet
hat / Predig-

Widerlegung der einrede

Wz dz wört
lin gehöꝛ ey
gentlich
heysse

Von was ge
höꝛ der Apo
stel rede.
Rom. x.

Anlegung
des spruchs
Rom. x. Der
glaub köm
aus dem ge
höꝛ

ist / für einem bösen geschrey od rede / Also gebraucht auch
das wort Jerem. Cap. liij. Item / Abac. iij. Item / Matth.
iiij. viij. Mar. j. stehet / Das das gehöꝛ Christi im ganzen
lāde außgebreytet sey. An welchem ort gehöꝛ freylich nit
bedeuten kan / das / was Christus höret od (wie Schwēck
feld solche rede zermartert) das man Christum im hertzen
reden höret / sondern die rede / sage / geschrey oder predige
vō Christo. Also würt das wörtlin gehöꝛ auch gebraucht
Matth. xvij. vnd Mar. viij. Esa. gebrauchs auch als
so in dem spruch am liij. wie in dann auff dise meynung al
le lehrer alte vnd newe Schribenten vast verstehen / an
ziehen / vnd außlegen / welcher angezogen würt Johan.
xij. vnd Rom. x. damit an beyden örtern zubeweysen / dz
vorlängst geweyssagt worden sey / das die leüte den Pre
digern des heyligen Euangelij mit glauben werden.

Aber ich setze das das wörtlin Akoy, Auditus / in dem
spruch Rom. x. müsse gehöꝛ verteütschet / außgelegt vnd
verstanden werden / so ist doch auß dem text klar / das der
heylige Apostel da vom außwendigen gehöꝛ redet / Das
auß dem selbstigen gehöꝛ der glaube komme. Dann erst
lich setzet Paulus eine lange reihe nach einander / der
ursachen vnd würckungen zū Christlicher Gottseelig
keyt / vnd zeygt klar an / das die Seeligkeyt kommet
oder erlanget würt durch anrüffung / die anrüffung
kompt auß dem Glauben / der Glaub kompt auß dem ge
höꝛ / das gehöꝛ kompt auß der predige / der prediger oder
Euangelisten (da muß ihā ein außwendigs hören sein /
wie ein außwendigs predigen ist) die Predige aber vnd
Prediger kommen auß sonderlicher Gottes gnade vnd
sendung

sendung. Dann wann der nie darzü thüt / vñ seine diener
in die erden aufstreybet / so ist grosse theürung Gottes
worts vnder den menschen / wie Amos viij. stehet / wann
aber der Herr seinen segē gibt / als zū David vnd Salo-
mon / Christi vnd der Apostel. Itē / zū vnserer zeyt / so hat
man grosse anzahl der Euangelisten oder Prediger.

Nach diser erzölung sagt Paulus weiter / Jhawas
hilffts das die Prediger geschickt worden seind / haben
doch die Juden nit wollen glauben. Antwort. Es ist nit
wunder / Esaias hat lang zūvor solches geweissagt / da er
spricht / wer würt vnserm gehör oder predigen glauben?
als wolt er sagen / schier niemands.

Nach solcher seiner ordnung vnd zal / causarum & effe-
ctuum spricht er aber weyter / so kompt nün der Glaube
auß dem gehör / das gehör aber durch das wort Gottes /
Ich sage aber / habē sie es nit gehört / zwar / jhr SCHALL
ist in alle landt außgangen / vñ jr Wort in alle welt. Auß
disem ort ist abermal sehr håll vnd Klar zusehen / von wel-
chem gehör der heylige Paulus redt / nemlich von dem /
das geschicht durch die stim vnd schall des Predigers / dz
ist / von dem außwendigen hören vnd predigen / das auch
die vngleübigen hören.

Also sagt er auch zūvor in dem selbigen Capitel von
dem Seligmachenden wort / das wort ist in deinem her-
zen vnd mündt / das ist / das wort von dem glauben / das
wir predigen / wann du bekennest den Herren Jesum / vñ
glaubest das er auferstanden sey / so würestu Seelig / All-
hie würt zūm dritten mal angezeyget / das das gepredig-
te wort oder lehre von Christo / ein ursach sey des glau-
bens vnd der Seeligkeyt.

h ij Zum

Psal. xij.
Ihr Schall
ist außganga-
gen in alle
welt.

Christum be-
kent man
zür seligkeit
welchs ge-
schicht
durch das
mündliche
wort.

Widerlegung der einrede

Locus Pau Zum achten zeücht er an den spruch Pauli. j. Tes. ij. wel
li. 1. Thes. 2. cher also vō wort zū wort im Griechischē text lauter. Der
halbē danckē wir auch on vnd laß/ das jr/ da jr entpfienge
das VVORT des GEHORS Gottes von vns / nicht an/
namen/ als menschen wort / sondern (wie es in der war/
heyt ist) als Gotteswort / welchs auch würcket in eüch / die
jr gleübig seind zc. vnd sagt / das die zwey wort / des GE/
HORS GOTTES zusammen gehören / welches er also bald
nicht beweysen würt. Dann es können die wort auch wol
also zusammen gefüget werden / GOTTES VVORT
DES GEHORS / das ist / das da gepredigt vnnnd ge/
hört würt.

wie schwēck
feld den
spruch Pau
li j. Thes. ij.
ca. so schändt
lich verselz
schet.

Er spricht auch weyter / das allda durch die rede / das
wort des gehörs Gottes (wie er sie zusammen raspelt) das
innerliche wort bedeütet werde / welches das hertz vom
heyligen Geyst gehöret / gefasset vnnnd eingenommen ha/
be / vnd sey eben so vil als Christus selbst / vnd ein erneüwe
rung des hertzens / vñ vermeynt also / mit dem verkehrten
spruch auch den vorgehndē / Rom. v. desto leichter auff sei
ne jrige meinung zubringen oder zūführen.

Widerles
güßschwēck
feldts jr
thüb.

Es ist aber sehr leicht zubeweysen / das allda nichts an
ders / dann eben das gepredigte wort Gottes zuuerstehē
sey. Dann erstlich spricht Paulus / Sie haben von IHM
solch wort entpfangen / nün kan ja Paulus von sich selbst
keinē menschen die neüwerung des hertzes / oder widerge
burt geben / daran auch beym Schwēckfeld gang vnnnd
gar kein zweyfel ist. Zum andern / so das wort allda Chri/
stum im hertzen redend bedeütete / was grosses were es /
darumb man Gott höchlich dancken solt / glauben / das
die

die inwendige Geystliche redē keines menschē wort/ thūn
oder reden seind: Das kan jha ein jeglicher vernennen/
derhalben ist nichts sonderlichs. Aber dz ist der klügē ver
nunfft vnd Schwermern/als Stenckfeld/ sehr schwär zu
glauben/ das das wort Pauli/ Christi/ jha Gottes wort
selbst sey/ vnd wer Paulum/ Titum/ oder Timotheum hö
ret/ der höret auch Christum/ jha Gott selbst.

Solcher warer verstandt kan auch auß der Hystorien
wie Paulus die Thessalonicher gelehrt hat / sehr seyn er
weyset werden. Act. vii. welches capitel allhie Schwenck
feld auch (wiewol fälschlich) zur beschönung oder schmu
cküg seines irthumbs selbst anzeühet/ An welchem ort nūn
erstlich geschryben würt / was für ein wort / oder Ser
mon Paulus den Thessalonichern geprediget habe / mit
diesen wörtern/ Da sie aber durch Amphipolim vnd Appo
loniam reiseten/ kamē sie gehn Thessalonichē/ da war ein
Juden schule/ Nach dem nūn Paulus gewöt war/ gieng
er zu jnen vnd redet mit jnen drey Sabbaten auß der
SCHRIFT/ thet sie jnen auff/ vñ leget jnen für/ das Chri
stus müste Leyden vnd Auferstehen von den todten / vñ
das diser Jesus/ den ich (sprach er) eüch verkündige/ ist
der Christus oder Messias/ vnd bald darnach / Die edel
stē vnder denen zu Thessalonica namen das wort ganz
willig an/ vñ forschten täglich in der Schrift/ ob sichs al
so hielte.

Auß dem teyt ist jha offenbar/ was für ein wort Pau
lus den Thessalonichern gepredigt/ vnd jnen gegeben / sie
auch dasselbige von jm entpfangen / vnd nit für menschē
wort/ sondn für Gottes wort erkant haben/ welchs wort

h iij auch

Paulus dia
sputiert zu
Thessaloni
ca mit den
Juden auß
der schrifft.

Wz für ein
wort Pau
lus dē Thes
salonichern
geprediget
habe.

Widerlegung der einrede

auch (wie Paulus schreibet) in den gläubigen Thessaloniern krefftig gewesen/ als nemlich vil gewaltige/ herrliche vnd schöne Sprüche/ auß der heyligen Schrift/ von der zukunfft Christi/ seiner person/ ampt/ Leyden/ Sterben/ Aufferstehen/ Auffart/ zc. Welche Paulus auch weyter meisterlich außgelegt/ vnd wol erkläret hat.

Schwencckfeld leugt in sein maul hinein.

Derhalbē leugt es Schwencckfeld in sein maul hinein/ das man auß disem text/ Act. xvij. solte können vernemen/ sehen vnd schliessen/ den vnderseyde zwischen dem wort Gottes vnd heyliger Schrift/ Dann wie allda gemeldet würt/ Paulus hat die heylige Schrift den Thessalonichern erkläret vnd geprediget.

Wer warhafftige prediger höret/ der höret Christum.

Es ist auch wider disen verstande gänzlich nicht/ erstimme den text/ wie er nur immer will. Dann so die zwey wörlein **VVORT GOTTES** zusammen gehören/ so ist es nicht wider vns/ so er aber dise zwey mit gewalt bey den haaren zusammen ziehen will/ wort des **GEHORS GOTTES**/ So ist nun abermals hier auß schließlich vnd vnleügbar/ das/ wie Christus sagt/ wer seine Prediger höret/ der höret in selbst/ Dann Christus ist mit dem Vatter vnd heyligen Geyst/ eben der/ so durch warer Prediger munde prediget/ Darumb wer die warhafftige Prediger höret/ der höret Christum/ vnd seinen Vatter/ wer die warhafftige Prediger aber verachtet/ der verachtet Christum/ vñ seinen Vatter/ vñ ist also das wort der rechtschaffnen Prediger ein wort des gehörs Gottes.

Das ist aber vber auß sehr lächerlich/ das er heyst alle dise klare sprüche richten vnd verstehen/ nach dem Jo. v. Die

Die todten werden hören die stimme des Sins Gottes/
da sich doch Christus selbst erkläret/vnd sehr klärlich zu
verstehen gibt/das er rede von den todten die in den gre-
bern seind/vund von der Auferstehung der todten/die
in grebern seind. Aber von diesem spruch auff ein ander
zeyt mehr.

Zum letzten citiert er auch den spruch Pauli. Gala. iij.
Habt ihr den heyligen Geyst entpfangen/durch die wer-
cke des Gesetzes/oder auß dem gehör oder predige des
glaubens? Allda laßt der Schwärmer in keinen wege
im recht sein/das es das außwendige hören vnd predigē/
vom Glauben an Christum bedeüte/sondern sagt/Das
gehör des glaubens sey ein einfluß eines tröpfflins (das
seind seine cygne wort) auß dem brunnen des lebens/eine
offenbarung vnd annemung des lebendigē worts Got-
tes in der Seelē/Welche wort in der warheyt nichts an-
ders können bedeüten/dann das das gehör des glaubens
eine entpfahung sey/des heyligen Geysts/vund der Got-
theit im hertzen. Vnd muß also der hocheleuchte vñ hoch-
fliehende Geyst Schwenckfeldts den heyligen Paulum/
noch in die schülen führen/als solt er so gesagt vund geleh-
ret haben/Ihr habt den heyligen Geyst entpfangen/auß
der entpfahung des heyligen Geysts. Auff welche weise
nicht Paulus oder der heylige Geyst/sondern ein trunckē
boltz oder Schwärmer zureden pflegt.

Weiter muß man ansehen fleissig den text/vnd drauff
gedenckē/wanon Paulus handelt/Es war ein streit zwi-
schen im vund den falschen Aposteln/die falschen Apostel
lehretē/Sey gehorsam dē Gesetz/so wirstu Seelig/Pau-
lus aber sprach/Hör du nur das Euangelium von Chri-

Wtschände-
lich Stenck-
feld den
spruch Pau-
li Ga. iij. ver-
tere.

Wanon der
Apostel hād.
le Gal. iij.
cap.

Widerlegung der einrede

sto/wie er für dich Gelitten / Gestorben/ Begraben/vnd
Aufferstanden ist/vnnd glaube es/so würstu Seelig/das
also der streitt vnd handel war/von den zweyerleyen wer
cken/das Gesetz thun / vnd hören die lehre vom Glauben
an Christum. Nun will der heylige Paulus ein zeychen
oder gewisse proba fürstellen / vnnd den Galatern in die
hände geben/darbey sie selbst mercken/vnnd schier greif
fen sollen/welcher von den beyden theylen recht oder vn
recht habe / Sagt / liebe Galater/habt jr auch zūvor ehe
den heyligen Geyst entpfangen/da jr vil mit des Gesetzes
wercken umbgiengend/vnd ist's nit war/dz jr den heyligē
Geyst entpfangen/ da jr mit ernst das Euangelium von
Christo höreten: Habt jr nun den heyligē Geyst entpfan
gen/da jr von hertzen gern höretē die lehre vom glauben
an Christum/vn da jr eüch auff die selbigē lehre Tauffen
liessen/wie ande Christē von den Aposteln bekeret/so kōn
nen jr jha gewyß dabey abnehmen/spüren vnd mercken/
das die selbigē lehre sey der ware / vnnd von Gott selbst/
durch die sendung des Heyligen Geysts/bewarter weg
zür Seligkeit.

Gehör des
glaubens
heißet
Schwēck-
feldt die in-
nerliche
würckung
des H.
Geysts.
Zu dēspruch
Pauli seind
it-vnder-
schidene fer
le.

Letstlich / auff das man jha klar sehe / das das gehör
des glaubens ein ander ding sey / dann das Christus den
heyligen Geyst in 8 Christen hertzē reicher/gibt/schenckt/
vnnd da würcket/ so höre Paulum selbst am selbigen ort/
vn dz nach Schwēckfelds eygner dolmetschung/ Der eüch
nun den heyligen Geyst reicht/vnd thut solche thaten in
eüch/thut er solchs durch des Gesetzes werck: od durch dz
gehör des glaubens? im Griechischen text ist auß dem ge
hör des glaubens. Wie hastu / Christlicher Leser drey vn
der

verschiedene Kerle (so zureden) Der erste ist CHRISTVS 8
meister/8 darreicht/gibt vñ würcket/1c. Der and ist 8 H.
GEIST/welchen Christus reicher / vnd gibt in die hertzen
der Christen/vñ dz thün Energein würcken die thaten im
hertzen/ Der letzte Kerle ist dz mittel oder vrsach wa durch
der meister solches thū / nemlich das GEHOR des Glau-
bens. Darumb muß das gehör des glaubens aller ding
ein ander ding sein dan Christus/ der heylige Geyst oder
sein würckung in der Christen hertzen / vnd ist derhalben
die außwendige predige/vñ das außwendig (ware/ernst-
liche/vnd nicht heüchlerische) hören des heyligē Euange-
lij nit vntreffig/1c.

i. Cristus.
ii. h. Geist.
iii. gehör des
glaubens.

Beweysung/ das Gott in bekerung der sündler/
durch mittel handle.

Bisher hab ich gesagt von ettlichen einreden/Argu-
menten/oder Sophistereyen/vnd fälschlich angezo-
genen sprüchen Schwencckfeldts / damit er hat be-
weysen wollen / das Gott durch kein mittel mit den ar-
mē sündern handele/nün will ich auch mit Gottes hilff/
noch ettliche mehr beweynung anzeygen/vñ darthün/
das Gott nit allein in natürlichen sachen vñ miraceln/
sondern auch in Religions sachen / oder die Seeligkeyt
betreffend/durch mittel handle. Dann züm ersten (wie
oben berürt) so Gott auch in seinen vngewonlichen wür-
ckungen/als in miraceln / mittel gebraucht/so volget dz
er solchs vil mehr thüt / in gewonlichen vnd ordenlichen/
i als die

Dz Gott
auch in Reli-
gions sache
durch mit-
tel handle be-
weysung.
i. Argu-
ment Gott
gebraucht
mittel auch
in vngewö-
lichen wür-
ckungen/
Ergo vil
mehr in ge-
wonlichen
vnd ordenli-
chen.

Widerlegung der einrede

ii. Argum.
Durch den
Glauben
empfangen
wir von
Gott verzei-
hung der
sünden/2c.
Der glaub
ist ein mit-
tel/ Ergo.

als die Seeligmachung der sündler belangende.
Zum andern sagt Schwentckfeld auch offte selbst/ das
wir durch den glauben diß vnd ihenes von Gott entpfa-
hen/ als vergebung der sünden/ gerechtigkeit/ leben/ 2c.
Ergo so bekennet er selbst vnd lügenstraffe seineygen
maul/ das Gott mit vns durch mittel handele/ dann der
glaube an Christum ist ye nicht Gott/ so ist er auch nicht
ein mensch: Sondern er ist ein ding/ dardurch Gott mit
den mensche handelt/ dz heyst mā nūn gemeyniglich ein
mittel/ es heysse es Schwēckfeld ein topff od krüg/ od wie
es in nur gelüftet/ ist er ja dem wort mittel vñ werckzeüg
so gar bitter seynd/ also hawet er sich selbst auch in die ba-
ckē/ da er spricht an einem andn ort/ Gott habe durch der
Apostel dienst 3000. menschen am Pfingstag bekeret.

iii. Argum.
Paulus ist
Christi auß-
serwölter
werck-
zeüge/ Ergo
et aliq.

Zum dritten sagt auch Christus selbst/ Act. ix. Paulus
soll auch sein außserwölter werckzeüg sein/ darauß leicht
ist zumercken/ das freylich auch die andere Apostel/ jha al-
le rechte Prediger/ Gottes werckzeüg seind/ wie hernach
klärer soll dargethon werden.

NOTA
Warzli Chri-
stus seine
werckzeüge
gebrauche?

Was will aber Christus mit seinen werckzeügen / als
Paulo/ vñ andern Aposteln vñnd Predigern thun oder
ausrichten? will er mit niemāde nichts durch sie handeln/
will er sie jergent in einen winckel verstecken oder verhe-
len/ dz sie jm verrostē? Nein zwar/ sonder sie sollē jm seine
schaffe weyden/ vñnd die verlorne schaffe suchen / vñnd zum
rechtē hirtten führen/ weysen vñnd leyten / Wie werden sie
aber solches ausrichten? Christus antwortet. Mar. xvij.
Sie sollen predigen das Euangelium vñnd Teuffen/ auff
das/ wer da Glaube vñnd Getauffte würt / Seelig werde.

Also

Also macht Gott die arme sündler durch Paulum vnd andere seine werckzüge oder diener gleübig / Leget durch sie den grund stein/nemlich sich in ihre hertzen/gibt durch jr bawen vnd pflanzen gedeyen. i. Cor. iij. Allhie ist ye klarer vnd haller dann die liebe Sonne am mittage / das Gott seine werckzeüge habe/nemlich die Apostel od Prediger / durch welcher predigen vnd lehren er die armen sündler bekeret/gleübig vnd Seelig macht.

Zum letzten finde man geschriben. Luc. j. Act. iij. Heb. j. Das Gott geredt habe durch den mundt der heyligen Propheten von Christo/von der welt anfang her. Item/ Christus sagt / Wer eüch höret/ der höret mich/wer mich höret/der höret den Vatter/dan ich rede nichts von mir. Item/Math. v. Ihr seinds nicht/die jr redet / sonder der Geyst des Vatters / der redet in eüch. Also spricht auch Paulus/ das Christus in jm zu den Corinthern redet/da er sagt/ Ihr süchet/das jr ein mal gewar werdet/ des/ der in mir redt/nemlich Christi. Act. xvviij. sagt Paulus / Der heylige Geyst habe geredt durch Esaiā. j. Cor. xv. spricht Paulus. Er habe vil gearbeytet im Euangelio/ vñ bald darnach verkeret er die selbige wort also / Jha nicht ich/ sondern die gnade Gottes/die mit mir ist. Item/ Rom. xv. ist/ Gott habe vil gethon durch Paulum mit predigen/vnd miraceln/die Heyden zubekeren.

Auß allen disen der Schrifft zeügnussen/ ist offenbar/ das Gott also durch den mund der rechten prediger oder lehrer redet/ das wer sie höret/der höret Gott/ vnd das sie seine mittel od werckzeüge seind / dardurch er mit den armen sündern handelt/sie bekeret/gleübig vnd Seelig machet.

i ij Ach

iiij. Argum.
Gott redet
durch seine
Prediger.
Ergo.

Widerlegung der einrede

Schwenck-
felds Teüfe-
lischschwer-
merey.
So Gott
ohn mittel
seelig macht
so bedarff
man weder
H. Schrift
Sacrament
noch predi-
ger, zc.

Ach was soll man von 8 Teüfelischen schwermerey vil sagen: wann das war were / das Gott gänglich die mittel der predige der H. schrift nit gebraucht die sündler damit zubekeren / gleübig vñnd Seelig zumachen / So bedörffte man gar nit / weder heylige Schrift noch Sacrament / noch der Prediger / Lehrer / Apostel oder Propheeten / Sondern die leüte wurden wol so Seelig in der Türckey / Tartarey / Heydenhumb / zc. Da man nichts weder predigt noch list / noch auch erwz weyßt von Gott / heyliger Schrift oder Sacrament / als in der Christenheyt / dan das Schwenckfeld schwermet vñ für gibt / dz bey dem eüsserlichen menschen die schrift oder Prediger ein wenig nutz schaffen / ist lauter nichts. Dann so der inwendige mensche / on alle eüsserliche mittel der heyligē schrift / vñ Prediger / dermassen vollkōmlich bekereet wurde / das im Gott eine ganze heylige Schrift ins herze schrybe / so wurde im der außwendige auch wol folgen.

Schwenck-
felds schwer-
merey hebet
auff die gan-
ge Religio.

Auß welchem abermals klar vñnd offenbar ist / das Schwenckfeldts schwermerey / wa nicht mit worten / doch mit der that / die ganze heylige Schrift / alle Prediger vñd Lehrer / alle Sacramenten / sha die ganze Religion als vntüchtig auß der Kirchen reümet / verwirfft / vñd eine Türckische Heydnische Barbarey anrichtet vñ stiftet.

Diß sey gnüg zubeweyßen / das Gott durch mittel oder werckzeüge / mit den armen sündern hädele / sie zubekeren vñd seelig zumachen / wiewol solches alles schon auch zū vor geschehen / da ich beweyset habe / das Gott durch sein Wort / vñ Sacrament die arme sündler bekere / gleübig

big vnd Seelig mache/vñ hette wol sollē diese proposition,
das Gott durch mittel handele/tanquam generaliore vor
ihener fürgehen lassen/das er durch das wort vñ Sacra-
ment handele/wa mich die vnordnung des Schwermers
dahin nicht gedrungen hette.

S D aber hie einer haben wolte / ein exempel der beke-
rung/eins armen sünders / wie Gott solches beyde
innerlich durch erweychen des hertzens / vñ auß-
wendig durch das wort würcke/so möcht er die bekerung
Pauli/ Act. ix. betrachten/vñ ein wenig besehen/Allda
würt er gewißlich finden/das Paulus nach dem wunder-
werck ist erschrocken/wolte wol gern hören / von dem wa-
ren Gott vñ rechten Gottes dienst/ er weyß aber noch
nit/wer der Gott sey/ der in erschrockt / vil weniger weyß
er/wie er jm dienen soll. Derhalben fragt er/wer der Gott
sey / vñ da ihm durch eine leypliche stimme geantwortet
würt/er sey Christus/fragt er weytter / was er thun oder
wie er jm dienen soll.

Allda ist erstlich durch sonderliche würckung Gottes/
nur so vil außgericht/das Paulus der warheyt begirig/
vñ sein hertz eröffnet/vñ erweychet ist worden / die wa-
re Religion zu hören/wie Act. xvj. sehr fein stehet / Das
der Herr dz hertz Lidæ eröffnet habe/auff die rede Pauli
fleißig achtung zu haben/ Es hat aber Paulus vmb d in-
nerlichen erweychung des hertzens willen / noch niergent
einen rechtschaffenen glauben/weyß nicht was Christus
sey/vil weniger wie man jm recht oder vnrecht diene/ Der
halben muß von not wegen züm güte acker/der güte sa-

Exempel/d
bekerung
eins armen
sünders bey
der bekerung
des S. Pau-
li Act. ix. ca.

Durch die
leypliche
stim vñ him-
mel vñ
durch die
Predig A-
name vñ
die mit
würckung
des S.
Geysts ist
Paulus be-
kerr worden.

i iij me/

Widerlegung der einrede

me / die außwendige predige oder lehre kommen / welche
im erst Christus mit einer leylichen stim / darnach Ana-
nias durch mitwürckung des heyligen Geysts / ins hertz
einsäyet vnd einbildet.

Exempel
des Kercker
hüters /
Act. xvj.

Also ist auch des Kercker hüters hertz. Act. xvj. durch
sonderliche Gottes schickung / vnd erweichung zuberey-
tet / zuhören die warheyt / aber er hat auß der innerlichen
erweychung des hertzens / noch niergend mit den rechten
glauben bekommen / weys nicht was er thun oder lassen
soll / wer der rechte oder falsche Gott sey / vnd wie man im
dienen soll / Darumb laufft er eylendes zu den Aposteln /
vnd schreyet / Ach lieben herren / was soll ich doch thun / dz
ich Seelig werde / da sie im aber predigen vnd lehren von
Christo / würt er recht gleübig.

Der Kame-
rer auß
Aethiopia
Act. viij.
Jes. Corne-
lius Act. x.
seind vor mit
gleübig
wordē ehe
sie durch die
mündliche
predige voll-
kōmlich be-
richt wordē.

Also helt sichs auch mit dem Kammerer / der Königin
auß Aethiopia. Act. viij. Vnd dem Cornelio. Act. x. Wel-
cher aller beyder hertzen durch Gottes sonderliche wür-
ckung eröffnet vnd erweyhet waren / aber sie waren da-
rumb noch mit recht gleübig / ehe sie durch die außwendig-
ge predige / vollkōmlich bericht worden. Also müste der
güte same / des worts Gottes in den güten acker des er-
weychten hertzens kommen / solte anderst allda eine güte
fruchte / des waren glaubens vnd Gottseeligkeyt wach-
sen / vnd sich erzeygen.

Der geheil-
te blinde
Jo. ix.

Eben auff dise weise halt sichs auch mit dem geheilten
blinden / Johan. ix. Die meynung hats auch / da Chris-
tus spricht / Johan. iij. Da er den Aposteln das Sama-
ritisch volck zeygte / welches zu ihm auß der Statt gieng
Gottes wort zuhören / Siche ich sage eüch hebet ewere au-
gen

Schwenckfelds.

xxxvi

gen auff/vnnd sehet in das feldt/dann es ist schon weysß zur erndte. Item/Matth. ix. Da er das volck sahe/sa mert in desselbigen/dann sie waren verschmachtet vnzer ströuwer/wie die schaffe/die keinen hirten haben/Vnd sprach zu seinen Jüngern/die erndte ist groß/aber der ar beytter seind sehr wenig/darumb bittet den Herren der erndte/das er arbeiter in seine erndte außsende.

Die Sas mariter die zu der erndte reiff waren. Das volck dessen sich Christus jamert.

Solcher eröffneten vnnd hungrigen hertzen/Gottes wort zu hören/seind jetzt sehr vil in allen landen/sonderlich da man die warheyt nicht predigen darff/aber darumb seind sie freylich noch nit rechtgleübig.

Dise exempel der bekerung habe ich jetzt wöllē anziehē damit zu erklären/das die zubereitung/eröffnung od erweichung des hertzens/durch den heyligen Geyst/noch niergend nicht der rechte glaube sey/sondern der güte same Göttlicher lehr od worts/muß in dē güte acker durch die pflanzung vnd begießung (nemlich durch die Prediger (eingepflanzt vnd eingesäyet werden/wan nün solcher güter Same in einen güten acker/eines erweichten hertzens kommet/vnd beginnet einzuwurzeln/so muß man ja wünschen/bitten/vnd on vnderlaß von hertzen begeren/Gott wolte seinen segen vnnd gedeyen geben/als dann gehets von statte/vn wechset auß d Saat der lehr/der rechte glaube vn die rechte Gottseeligkeyt/on des segen vn gedeyen ist alles säye/pflanzen/begießen/ackern vn bawen/lauter vmb sonst/vnd vergeblich. Darauß ist nün wol zu mercken/wie schändlich vns Schwenckfeldt anleügt/als solten wir lehren alles/nit bey Gott/sondri bey vnd in vnserer predige süchen/damit Gott seine ehre zuschmälern vnd zurauben.

Die eröffnüg vnderweichung des hertzes durch den G. Geyst ist noch nit der rechte glaub

Schwenckfeldt leügt die Euangelischen prediger schändlich an.

Bis?

Widerlegung der einrede

Beschluß.
Was bisher
erwisen vñ
gelehrt wor-
den.

Bisß daher ist mit Gottes hilff erweyset worden/ Erst-
lich/ das die heylige Schrift Gottes wort seye/ Zum an-
dern/ das auch Gott durch die predige seiner Lehre oder
wort/ vñ durch die Sacrament/ mit den armen sündern/
geängstigten/ betrübten vñ beschwärten gewissen hand-
le/ sie dardurch gleübig vñnd seelig mache. Zum dritten
seind auch alle Sophistereyē/ falsche argument vñ gründ
Schwenckfelds DER VVIDERSACHER wider-
legt/ vñnd zunicht gemacht. Nun will ich auch ein wenig
daruon sagen/ ob die heylig Schrift noch so wol Gottes
wort seye/ als erst/ da sie Gott geredt hat. Item/ Ob sie
eben also den armen sündern zur seligkeit tüchtig/ nutz
vñd güte seye/ wann sie jetzt rechte Prediger oder Lehrer
predigen/ als wañ sie die Propheten/ Christus/ vñd Apo-
stelen geprediget oder gehandelt haben.

Das die heylige Schrift/ wie im anfang/
da sie Gott geredt hat/ also auch jetzt/
Gottes wort seye.

Schwenck-
feldholheü-
per die h.
Schrift
schmäählich
ausß.

SAnn Schwenckfeld (wie oben gehört) vernichtiger
schändlich das wort Gottes / oder die h. Schrift/
vñd holheüppelt sie schmäählich auß (als ein rechter
Wärentrager) mit sehr vil beschwärlichen (will jetzt nit
sagen/ Gottslesterischen) Worten / sagende/ die Schrift
seye nur ein todter büchstab / ein athem / ein schall / ein
menschliche stime/ vñnd weyß nicht mit was Teüfelischer
Künheit/ vñd Hellschen Künsten/ er sie verspotten/ verhöñ
lächeln / vñd vernichtigen will. Item/ er macht ein wun-
derlichen

derlichē selgamē vnderſcheydt / zwischen den Propheten / Aposteln vnd nachfolgenden Predigern. Er spricht / die Apostel ſeind wol diener des worts Gottes gewesen / Die ihenige Prediger aber / so nicht dermassen / wie Paulus biß in den dritten himmel entzuckt / auch nit also gegenwertig von Gott die lehre entpfangen / wie die Propheten vñ Aposteln / sond haben nur in der heyligē Schrift studiert / ob sie gleich darnebn auch ire eygne erfahrung im hertzen haben / die sagt er / ſeind nur schrift diener / zc. sonderlich wann die Prediger auch nicht selbst rechte vñnd ware Christen ſeind / so meynet er jr predigen tauge vñnd würcke ganz vñd gar nichts.

Wider solche giftige / schändliche / jha Teüfelische irthumb / ist erstlich zu wissen / dz / weyl die heylige Schrift / oder die lehre von Gott in der Bibel geschryben / darumb Gottes wort heyst / dz sie Gott geredt / wie ich oben nach der länge bewysen / so muß ye notwendig folgen / das sie mit nichten vmb jergendt etlicher vmbstände / oder vmb alters vñd der jar willen kan auff hören / Gottes wort zu sein. Derhalben sagt auch der heylige Geyst / das Gottes wort in ewigkēyt bleybe / Psal. cxix. j. Pet. j. Vñd damit solchs Schwenckfeld nit allein auff dz selbständige wort Christum ziehe (wie ers dann schon jergundt thut) so sagt Christus von dem Gesetz klar. Matth. v. Das ehe himmel vñd erden vergehen werden / dann ein eynig tüpfflin vom Gesetz / das nit erfüllet werden solte. Item / Matth. xviii. Himmel vñd erden werden vergehen / meine wort aber werden nit vergehen / wie solten sie aber nit vergangen sein / wann sie das erste mal Gottes wort gewesen we

Schwenckfelds wundbarlicher vñderscheydt zwischē den Propheten / Aposteln vñ den folgenden Predigern.

Gottes wort hört nit auff zu ein omb d jar willen

ren/

Widerlegung der einrede

ren / da sie Gott der Vatter / sein Sün / vnnnd der heylige Geyst geredt hat / hernach aber nün nicht mehr / dann schrift / todter büchstab worden sein.

Sie wou so
Gottgeredt
hat beyde ge
setz vnd E
mangelum
sollen wärē
biß an
Jüngsten
tag.

Darnach so ist's ye war / vnnnd bey den Christen vn
leüigbar / das Gott also sein wort geredt hat / sonderlich
die zehen Gebott vnnnd das heylig Euangelium / das es
gelten vnd wahren solte / biß an den Jüngsten tag. Der
halbten hat auch Christus befolhen zupredigen / vnnnd die
Sacrament zureichen / biß an Jüngsten tag. Matth. v.
et vlt. j. Cor. vj. Eben darumb hat auch Gott seine zehen
Gebott (welche die Schrift / wie oben berürt / nennet die
zehen wort Gottes) mit seiner eygnē handt in steinerne
Tafeln geschribē / Exo. xxviii. xxvi. xxvii. xxviii. Deut.
iii. ix. v. vñ auch forderst auff alle pfoßen vnd thüren zu
schreyben / vnd im gedächtnuß fleißig zubehalten / ernst
lich befolhen.

Wz in der
Bibel ges
schriben / ist
vmb der
nachkom
nen willen
geschriben.

Derhalbten sagt auch der heylige Geyst / Johan. xv.
Das darumb die predige vnd geschichte Christi / von den
Euangelisten geschryben / vnnnd so fleißig auffgehoben
sein / als köstliche Perlin vnd Edelgestein / auff das die
leüte dardurch glauben vnd Seelig würden / Weytter be
zeüget der heylige Geyst / das alles was geschryben ist in
der Bibel / sey vnserthalben / vnd vmb aller nachkümli
ge willen geschryben / Rom. iii. xv. ij. Timoth. ii.

Ein lächer
liche frage
ist / ob die
lehre in der
Bibel gefas
set noch Got
tes wort seye
ic.

Summa / es ist eben so lächerlich / das man von diser
frage disputiert / ob die heylige Schrift oder die lehre in
der Bibel gefasset / noch Gottes wort sey / wie sie von an
fang gewesen / vnd ob sie noch die selbige krafft habe oder
nicht / gleich als wann man frage / ob das Euangelium

Pau

Pauli krefftiger vnnnd mehr Gottes wort gewesen were/
weñ es erst Christus zu Paulo in dem drittē himel geredt/
oder hernach / da ers geprediget / oder auff papyr an die
Römer oder Galater geschryben / oder aber wañs die Ga
later gelesen haben / oder letztlich / wann wirs jr nachtüm
linge lesen / hören oder handeln.

Iha es hat Gottes wort mehr krafft / das es durch die
Propheten vnd Apostel geprediget oder geschriben / vnd
von vns armen Christen gehört vnd gelesen würt / dann
da es erst von Gott zu den Propheten geredt / vnd von ih
nen gehört worden ist / vsach / dann solche leere oder wort
Gottes / ist ihnen nicht eygentlich jrenthalben / sondern
vnserthalben gegeben worden / wie der heylige Geyst be
zeuget. j. Pet. j. Was den heyligen Propheten offenbaret
ist wordē / das sey geschehen / das sie nicht fürnemlich jnen
selbst / sondern vns dieneren / mit solchen ihren gesichten /
vnnnd weyssagungen. Freylich hat die schöne prophecey
des Gottlosen Balaams von Christo / Num. xviii.
mehr krafft / wann wir sie täglich hören vnnnd lesen / dann
da sie erst Balaam von Gott gehört hat. Dann sie war
ihm gewislich seinethalben nicht offenbaret.

Gottes
wort hat
mehr krafft
zu vns dan
zu denen es
geredt ist.

Sie prophe
cey des Gott
losen Bala
ams vō Chri
sto.

Daseinerley vnnnd gleiche krafft oder wür
kung sey / der Tauffe vnd predige Chri
sti / der Aposteln vnd ande
rer geringen Pre
diger.

¶ ij Was

Widerlegung der einrede

Was weytter von den Predigern oder dienern Christi zusagen/weyl die heylige Schrift oder lehre in der Bibel gegründet ist/vnd bleybet Gottes wort/vnd hat jetzt eben die selbige Krafft/als vor zeytten/so ist zwar nit ein sonderlicher grosser vndscheydt/Es höre einer Jeremiam oder Paulum selbst/oder lese jergent eine predige oder schrift/so sie gemacht/aufgenommen das/wann man sie selbst hören möchte/man bißweylen mehr bewegt werdē möchte/auch etwas fragen köndte/dz wir in jrer lehre oder predige noch nit verstanden hetten/Darumb sagt auch Christus zu Thoma. Darumb das du gesehen hast/glaubstu/Seelig aber seind die/so nicht sehen/vnd gleich wol glauben werden/als wolt er sagen/eben also werden die jhenige Seelig werden/so vber 1000. jar durch meine lehre gleübig werden/als jr Apostel/welche durch meine predige bekert worden seind/vnd mich nach der aufferstehung mit eweren augen gesehen habt.

Chastus
spricht zu
Thoma see-
lich seind die
so nit sehen
vnd gleich
wol glaubē

Durch die
Tauff wer-
den wir wi-
der geborn/
nit getaufft
nün hat
Chastus
vnd Paulus
wenig. Er-
go die Tauff
hatt nit ge-
ringere
würckig ge-
habt durch
die geringe-
re als durch
Paulum.

Die heylige Schrift zeüget/das wir durch die Tauffe wider geboren werden/Ephe. v. Item/dz man dardurch vergebung der sünden bekomē/Act. ij. Luc. iij. Nün hat Christus nicht Getaufft/Paulus auch nit vil/sondern (weyl es ein leicht werck ist) hat ers jergent einem seiner diener besolhen/die doch Christum selbst nye nit gehört/oder gesehen hatten/ist nün darumb die Tauffe nicht also krefftig gewesen/als wann Christus selbst oder Paulus getaufft hetre. Jre/ist aber d Tauffe ebē also krefftig durch Paulum/Titum/Timotheum/Augustinum oder Lucherum geschehen/So ist auch eben so krefftig die Absolution vnd Predige Gottes worts/es predige Paulus/Christus

stus/Judas/Augustinus oder Luther / wann sie es nur in einem rechten/waren/ vnd gegründten verstandt lehren/predigen / außlegen / dann wann sie es in einem vnrechten verstandt handeln / so ist's nit mehr Gottes/ sonder jr wort.

Vñ ist in disem puncten der heylose Schwermer eben also doll/thorecht/vnd zum rechten stocknarren worden/ als die Corinthen waren/so sich rühmeten / sie weren von disem oder ihene grossen Apostel gelehrt / oder getaufft/ meynten vnd hieltens auch gewislich darfür / sie hetten darumb einen sonderlichen fürzug oder grosse priuilegium vor denen / so von geringen personen beheret oder getaufft waren / Liessen inen auch tröumen/ Petri oder Pauli predige vñnd Tauffe/ hette vil grösser krafft oder macht / dann Apollinis oder andern / so die lehre von Christo selbst nicht empfangen hatten.

Schwenckfeldt ist gleich den Corinthen die sich rühmeten dz sie vñ grossen letten getaufft weren.

Aber Paulus ist recht schellig vñnd zornig darüber/ Dann er spricht also/das er vñnd Apollo/vñnd alle diener Christi / sie haben einen namen / wie sie wöllen/ sie seyen pflanger oder begiesser/ Apostel od jr Jünger / allzumal seind vnum/ einer wie der ander / wann sie nur treüwlich die warheyt der lehre behielten vñ lehren/derhalben solten sie eygentlich nit darauff sehen / wer sie gelehret oder getaufft hette/sondern in welchs namen sie getaufft / vñ ob ire lehrer inen den rechten oder falschen Christum geprediget hetten.

Man soll nit sehē wer lehre vñnd tauffe / sonder woz man lehre / vñ in wes namen man tauffe.

Derhalben ist solcher Schwenckfeldischer irthumb lang von den Aposteln verworffen vñnd verdampft worden/wie auß der ersten zum Corinthern/vñnd sonst leichtlich abzunehmen ist.

E ij Das

Widerlegung der einrede

Es ist nit
vil daran
gelegen / ob
d' Prediger
on od durch
mittel berüf
fen sey / als
ley n das er
Gotts wort
predige.

Das auch nit sonderlich vil daran gelegen sey / wer da
Predige / Lehre oder Tauffe / ob er ohn alle mittel von
Gott selbst / oder durch menschen berüffen sey / ob er für
sich from sey oder nit / wann er nur recht reyn vnd lauter
Christum predig / vnd keinen Phariseischen Sawrteyg
mit vnder menget / Ist auß dem sehr leicht zumercken / dz
vnsere Herr Christus / da er von den Aposteln ward ge
fragt / ob sie dem verbieten solten / d' nit ein Apostel Chrē
sti war / die Teüfel in Christi nammen außzutreyben / zu
in sagte / sie solten in zufriden lassen. Jre / Paulus ist fro /
Philip. j. Das vil Christum predigen / ob sie gleich solchs
auß neyd / vnd keinem güten fürsaz thaten / vñ das auch
heüchlerische Christen / Christum recht predigen kön
nen / soll hernach bewysen werden.

Schwenck.
Argumēt /
Currebāt
& non mit
tebam eos.

Das aber weyter Schwenckfeldt den spruch Jerem.
xxiij. so offte anzeüget. Currebant & non mittebam eos, Sie
lieffen vñnd ich hatte sie nicht gesandt / vnd will darauff
bewysen / das der dienst oder lehre deren / so nit von Gott
selbst on mittel gesandt seind / entweder gar nichts oder
gar wenig tüge / oder würcke in den zühörern / ist leicht
lich darauff zuantworten.

Der Prophe
ten sondli
cher befehl.

Dann mit dem berüff der Prophten / war auch stāts
ein sonderlicher befehl an das volck Gottes / das sie das
oder ihenes thun od lassen solten / als Jeremie war befol
hen / er solte denen von Jerusalem anzeygen / das sie von
der oder ihener Abgötterey abstünden / abliessen / sich zu
Gott bekereten / vñnd rechte büsse theten. Jrem / das ein
ernstlicher befehl Gottes da were / Der König Juda vñ
Statt Jerusalem solte sich dem Babylonischen König
ergeben /

ergeben/dem befelch Jeremie/dz es Gottes ernstlicher wil
le also were/müßten die Juden glauben/nit darumb/das
ers auß heyliger Göttlicher schrift beweyset/sondern da
rumb/dz er als ein Prophet von Gott on mittel gesandt
war/dem man kurzumb glauben vnd gehorsamē müste.

Dargegen kamen die falschen Propheten vnd sagten
also/Gott hette jnen geheysen vnd ernstlich befolhen/sie
solten dem volck anzeygen/das solche jre Gottes dienste
recht/vnnd nicht Abgöttisch weren/vnnd das sie sich den
Babyloniern nit ergeben solten/2c. Derhalben sprachē
sie wie im selbigen capitel stehet/ Es hat mir getröumet/
diß vnd jhenes. Item/Gott hats gesagt/2c. Vnd ist also
Gott eygēlich nit zuthün vmb den blossen berüß/sond
vmb den befelch vnnd lehre/so die falsche Propheten ver
fälschten/wie dann Gott auff die selbige wort sagt/da
von man jetzt handelt/Sie weyssagen/vnnd ich habe es
nicht geredt.

Vnd das auch die predige Gottes Worts vnd Tauffe
eben also krefftig sey/es handele sie nur wer da wölle/ist
auß dem klar/das die Apostel mehr leüte bekeret habē/
dann Christus/Augustinus/vnd D. Luther mehr dann
Elias oder Jeremias/Es ist freylich am meysten daran
gelegen/wann vnd wie Gott seinen segen vnd gedeyen ge
ben will/vnd nit an dem/wer pflanze/begiessc/säye oder
bawe/wann er nur (wie Paulus sagt) treüw ist/vnd nit
vnkraut für den reynen weytzen säyet/dann durch einen
solchen samen pflegt Gott keine güte fruchte zugeben/od
wachsen lassen.

Das auch ein heüchler (dz noch mehr ist) Gottes wort
recht

Der falsche
Propheten
betrug.
Vndscheid
vnder dem
blossen be
rüß vñ dem
besondern
befelch.

An Gottes
seggen ist am
meysten ge
legen.

Widerlegung der einrede

Judas hatt
recht gepre-
digt vnd ge-
taufft.

Auch der
Heuchler
dienst ist
kressig.

Anderē leü-
ten predige
vñ für sich
selbers ein
rechter
Christ sein
ist weyt von
einander vn-
derscheyden

Salomon .

recht vnd nutzlich handeln könne/ ist darauß zu mercken/
das Christus auch den Gottlosen Judam zupredigen/
tauffen vnd wunderzeychen zu thun gesandt hat/wel-
cher sich ohn zweyfel auch gerühmet hat/ sampt den an-
dern Aposteln/das sein ampt vnd dienst dermassen kress-
tig sey/das im die Teüfel in Christi namen haben gehor-
sam sein/vnd weichen müssen.

Item/Christus bezeüget Matth. vii. das am Jüng-
sten tage vil heuchler zu im sagen werden/ Herz/Herz/ha-
ben wir nit in deinem Namen Teüfel außgetriben/ha-
ben wir nit in deinem Namen vil grosse wunderwerck ge-
thon: deren dienst vnd predige freylich kressig vnd tüch-
tig gewesen/sie aber seind gleichwol für sich heuchler ge-
wesen/solche blyben/vnd endlich gestorben.

Derhalben spricht auch der Herz Christus zu den Apo-
steln/welche sich rhümetē/sie hettē vil grosses außgerichte
in dem dienst oder predige/da er sie hin gesandt hatte/sie
soltē sich des nicht rhümen noch freüwen/sondern des
soltē sie sich trösten/das jr name im himel geschryben
were/damit freylich angezeygt würt/das dise zwey ding/
nemlich andern leüten predigen/vnd für sich selbst ein
rechter Christ sein/weyt weyt von einander zuscheyden
seind.

Der Gottlose Balaam würt gewyslich auch offft schō-
nepredige gethon/vnd Gott würt durch in etliche leüte
bekeret/vnd Seelig gemacht habē. Desgleichen hat auch
Salomon sein lebenlang nutzlich gelehret oder gepredi-
get/vnd Psalmen gemacht/vnd seind on zweyfel durch
in vil leüte bekeret/gleübig vnd Seelig gemacht wor-
den/

den/so er doch vil jar vor seinem todt kein rechter Christ
(wie zubeforgen) gewesen ist. Also würt auch David das
jar vber/da er mit dem Ehebruch vnd morde beschmeißt/
oder befleckt war/nicht vergeblich die leüte von Gott ge/
lehret vnd vnderwysen haben.

David.

Hierzü gehöret zü bekräftigung vnserer meynung/dz
Christus den seinen befilhet/sie sollen hören vund thun
das ihenige/welchs die Heüchler recht lehretē/aber nach
iren wercken solten sie nicht thun. Matth. xvij. Da klar
von vnserm Herren Christo züuerstehen gegeben würt/
das auch ein Heüchler recht wol vund nutzlich predigen
vund lehren kan/vund das seine predige in keinen wege
züuerachten sey.

Mat. xxiij
Christus leh
ret hören vñ
thun/was
die heüchler
lehren/aber
nicht nach
iren werckē.

Es ist ye lächerlich/das der Schwerner mit einem sol/
chen irthumb ans liecht kommen darff/dann kan ein pa
pyr von Paulo das wort od lehre Gottes zü den Römern
nutzlich bringen/vund krefftig ihnen predigen/wie vil
mehr Könnens menschliche gedächtnuß vnd sinne thun?
Solte eines menschen natürliche gedächtnuß vund ver/
standt nicht so gut sein/auch nicht so wol das Göttliche
wort/vund befelch fassen können/als ein steinerne Tafel/
oder ein stuck papyr oder pergament?

NOTA
Paul. vber
schickt Got
tes wort den
Römern
auff einem
papyr.

Was ligt daran/ob mein oder S. Johans des Teü/
fers finger Christum zeyge/vund auff in weyse/wann ich
nur so wol/als er/Christum weysen vnd anzeygen könd/
te/vnd nit jergent neben hinzeygte.

Die durch
Judas ge
taufft vñ al
so zü Christo
gebracht/
seind eben so
wol seelig
worden/als
die durch an
dere Apo
steln seind
gelehrt.

Es ist der eben so wol Seelig worden/welcher von Ju
das getaufft/gelehrt/vund zü Christo gebracht worden
ist/als der/welchen Johannes der Teüffer/Johannes 8

l Luan/

Widerlegung der einrede

Euangelist / Paulus oder Petrus zu Christo geweyset /
geföhret vnd gebracht hat.

Diß sey genög zur beweyfung / das die Göttliche war-
heyt oder wort / vnd die Sacrament eben also krefftig vñ
tüchtig seind / sie werden von Christo / den frommen Apo-
steln oder von Juda / Balaam vñ andern Heüchlern ge-
handelt / vñnd das wir nicht sehen sollen / ob vns Apollo /
Paulus / Cephas / Titus od Timotheus (welche alle eins
sein) bekeret / oder getaufft haben / sonder in welches nam-
men sie vns getaufft / vñnd zu wem sie vns in iren predi-
ten geweyset / geföhret / oder zusehen befolhen haben.

Hilff lieber Gott / was wöllen doch die armen Christē
für einen glauben vñnd trost haben / wann sie solten erst
disputieren vnd darüber zuracht gehen / ob die / welche sie
gelehret oder getaufft haben / den heyligen Geyst im her-
zen gehabt hetten / oder nicht / ob sie heüchler oder rechte
Christen gewesen weren . Item / ob sie einen rechten oder
vnrechten berüß von Gott gehabt hetten / &c.

Es versaumete gewißlich Christus vbel seine liebe
Braut / die Christliche Kirche / so er nie täglich solche leh-
rer noch sendete / die on mittel von Gott berüßen / vnd ir
lehre von im ohn mittel entpfienge / wie die Propheten
vnd Apostel / dann die seind allein nach Schwencfeldts
Schwermerey / diener Gottes worts / die andern allzu-
mal seind nur Schrifft vnd Büchstaben diener / welcher
diest niergēt so krefftig noch tüchtig ist / als ihener . Weyl
aber Schwencfeld keinen solcher diener oder lehrer / nen-
nen kan / welcher jetzt oder vor diser zeyt / ohn mittel von
Gott berüßen oder gelehret worden ist / es sey dann sach /
das

Die Schwenc-
feldt seind al-
lein die Pro-
pheten vnd
Apostel die
ner Gottes
worts.

Die andern
all seind nur
Schrifft vñ
büchstaben
diener.

Das er sich selbst darfür außgebe/ vnd von jederman darfür wolte gehalten werden / so folget notwendig/ das die Kirche in fünffzehnhundert jarē/ Keinen diener Gottes worts gehabt hette/ sondern eytel schrifftdiener/ vnd also nun schier ganz vnd gar von Gott verlassen/ versaumet vnd veracht worden/ vnd were also Christus mit seiner Kirchen biß ans ende der welt nit geblyben/ noch jr recht vnd wol bey vnd vorgestanden.

Mercke auch allhie fleissig/ lieber Christ/ das Schwēckfeld eben der rechte geselle sey/ der Christum seiner ehr be/raubet / stilt / vnd gibt sie einem menschen vnd nicht wir/ weyl er haben will/ heysset vnd lehret (wie auch die Corinther tharen) das man auff die person sehen soll/ so dich bekeret/ getaufft vnd zu Christo gebracht hat/ vnd laßt in Keinen wege gleich noch gut sein/ es sey einer von Paulo/ Cepha/ Apolline/ oder Juda bekeret vñ getaufft/ wann er nur recht zu Christo geführt vnd gebracht worden ist.

Auß disem ist klar zusehen / vnd jederman sehr leicht abzunehmen/ das Schwēckfeld nit zügibt/ das alles allein an Gott/ welcher das gedeyen vnd segen geben muß/ gelegen sey/ sondern will haben/ es sey fast am meysten daran gelegen / ob der pflantzler vnd begiesser ein rechter Christ oder Heuchler sey. Item/ ob er einen rechten oder vnrechten beruff habe/ ob er von Gott selbst on alle mittel/ oder aber durch mittel beruffen sey.

Es möchte aber nun wol einer hie sagen vnd fragen/ Ist dan gar kein vnderseydt zwischen den Propheeten/ Aposteln/ Tito/ Timotheo / Augustino / oder einem

l ij Heuch

Schwēck-
raubet vnd
stilt Christo
sein eh: vñ
gibt sie men-
schen.

Warumb
es Schwēck-
felden zu
thun seye.

Vndseyd
zwischen 2
Aposteln vñ
andern Pre-
digern.

Widerlegung der eintrede

i. On mittel von Gott beruffen sein

ii. Durch mittel beruffen sein

Vndscheyd zwischen denen so durch mittel beruffen sind

i. Ein rechter Christlicher Prediger

Heüchler: Antwort / Was die Krafft des gepredigten Worts oder Warheyt Gottes / ihre Tauffe / vnd der bekehrten von ihnen / vnnnd Getaufften Seeligkelt belanger / ist kein vnderscheydt / Aber diß ist der ware vnderscheydt zwischen denen / so durch mittel beruffen werden / vnd denen so on mittel von Gott beruffen sind / das die lehrer / als die Propheten vnd Aposteln / welche ohn mittel von Gott beruffen sind / nicht irren können / vnnnd man muß ihren reden vnnnd predigen kurzumb glauben / ob sie gleich nicht alles durch die Schrifft beweysen / Die aber / so durch mittel beruffen / als Titus / Timotheus / Augustinus / vnd andere / können wol irren / derhalben soll man ihnen nicht weyter glauben noch getrawen / dann so ferne sie alles mit Gottes wort oder auß der heyligen Schrifft grundt beweysen / erhalten / vnnnd gewaltigklich darthün / zc.

Weytter ist zwischen denen / so durch mittel beruffen / rechten Christen oder Heüchlern auch diser vnderscheydt / das der / welcher seine eygne erfahrung deren ding so er Predigt / im hertzen hat / vnnnd darzü den heyligen Geyst / vil besser / bescheydner vnnnd richtiger die Lehre richten / handeln / vnd anderen leüten fürtragen kan / dann der ander. Item / weyl er Gott fürchtet / so verfälschet er sein Wort nicht wissentlich noch willigklich / sondern ist Treüw / Fleysig vnnnd Embsig in seinem Ampt / bittert auch Gott vmb gnade / vnnnd rufft ihn an / er wölle zu seiner Pflanzung / zum Säyen vnd Begießen / seinen Segen vnnnd Gedeyen geben / vnnnd ihn darinnen leyten / führen vnnnd helfen / Der Heüchler aber

aber hat keinen solchen vortheyl/sonder wann er die ware
Lehre/oder wort Gottes/reyn vnd lauter predigen will/
so muß ers auß der Bibel/vnd rechten vnd Gottsförchtigen
Lehrern Schrifften vnd Predigen klaben/vnd ins
gedächtnuß fassen/vñ also dem Zuhörer fürtragen/oder
fürsagen/als ein Papageyer / der kan wol etwas lernen/
vñ darnach nachsingen/aber er verstehets nicht / jha als
ein todt Papyr oder steyerne Tafel.

ij. Ein
Heuchli-
scher Predi-
ger.

Wiewol auch vnder den Heuchlern ein grosser vnder-
scheydt ist. Dann etliche haben auch grosse vnd Geystli-
che gaaben zulehren vñnd predigen Gottes wort / jha vil
grössere/dann vil rechte Christen vnd Lehrer / als ist ge-
wesen Balaam. Item die / welche sagen werden / Herz/
Herz/haben wir nicht in deinem namen Teüfel außgetri-
ben/vñ vil wunderwerck gethon? zc. welche freylich auch
hochbegaabte/vnd hocheleuchte von Gott / Lehrer od
Prediger gewesen seind / Vñnd solcher Prediger (hab ich
leyder sorge) haben wir jetzt sehr vil in vnseren Kirchen.

Vñdscheyde
vnder den
Heuchlern.

Bis hieher hab ich gesagt von der heyligen Schrift/
ihrer würckung/krafft/vnd Dienern. Nun will ich auch
in der kürze ein wenig reden von andern Schwenckfeldt-
schen irthumben vnd falschen lehren / die er in seinen bü-
chern gesetzt vnd öffentlich an tag gegeben hat.

Von der Lehre Schwenckfeldts/vom Glau- ben vnd Rechtfertigung.

Nach dem der verzüchte man vnd vnruwige Geyst/
weydlich geschwermet / rechtgeschaffene Lehrer in
l iij der.

Widerlegung der einrede

Schwenck.
radlet vnser
lehr von der
Rechtferti-
gung.

der lehre angelogen / vnnnd vnder den leüten wol außge-
getragen / sein gifft außgespeyet / vnnnd das Krotten ge-
schlick schier gar auß dem hertze vnd die leüt geschmeyßt
hat / fahet er auch an vns vnnnd D. Mar. Luth. seeliger
gedächtnuß in der lehre vom Glauben vnnnd Rechtferti-
gung zu straffen / zu adeln / vnnnd auffß schändelichste / als
ein rechte hadermetze / zu nichten / Schwermet aber in
dem so grob / vnnnd laufft so gewaltig an / als in dem vori-
gen / das er selber sich nit recht darauß weyß zu entrich-
ten. Also muß denen widerfahren / so in einen verkeerten
sinn gerathen oder kommen.

Schwenck.
leügt vns
fälschlich an
wir reden al-
lein von ei-
nem Histo-
rischen glau-
ben.

Dann er sagt vnd gibt Luthero vnd seinen schülern /
den lehrern oder predigern fälschlich schuld / vnd treget sie
auß durch gedruckte schrift in der ganzen Christenheyt /
als lehrten sie nur von einem Historische glaubē / vñ das
die sündler allein durch einen solchen glauben gerechtfert-
iget werdē / ob sie gleich sündler vnd böse büben / vnd die
ergste schelcke in der haut bleyben / vnd nimmermehr von
sünden abstehe / hertzliche reüwe noch leyd darüber habē /
Welchs / weyl es beydes öffentlich erlogē / vñ vnuerschäpft
auff den fromen Luther / vnd andere lehrer erdicht / vnd
mit vngesparter warheyt inē auffgelegt würt / achte ichs
darfür / das es keiner widerlegung bedarff / sonderlich
bey denen / welche jemals D. Mar. gehört / seine bücher od
predige gelesen haben / Wer es aber noch zur zeyt nit gele-
sen / noch jergentswa von ihm gehört / der mag es noch
lesen / besichtigen vnd sich der sachen fleissig erkundigen /
ob D. Luth. vnnnd andere Lehrer / also wie in Schwenck /
feldt schuld gilt / oder anderst lehre schreyben vñ predigē.
Also

Also haben wir kürzlich gehört/was vns der Schwēckfeld schuld gibt/vnd wie fälschlich er vns in vilen dingen anleüget/nun wollen wir auch hören/was er für sich von dem glauben narret / vnd wie Schwermerisch er von solchen hohen himmelischen dingen schreybet.

Dann er beschreybet den glauben also in seinem büch/vom Euangelio/Folio lxxj.vnd lxxij. Das er sey ein tröpfflin von dem wesen Gottes / jha er sey das wesen Gottes selbst in vnser hertz eingegossen / Solche seine beschreybung beweyset er erst mit disem falschen vngrund / da er spricht/das alle Geystliche gaaben/so den menschen gegeben werden/sollen sein Gottes wesen/jha Gott selbst/welches doch falsch ist / vñ würt nimmermehr von jm bewysen werden. Das widspil aber will ich mit Gottes hilff leichtlich vñ bald beweysen. Dan fürs erst/so seind ye die Geystliche gaaben (wie auch die schrift bezeüget) mancherley/Gottes wesen aber ist nit mancherley / sonder nur einerley. Zum andern sagt der heylige Paulus selbst/das die gaaben sein würckung Gottes/oder des heyligen Geysts in vns. Derhalben so wenig der Schöpffer vnd Creatur ein ding seind / also wenig kan ein ding sein/ Gott vnd seine würckung/die Geystlichen gaabē/als glaub/ zc. Darumb ligt diser grund Schwenckfelds mit seinem gebewgang im dreck darnider.

Zum anderen / beweyset er seine meynung mit dem spruch Pauli / Hebræorum xj. Fides est hypostasis rerum sperandarum, Da muß ihm das Griechisch wörtlin Hypostasis, das wesen Gottes bedeütten / sein / vnd heißen. Es bedeüt aber das wörtlin allda in der warheyt eygentlich

Wz d glaub sey nach Schwenckfelds beschreybung.

Widerlegung Schwēckfelds irrthumb vom Glauben.

Hypostasis heisset Schwenckfelden Gottes wesen.

Widerlegung der einrede

lich nichts anders / dan zuversicht oder erwartung / wie in der Griechischen dolmetschung des xxxix. Psalmens sehr feyn zusehen / Jha es würt auch dasselbig wort / Heb. iij. auff dise meynung gebraucht / Aber von disem wörtlin vnnnd dem spruch Hebre. xj. hab ich nach der länge mit sehr gutem grundt im ersten theyl meines Büchlin von dem Glauben / ein wenig weyteleüffiger gehandelt / So der Leser will / Kan ers allda sūchen vnd lesen.

Schwenck-
schelmen-
stück der zu
Gottes
wort thut
auß eygnē
fräuel so nit
darzūgehört

Vnd ist das Schelmenstück Schwencckfeldts in diser Disputation von dem Glauben / sonderlich vor allen dingen zumercken / welches er gebraucht / in außlegung dises spruchs. Dann er hat ihn also geteütschet / Wir seind Christi theylhafftig worden / so wir anders den anfang SEINES wesens bis ans end vest behalten / so er doch sehr wol weiß / das dis wörtlin SEINES nicht im Griechischen text ist / Welches er wid sein eygen gewissen hin / zu gesetzt / vnnnd nach seinem gütduncken hinan geflicket hat / damit seine Schwermerey zuerhalten / zuschmucken vnd zubuzen / Vnd wann also ein jeglicher Fantast vnd Schwermerey zur heylgen Schrift etwas darzu oder davon thun will / was ihn gelustet / was würde doch in die länge für ein gewirz vnnnd gemenge werden?

des Schwencck-
feldts wesent-
licher glaub-

Also haben wir gehört vnd vmbgestossen den schädlichen irthumb Schwencckfeldts / von dem Wesentlichen Glauben. Wir aber achtens darfür / das es ganz vnnnd gar nit von nöten sey / vnser meynung vom Glauben zu erzölen / oder auch zubesstätigen / oder confirmieren, weyl solches reychlich / oberflüssig vñ herzlich genüg von vilen geschehē / auch zum theil von mir in meinem büchlin vom Glauben

Glaubē/welchs noch auffdise stand vō dē Widersächern
nit widerlegt noch mit warheyt angefochten worden ist.

Was nun weytter antriffe/Schwenckfelds meynung/
von d Rechtfertigūg/in dē ist er sehr vnbeständig/wetter
wendisch/vnnd ein rechter fahrender schüler. Bisweylen
helt ers mit dem Osandro/in dem/das er sagt/Wir wer
den durch die Einwohnung Gottes/oder durch die wesent
liche Gerechtigkeit Gottes/gerechtfertiget/Bisweylen
spricht er/Die newigkeit vnd eingegossene liebe sey vn
ser Gerechtigkeit/darinnen er mit dem Interim stimmt/
Darnach lehret er auch/die guten Wercke sollen auch ein
theyl sein vnserer Gerechtigkeit/in welchem er ein rech
ter Papist ist.

Schwenck
felds opi
nion von d
gerechtfert
igung ist ex
cōpluribus.

Dieweyl aber bisher vil Schrifften vnd gegenberichte
viler frommen gelehrten/vnnd standthafftigen māner/
offentlich im druck außgangen seind/wid solche Secten/
darinn klärlich/deütlich/vnnd warhafftiglich die irr
thumb widlegt/vnd was falsch/Vnrecht/Böß od Güt/
gestrafft vn angezeygt wordē/will ich den Leser darauff
gewisen haben/das er sich in den selbigen büchern des er
holen wölle.

Von seiner lehre von guten wercken will ich jetzt nicht
vil sagen/dann ich habe es nur kürzlich entworffen/vnd
in einer summa angezeyget/das er sie machet zum theyl
vnser Gerechtigkeit/oder ja zum wenigsten/als nötig
zur Seeligkeit/wie auch D. Maximus Geytz/danon
auch Gott lob genug geschryben/vnd von vilen gewal
tiglich das widerspil bewysen ist worden.

Schwenck
feld machet
güte werck
ein theyl vn
serer gerech
tigkeit.

Das ist aber vberaus verdrüsslich/das er Sycophan
m risch

Widerlegung der einrede

Schwenck
zwackert
schelmisch
etliche sprüche
aus der vnse-
ren büchern
seinen jr-
thumb da-
mit zu be-
schönen.

tisch/hinderlistisch/vnd schelmisch etliche sprüche auß D. Martini büchern zwackert (damit 8 man Gottes hat beweysen wollen/das wir nit durch die wercke/sondñ durch den glauben an Christum gerecht vñnd Seelig werden) vnd verkeret sie also/vnd machet den armen leuten einen solchē blauwen dunst für die nasen/das sie zu tausent heyligen schwüren / als verwürffe Luther alle gute wercke/wie im dan auch die heylose Papisten fälschlich schuld geben/vnd in schändtlich anliegen.

Aber mit welchem grossen fleysß/bescheydt/vñ ernst D. Martinus/Seeliger gedächtnuß vnd andere vnserer leh-
rer von guten wercken gelehret/geschryben vñ geprediget haben/vnd noch heütiges tages lehren/ist Gott lob/der-
massen jederman bekant vnd offenbar/das solche Papi-
stische vnd Schwenckfeldische grobe greiffliche lügen/bey
Keinē der warheyt liebhabenden raum noch statt finden
werden / noch haben mögen.

Wz schwackert
feldvom Ge-
setz lehre

Schwenck
m. ynung
ist das der
mensch dz Ge-
setz Gottes
künde volle-
kommenlich hal-
ten

Wo dē Gesetz Gottes aber lehret diser schwärmer also/
das man öffentlich / klar vñnd leicht sehen/ mercken vnd
spüren kan/das er sampt allen seinen grossen himlischen
offenbarungen/ein lauter/loser vnd arger Papist vñnd
Sophist sey. Dann er sagt vnuerholen also/das es den
rechten Christen aller ding möglich / jha auch leicht sey/
das Gesetz Gottes vollkōmlich zuhalten vnd zuerfüllen.
Darauß dann gewislich folget / vñ ers nit würt leügnen
können/vnd wann tausent Schwenckfeld auff einander
fessen/vnd alle ire himlische kunst zusammen brächten/das
er sampt seinen heyligē/Keiner vergebung der sünde noch
keines Vatter vnser bedörffe.

Diser

Disen grossen/groben/falschen vnnnd schädlichen irrthumb/dardurch die gnade von vergebung der Sündē/ jha Christus selbst vberaus sehr verdunckelt/verkleinert vnd vndergeruckte würt (wie dann auch von den Papiſten geschehen) habē vil lehrer bißher/in sonderheyt aber D. Mart. gewaltigklich widerleget / das es jetzt meines widerlegens nicht bedarff / will derhalben etwas von einem seiner Argument/ kürzlich sagen/ vnd es deutlich widerlegen.

Er zeücht vil sprüche an auß David vnd Johanne/ darinn stehen vast dise wort. Die Gottsförchtigē HALTEN Gottes wort vnd gebott. Da meynt der Schwermere/ habe er ein gewunnen spil / frolocket vnd bochet sehr darauff. Dan er lehret vñ schwermet also / dz es soll so vil heysen vñ bedeuten/ als köndten die Gottsförchtigen die Zehen Gebott Gottes vollkömlich erfüllen. Aber er scheüßt sehr weyt vom ziel/ vnd thut einen weydlichen fälschus. Dan Christus spricht/ Johan. xv. vnd xvij. Seine Jünger habē sein wort GEHALTEN/ welche doch (wie auß 8 Euan- gelischen historien abzunehmen/ sehr schwärlich vnd vn- vollkömlich Gottes gebott gehalten/ vnnnd seinen willen erfüllet haben. Derhalbē so heyst eygentlich da Gottes wort oð gebott halten/ eben sonil/ als die warheyt der religion behalten/ vñ mit einem ernst trachten Gottes willen zugehorsamen. ¶ Hilff lieber Gott/ steüre vñ wehre den heylosen Schwermern/ welche also die lehr vō Gesetz/ von der sünde/ vō Euan gelio/ von vergebung d sündē/ vñ Christo selbst verfinstern/ vertückeln vñ verfälschē.

Was da sey
Gottes ge-
bott vñ wort
halten.

Zum beschluß / das ich einmal auß dem Schwenckfeldis-
m ij schen

Widerlegung der einrede

Schwenck
gibt grosse
erleichterung
für/bewey-
set aber mit
der that
nichts.

Die rechte
lehre von
Gott seinem
erkantnuß
vnd seinen
gaaben heys-
set schwäch-
feld alles
Gottes we-
sen selbst.

schon Teüfelischen stand vnd vnflath heraus komme/sage ich fürwar für mein person / das ich alle mein lebenlang nicht ein Schändlicher büch gelesen noch gesehen habe/ darinn so grosse ding/mit so losen/nichtigen vnd schalen bossen vnd lamen fragen beweyset/gefasset / vnd verthändiget wurden/ als eben in Schwenckfeldes Schwärmer/ schrifftten/vnd darinn grössere kunst vnnnd Geystliche erleuchtung fürgegeben/vnd doch mit der that weniger bewysen oder außgericht wurden.

Er schilt D. Lutherum sehr hefftig / das es jm vnd allen seinen vberaus sehr gemangelt hab am erkantnuß Göttlicher dinge/vnd sonderlich am vnder scheydt der selbigen. Der Schwärmer aber kan vor seiner Teüfelischen grobheyt nicht sehen / das er selbst der rechte gefelle sey/ so alles durch einander mengert/vnd es also seltsam durch den hon treyber / das man nicht weys ob es gehawen oder gestochen sey / Dann die rechte lehre von Gott/ seinem erkantnuß/vñ seine gaaben muß jm alles selbständig vnnnd das wesen Gottes selbst sein vnd heysen. Das wort Gottes ist jm selbständig vñ dz wesen Gottes selbst. Das Euangelium ist bey ihm selbständig vnd das wesen Gottes selbst. Das wort des gehörs ist jm selbständig vñ das wesen Gottes selbst. Dz wasserbad der widergeburt ist jm Gottes wesen selbst. Der Glaub ist jm selbständig vnnnd das wesen Gottes selbst. Die Gerechtigkeyt ist jm selbständig/vnd das wesen Gottes selbst. Alle Geystliche gaaben seind jm Göttlich wesen vnd Gott selbst.

Ist das von der Seeligkeyt des armen Sünders recht gelehret; Wiltu Seelig werden/ so müßtu erstlich das selbständige

Schwenckfeldes.

160

ständige Wort vñ Euangelium / welches das wesen Gottes selbst ist / haben / durch dasselbige wesen bekommest du darnach ein ander wesen / so das inwendige wort vnd gehör Gottes geneuet würt / durch das inwendige gehör bekommest du abermal ein ander wesen Gottes / welches da heyszt der Glaub / vnd durch den selbigen glauben bekommest du noch ein and wesen Gottes / nemlich die Selbständige Gerechtigkeit. Vnd wann du nun so vil wesen eins nach dem andern bekommen hast / als dann würt dir eine ganze heylige Schrifft in dein hertz geschryben werden / der würestu folgen / vñ nit d eüsserlichen / die sich nach deinem glauben richten müß / vnd also würestu ein durch Gegötterter mensch werden / Jha ein junger Stenckfeld oder schwermer möchtestu wol werden.

Wie der mensch gerechtfertigt wird für Gott nach Schwencklehre.

Wolan fürchte Gott wer da will / dann es ist sein recht vñ vrtheil / weyl wir die liebe zur Warheit nit haben / so schicket er vns solche Teüfelische Schwermer vnd vnrüwige Geyster mit krefftigen irthumben / welche wir darnach für grosse Propheten annemmen / sie schier für Götter anbetten / auff den händen tragen / Vnd mit jnen ins ewige Hellische feür vnd verdammuß faren müssen / vñ vnd von Gott verstoßen werden.

Straffe der vndanckbarkeit.

Der Ewige / Allmechtige / Gütige vñ Gnädige
Gott / behüte alle die seinen / für dises
Schwermers irthumb / vñ andern / gnädiglich /
Amen.

m ij

Ver

Vermanung Nicolai Galli/das
ampt Göttlichs worts in ehren zuha
ben/wider Schwencfelds Geyst/
vnd gewonliche ver
achtung.

Verachtung
der Predig
Göttlich
worts.

Est lange zeit bissher die ge
meyne klage aller treüwen Christlichen Predi
ger gewesen/vber die schändliche verachtung
Göttlichs worts / da Gott so reiche vber
flüssige weyde desselbigen wider geben hat/auff die gewe
sene dürre vnder dem Papstumb/das die leüte jetzt gleich
wie das geyle vihe/so bis an bauch in güter weyde gehet/
etliche für geilheyt schier nicht mehr wissen / welche blü
men sie essen/Das ist/welche ire prediger sie wol hören mö
gen/die inē gefiele/etliche seind irer aller vast so gar sadt/
das sie schier keinen mehr mögen hören / sonderlich die
nichts anders predigen oder predigen können / dann büß/
büß/glaub/glaub/vnd was sie vorhin mehrmals gehört
haben/Die aber zuweylen noch etwas hören/ thuns zum
grössern theyl mehr auß gewonheyt oder heüchlercy/dan
das sie mit ernst da begereten etwas zulernen / vnd sich
des zubesseren / gleich wie das satte vihe / das mit an
derm auff die weyde gehet / nit zuweyden/sondern das es
allein in der weyde spacieret/auch wol das/welches ande
re/die da hungerig seind / geniessen solten vnd möchten/
vnder die süsse tritt/das ist/fromme treüwe prediger/wel
che irem ampt nach/nit alweg reden was man gern hat/
helffen vndertrucken vnd wol etwas mehr thun.

Solche

Solche nun gleich Epicurische verachtung Gottes aller reichsten segens im wort diser letzten zeyt / ist vnmüglich / das sie nit schwärlich von Gott solte gestrafft werden / Wie Lutherus seeliger gedächtnuß / vnd andere neben vnd nach im oft genüg getröuwet haben. Aber damit die straff jha nit außbleybe / so müssen solche warnüg eben so wol / als das wort selbs / veracht sein vnd bleyben.

Vnder anderen gemeynen straffen aber die sich schon zum theyl gefunden haben / als Krieg / Teürung / Pestilenz (doch dahin nit müssen gerechnet werden / auff das die rechte eygentliche straff solcher sünden vollends hernach folge) findet sich zum anfang solcher straffe jetzt wider darzü seyn / dise durch den geyst Stenckfelds / welche zwar vor mehr auff der bane gewesen / nemlich / da die leüt zumoz mit hauffen geneigt / vnd gleich geflissen sein / wie vor gehört / Gottes wort zuuerachten / das diser Geyst jetzt jnen darzü zusteur kompt / vnd lehret sie solche verachtung / das sie eben recht daran thun / jha noch darzü grosse sünde vnd Abgötterey begehen / wann sie souil von der predig Göttlichen worts wurden halten / wie sie bisher von vns gelehret vnd vermanet seind.

Glück zu nun liebē herren / glück zu / zū disem neüwen prediger / der ist jetzt der rechte zu diser zeyt / vnd für dise leüt / der kan die verächter der predige vnd prediger Göttlichen worts / nit allein absoluieren von sünd vnd straff / so jnen deshalben angezeygt würt / sondern ablaß vñ gnad darzü geben / das jr darauff predig vñ prediger hinsüret / nicht allein mögen vnd sollen frey verachten / sonder das der Lugen vñ Mordtgeyst gewißlich auch mitsüchet / sie

Schwenck.
hiff weydlich mit seiner lehr zum Gott losen leben vnd wesen.

Schwenck.
Mordtgeyst sücht die Prediger von der Cangel zu Rosen.

endts

Vermanung Nicolai Galli

endlich von 8 Cägel stossen/ als die eüch auß der schrift vnd predig ein Abgott machen. Vnd wañ jr also der predig vnd prediger frey seit/ das jr dann frey on alle schew/ mit eüwerem schwermer schwermen möget/ was einem jeden sein Geyst einblaset.

Gottes ges
rechtes vnt
theyl.

Ich erschrocke/ weysß Gott/ dises gerichtis Gottes vber die verachtung seines worts vnd Prediger/ wann ich daran gedencke / dann mich darbey dunckt/ gleich als höre/ te ich Gott also vrtheylen. Wolan ihr verächter/ weyl ihr nit auffhören wöllet / meine sonderliche gnade vnd gabe diser letsten zeyt / die predige meines worts vnd prediger zünerachten / So will ich eüch des verachtens gleichgnüg geben / da habt jr schon prediger / die eüch zür verachtung vollends helfen sollen/ das jr nur getrost jmer dahin verachtet/ on alle schew / vñ meinē sollet / jr thuen auch recht vnd wol daran / biß jr allen verstandt rechter lehre vnd erkantnuß der Seeligkeyt gar verlieret / vñnd im dunckel eyttel himlischer weysßheytt/ andacht vñ geystlichkeyt also züm Teüfel fahret/ vnd jm in den rachen hin einrennet.

Was aber diser Stenckfeldische Geyst hierzū nit außrichtet bey vilen/ die noch etwa mögen erkennen/ das die verachtung der predige vñnd prediger vnrecht sey/ aber darinn nicht desto weniger fürtfaren/ so müß doch solche verachtüg von jr selbs finsternuß des verstädts endlich mit bringen/ also wañ darnach irthumb der lehre beginnen fürzufallen / das die selben verächter des worts bald irze werden / zuplazen vñnd lügen für warheytt annemmen/ Zü dem das Gott auch noch hierüber auß gerechtem gericht

gerichte verhenget/vñ souil mehr starcker irthumb vber die verächter lasset kōmen/wie Paulus spricht/vnd nach der Apostel zeyt vnder dem Bapstumb also ist ergangē/darumb das sie die liebe zür warheyt haben faren lassen/das sie Seelig wurden/würt inen Gott krefftige irthūb senden/das sie glauben der lügen. 2c. ij. Thess. ij. Vnd wir derhalben von der warheyt Göttliche wort werden kōmen/das es keiner verfolgung darzū würt bedörffen/allein durch eytel verführung der Lehre / Kotten / Secten vnd Irthumbe/welche schon jezundt zūm theil vorhanden seind/vnd noch künfftig folgen werden.

On alle verfolgung würt darzū kōmen/das mā die warheit des E. Euangeliums verliere.

Vnd ob sie schon hiewider vil lassen duncken/es habe kein not/sie haben die rechte lehre gewiß genüg gefaßt/dz sie niemandt darvon verführen soll/wan sie gleich nit vil zür predig gehn/so ist doch Gottes erdruwūg hierin mehr zuachtē/dan solcher dunckel. Vnd hats/meyn ich/ihā die erfahrung dise etliche jar her leyder genüg vnd allzūvil geben/wie leicht die leüt jrz gemacht / vnd von der warheyt des Euangelij in abfall geführt seind/also dz durch Interim vñ Adiaphora nit allein gemeyne/auch geleerte güthertzi/ge leüt/die Gottes wort gleich lieb gehapt / vnd gern mit gehört haben / so bald jergendt ein neüwe Interimichen geschmidet ward/betrogē seind/sond etliche der fürnembsten selbs/die andn dardurch verführet vñ betrogen habē.

Die leüt lassen sich duncken/sie haben die rechte lehre gewiß genüg gefaßt.

Da Gott auch gleich auß sondern gnaden /vnderricht vnd warnung wider die selbige verführung genügsam geschicket/hat man die selben zūm mehrer theil nicht allein nicht annehmen/sonder auch weder hörē noch leyden wöllen/darzū scheüßlich geschendet vnd verfolget.

ii Wel

Vermanung Nicolai Galli

Welches abermals ein sonderliche zürichtung darzū
ist/von grossen leüten angefangen/ dem ande nūn desto
mehr folgen mögen vnd werden/das wir zuletzt jha vmb
reynne lehre vollends kommen möllen vnd müssen/wann
man auch vnderricht nit mehr leyden/geschweyg dan hō
ren will. Ist auch für Gott ein rechter fürschieb darzū/
das wann die irthumb hinfürt nūn mehr daher fallen/
Gott dise gaabe seines Geysts dargegen auch einzeücht/
dardurch die leüt klärlich darwider vnderricht vnd ernst
lich verwarner werden. Welches gericht Gottes vnd
straff jetzt schier gespüret ist/bey Osianders schwerme-
rey/vnd dises Stenckfeldes/Denen es znsorderst gepüret
hie zuwachen/die gehen entweder mit linderung vnd mit
telung vmb/oder schweygen gar still. Damit soll den irz-
thumben gewehret/vnd die sache der Kirchen/die beyla-
ge Götlichs worts hinfürt reyn znerhalten/güt werdē/
scilicet. Auß welchem allē verlust der warheyt/in Teütsch
land gewisslich zubeforgen/vñ zū seiner zeyt wol in Kürze
folgen würt/wa man nit Gott mit ernst vmb gnade bit-
tet/vnd sich selbs anders in die sache schieket.

Derhalben/souil nūn disen irthumb Schwencckfeldts
belanget/dancken wir erstlich Gott für den bericht/so er
bald darwider geben hat/in vorgehendem büch/darinn
der haupt irthumb eygenlich angezeygt/vñ mit starckē
grunde Götlichs worts gnüg widerlegt würt/des sich
Christen darfür zubüten vnd zubewaren danckbarlich
brauchen wöllen.

Zum andern/weyl der Schwermer fürnemlich dar-
durch heylige Schrifft/mündtlich wort oder lehre vnd
Sacrament lehret verachten/das sie vntüchtige mittel

Osianders
schwerme-
rey.

vnd werckzeüge sein sollen / die Seeligkēyt dar durch zu
entpfahen. So soll dargegen jederman eben darumb
zum höchsten darzu vermanet sein / das sie Gott zu sol-
chē mitteln vñ werckzeügē also verordnet hat / dz er on sie
die Seeligkēyt stracks nit geben oder würcken will. Wie
solchs lehren vnd vermanen die sprüche / welche zu erklä-
rung des dritten gebots gehören / vnd oben in der wider-
legung etliche angezeygt seind / als das Gott gefallen
hat / durch thorechte predige Seeligzumachen / die so da-
ran glauben. j. Cor. j.

j. Cor. j.
Es hat
Gott gefal-
len durch
thorechte pre-
dige seelig
zumachen.

Auß welchem spruch / wiewol wir auch mit sonil erin-
nert werden / nit allein das Schwencckfeld vñnd alle vers-
nunfft sich beyde an der predige vnd dem gepredigten / dz
ist / am werckzeüg / vnd würcker der Seeligkēyt werden er-
gern / sondern das es die Christen selbs auch hie in disem
leben nit gnügsam erkennen / darumb glauben / vñ durch
den Glauben Göttliche krafft / vnd Göttliche weyßheyt
darinn erfahren werden / So deutet vns doch Christus /
Johan. v. in dem er vns eben auff die schrift / als ein mit-
tel vñ werckzeüg zur seeligkēyt weyset / zugleich auch mit
etlicher massen / die ursach oder weyse / warumb vñ wie dz
geschribene vnd gepredigte wort Gottes od lehre / Seelig-
mache / oder zur seeligkēyt diene. Forset in der schrift /
spricht er / darinn jr meynet / dz ewige leben zu habē (welche
meynung Christus nicht strafft / sondern vil mehr bestä-
tigt) vnd sie ist die von mir zeüget. Da hören wir etwas /
wie das ewige leben in der schrift ist / vnd wie es da zusü-
chen vnd züfinden sey / nemlich als in einem zeügnuß Got-
tes / von seinem Sin Christo. Dardurch Schwencckfeld

Wie das
ewig leben
in der S.
Schrift ist
vnd wie es
darin zusü-
chen.

n ij vns

Verurteilung Nicolai Galli

vns/meyneich/ auch muß entschuldiget nemmen / will er
Christum hie selbst nicht lestern / das er mit vns ein Ab/
gott auß der schrift mache / da er heyst das leben darinn
suchen / vnd da wir in darauff heysen glauben vnd trau/
wen / warlich nit als Gott selbst / sondern als einem zeüg/
nuß seines willens. Würt aber der Schwerner eben di/
ser lesterung vnd Abgötterey selbst schuldig / in dem er
auß einem jeden willen vnd meynung Gottes / Götlich
wesen des Süns machet.

Es ist nit
genüß zur see
ligkeit das
schriftlich
wort
schlecht a le-
sen od hörē

So nun gehöret vnd erwysen / das Gott durch das
schriftliche vnd mündliche wort (vnd also auch durch
die Sacrament / als ein sichtlich wort / wie es Augustinus
nennet) die seeligkeit würcket / damit dz sie zeügnuß seind
seines willes. So würt darauff weytter verstanden / das
zur seeligkeit nit genüß ist / das schriftlich oder mündli-
che wort schlecht lesen oder hören / vnd Sacrament eüß-
ferlich entpfahen / sondern muß das zeügnuß Gottes wil-
lens darinn auch verstanden / gemerckt vnd mit dem her-
zen gefasset sein / als wann durch das Gesetz des gezeüg-
nuß Götlicher gebott / seines zorns vnd verdammuß v-
ber vnser sünde gepredigt würt / das das hertz warhaff-
tig dardurch erschrecke vnd Gottes zorn fürchte. Wiede-
rumb wann durch das Euangelium das zeügnuß der ver-
gebung in Christo / vnd neüwen gehorsams gepredigt
würt / das das hertz dardurch warhafftig getröset / der
sünde zuwiderstreben / in einem neüwen heyligen wandel
zuleben / inwendig angezündet werde.

Vnd das wissen wir sehr wol / thut das mündliche
wort vnd sichtbarliche Sacrament von sich selbst / od al-
lein

vom ampt Göttliche worts.

ij

lein nit damit Schwentfeldt seinen schwarm sonderlich
beweyset vnd schmucket/sonder der heylige Geyst thüt/
aber nit dann durch das wort/vnnd durch Sacrament.
Darumb die Tauffe ein bad der widergeburt / vnd Chri/
sti predig/wort des ewigen lebens geneit werden / Joha.
iij. vj. Tit. iij. Wissen vnd sagen auch noch weyter/ das
heylige Geyst solchs im hertzen thüt vnnd würcket/ wā
wir gleich eüßerlich das wort hören/ vñ Sacrament ent/
pfahen/nit wa/wann vñ wienil wir wöllen / sondern wie
er will/wie Christus spricht / der windt blaset wa er will/
zc. vnd werden gleiche zühörer des worts / auch ein jegli/
cher selbs zū vngleicher zeyt/vngleich afficiert / od im her/
tzen bewegt/wie die erfahrung zeüget.

Der H.
Geyst thüt
allein aber
nicht dann
durch
das wort vñ
Sacrament.

Derhalben auch Gott will/dz wir jmerdar vnser gan/
zes lebenlang fleissig anhalten/am wort vnd Sacramen/
ten/wie vnd welchen er derselben ein jedes geordnet hat/
nicht ablassen/ oder faul werden / vnd dabey seiner wür/
ckung gewarten sollen/Daher auch der spruch Christi ge/
höret/Wachet/dann jr wisset nit welche stund der Herr
kommen würt/ Vnd soll einer deshalben/vmb eines gü/
ten stündlins willen/sein lebenlang gern vñ fleissig Got/
tes wort lesen/hören/lernen/vnnd damit vmbgehen/wie
man spricht/Es soll einer vmb eines bösen stündlins wil/
len/ein gang jar ein messer tragen.

Der mensch
soli sein gan/
zes leben=
lang fleissig
anhalten
am wort vñ
Sacrament.

So ist weyter auch noch nit gnüg darzū/das vil vnd
fleissig hören/das iha sein soll/vnd Gott haben will/son/
dern das betten soll auch dabey sein / das man Gott mit
demütigē hertze/vmb frucht des worts vnd des heyligen
Geysts gnade anruffe/wie Christus spricht / Der Vatter

Neben dem
hören des
worts soll
man auch
fleissig bette

N iij würt

Vermanung Nicolai Galli

würt seinen heyligen geyst geben / denen die ihn darumb bitten.

Vnd wiewol ein jeglicher für sich selbs daheymē / auch die Schrifft lesen / lesen lassen / lernen kan vñnd soll / so hat doch Gott insonderheyt auch darzū verordnet vñ gebotten / die öffentlichen gemeynen versamlungen / als im iij. Gebott / vñd dabey mit seinen sondern gnaden zusein verheissen / wie Christus spricht / Wa zween od drey versamlet seind in meinem Namen / da bin ich mitten vñd inen.

Rechte Prediger vñnd Lehrer sein Gottes gaaben vñnd schencken.

Soll aber die schrifft Götlichs worts öffentlich recht gelehret / auch daheym mit verstandt gehört oder gelesen werden / so müssen zūvor da sein rechte Prediger vñ Lehrer / welche Gottes gaaben vñd geschenck seind / gleich wie das wort selbs / wie die schrifft zeüget vñ spricht / Christus sey gehn himel gefaren / das er solche gaaben den mensche gebe / Propheten / Aposteln / Hirten / Lehrer. Seind derhalben auch nöttig zür Seeligkeit vmb des worts willē / in ehren zuhaben / vñd müssen von Gott gebetten werdē / Matth. ix. Welche er eine zeyt mehr vñ reynere gibt / dan die ander / einem mehr vñ reichere gaaben zūm Ampt des Worts / dan dem anderen / wie dise vnser zeyt gegen der zeyt vnserer Vorfaren / jetzt wol zeüget. Gibt doch allen vñd jeden eynerley Wort oder Lehre vñnd Sacrament / vñd würcket bey allen oder durch alle zür Seeligkeit / vmb des ampts vñ worts willen / nach seinem willen / nit nach den andern gaaben. Aber zū erklärung reynere lehre / vñd erhaltung auß dem grundt der Propheten vñ Aposteln / wider allerley verfälschung / seind etliche gaaben nöttiger / als dardurch andere Lehrer / vñ durch die selben dar
nach

nach weyter/andere zühörer rechten verstandt vnd gaaben des Geysts zur Seeligkeyt empfahen/wie solche gaaben vnserer zeyt an Luthero zusehen gewesen.

Nach dem nun die verachtung beyde der Predige vnd Prediger/sampt allerley gaabē darzu/damit Gott Teütsches land diser zeyt auffss aller reychlichst gleich vberschüttert hat/so gar eyngerissen/vñ vberhandt nimpt / auff dz ich wider zum anfang/vñ auch beschluß diser meiner vermanung kome/So werden auch dardurch/das niemant schier mehr darumb im wort Gottes studieren will / verständig diener desselben bald wenig genüg werden/vnd zeucht Gott zur straff vast allenthalben seine gaabē bereyd ein/dz/ob gleich auch noch geleerte/doch wenig treuwe/vñ am aller wenigsten ernstliche eyferige Diener vnd Lehrer jetzt gesundē werdē/ihā bey denen mā sich solches hatt versehen/seind selbs in dem selben dienst Gottes vñ der Kirchen zu theyl vntreuw/zum theil nachlässig worden/vñ gibt Gott noch wenig ande an die statt. Derhalb endlich auß gerechtem Gottes gericht/vnd billicher straff allerley schwermerey vñ verfälschung reynere lehre/wie anfänglich gehört/vnd wider ein hunger Göttlichen worts/danon Amos sagt/vber vns in Teütsch land muß folgen. Was istts auch wunder/weyl die mittel vnd werck zeüge/dardurch Gott zur Gottseligkeyt vnd ewigem leben würcket/gleicherweyß wie oben gehört/also veracht seind/das die Welt so Gottloß/vntreuw/vnd böß würt/wie jederman jetzt darüber klagt: Das auch/wañ es hernach mit vilen zum creütz/leyden vnd sterben kompt / vñ sie da gleich bey den haren gezogen werden/trost bey dem

Getreüwer
vnd verstän
diger diener
seind allent
halb wenig.

Vermanung Nicolai Galli

wort zusüchen/das sie den selben dann auch nicht so bald
vnd souil finden/als sie gern wolten. Dann wie Paulus
spricht/das vns die heylig Schrifft sey zur lehre fürge-
schryben/auff das wir durch gedult/vnd trost derselben
hoffnung haben/also müssen die verächter dann da auch
bezalen/das inē Gort nit so bald mit dem trost auffhupf-
fet/den selben ins hertz zugeben/wann sie auß not gedrun-
gen/ein mal nach dem Pfaffen fragen/vnd Gottes wort
von ihm begeren zu hören.

Schwenc-
kumpf mit
seiner
schwerme-
rey hinweg
allentrost.

Weylnün zu solchem vbel allem miteinander/Schwēck-
feld mit seiner Schwermerrey vollēds gwaltigklich hilfft/
vnd damit er die Predige vnd Prediger heyliger Schrifft
lehret verachtē/schō alle rechte erkānuß/Gottes dienst/
gehorsam/trost vnnnd Seeligkēyt zugleich eben hinweg
nimpt/allen irthumb/Gotteslesterung/verachtung/
verzweyfelung raum gibt/vnd selbs mitbringet. So wöl-
le darauff jederman/sonderlich die Schlesiē seine lands
leüte/vnd wa er mehr/auch in Oberteütschland vmbher
schweyfft/vñ seinen saamen gesäyet hat/sich für ihm vnd
seinen jüngern/als für falschen Propheten (die auch iren
schaff belz sonderlicher hoher erleüchtung vñ heyligkēyt
mitbringen mögen/nach dem befehl Christi mit fleiß für
sehen vnnnd hüten/irer stimme als ware schäfflin Christi
nit gehorchen/sondern fliehen/sie auch nit zuhause nem-
men/noch grüssen/das ist/keine gemeynschafft mit inen
haben. ij. Johan. j. Prediger wöllen auch ihre irthumb/
wa vñ nach dē von nöten/offentlich anzeygen/mit grūd
Götrlichs worts widerlegē/die einseitigē zu vnderrichtē/
vnd zünerwarnen. Weltliche Oberkēyt aber soll sie auch

Die Ober-
kēyt soll dē
Schwenc-
feld wehren

iii

in ihrem gebiet nit leyden/da sie sich solcher irrthumb ver-
nehmen/vnd die sonderlich außbreytten wöllen.

Gegen vnnnd wider die selbigen aber auch / vnnnd ein-
gerissene Gottlose gewonheyt / wöllen alle menschen/
welchen ire Seeligkēyt setzt nur souil noch zugemüt ges-
het/das sie doch endtlich gern wolten seelig werden / inett
selbst bey zeyt souil darzū dienen/ doch nicht die selben al-
lein/sonder auch noch alle vnd jede Christen/das sie Got-
tes wort vnd Sacrament/ Predige vnd Prediger dessel-
ben in ehren haben/gern vnd fleissig jmerdar hören / vnd
nicht auffhören zulerne/das ist/ die Seele mit täglicher
irer speise nehren/oder das hertz jha damit zuwermen.

Dif hab ich allein so zur vermanūg vñ warnūg / weyl
von dem irrthumb Schwencfelds in vorgehendem büch
sonst genūg gesagt/auch zū meiner bekantnuß vnd

dienst der Kirchen/meinem ampt nach / hie

kürtzlich mit wöllen anhenckē. Gott

gebe zū viler besserung / vnd

hindertreibūg d werck

des Teüfels /

AMEN.

Rom. j.

Ich schäme mich des EVANGELII von Christo nit/
Dann es ist ein KRAFFT Gottes/die da Seelig machet/
alle die daran glauben,

1. Cor.

j. Cor. j.

Das VVORT vom creütz ist eine Thorheyt denen/die verloren werden/vns aber/die wir Seelig werden/ists eine KRAFFT Gottes. Et Paulo post. Dann dieweyl die welt durch ire weyßheyt / Gott in seiner weyßheyt nit erkante / gefiel es Gott wol / durch toechte PREDIGE Seeligzumachen/die/so daran glauben.

j. Cor. iij.

Wer ist nün Paulus? wer ist Appollo? diener seind sie/ DVRRCH welche jr seind gleübig worden/vnd dasselbige wie der Herz einem jeglichen gegeben hat. Ich habe GE PFLANTZET/Apollo hat begossen/aber Gott dz GE DEYEN gegeben. Et Paulo post. Jr seind Gottes gebew/ ich vō Gottes gnade die mir gegeben ist/hab dē GRVND gelegt/wie ein weyser Bawmeyster.

j. Cor. iij.

Ich hab eüch GEZEVGET in Christo Jesu DVRRCH Das Euangelium.

Auß disen sprüchen ist sehr leicht abzunemen / wie feyn seüberlich Schwencfeld schwer met in dem/das er saget. Gott würcke nicht vnserre Seeligkcyt durch die H. Schrifft.


AB: 154037

ULB Halle 3
004 071 573



139.







Von der H. Schrift
und irer würckung/wider Caspar
Schwenckfeld/Durch Matthiam,
Slacium Illyricum.

Mit einer Vermanung Nicolai Galli/das ampt Göttlichs
worts in ehren zuhaben.

Rom. v.

Der Glaube kompt auß dem gehör durchs wort
Gottes/haben sie es nicht gehört. 2c.

Der fürnehmste streytt mit Schwenckfeld ist von diesem
Spruch/Er zeühet ihn auffs inwendige gehör des Geysts/
wir verstehen in vom außwendigen gehör der rechten Pre-
diger. Dañ weyl der heylig Paulus allda von der eüsserliche
Predig redet / so muß er auch notwendig vom eüsserlichen
gehör handeln / daß er spricht/wie sollen sie hören ohn Pre-
dig 2c. Item/wie lieblich seind die füsse deren/so den Friden
verkündigen 2c. Item/haben sie es nicht gehört/Zwar es ist
jr schall in alle land/vnd jr wort in die ganze Welt außganz
gen/Iha Paulus setzt allda nach einander ein ganze reyge
causarum et effectuum/als Gottes sendung / der Prediger
predigen / das hören/glauben/anruffen/selig werden. Gott
der güttrige vatter schicket rechte Prediger/die Prediger pre-
digen Gottes wort / die leüt hörens / die hörenden glauben/
die gleichigen ruffen Gott an/die Anruffer werde selig/Ist
nun der Prediger vnd sein predig ein leylich vnd
eüsserlich ding/so muß auch gewißlich
das hören ein leylich auß-
wendig ding
sein.

M. D. LIIII.

